



ԶՄԻԱԾԻՆ



Amc 196



ԽԴ

ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

ՅԻՆԱՅԻՐ


1987



ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



ԽՏԻՆԵՐԻՆ

Ի ՍԵՐ ԿԱՐԳ ՈՒ ԿԱՆՈՆԻ

1. Խմբագրությունն անցյալ հոկտեմբերին հրատարակեց մի խմբագրական՝ «Ի սեր եկեղեցու միության» խորագրով, պաշտպանելով մեր Մայր եկեղեցին մի կազմական կանոնադրությամբ օժտելու անհրաժեշտությունը, այն համոզմամբ, թե նման մի կանոնադրությամբ ամրապնդված կլինի ներքին միությունը եկեղեցու, ճշոված՝ իրավասությանց սահմանները մեր նվիրակետական Աթոռների և սկզբնավորված ներդաշնակ գործակցությունը նրանց միջև:

Ըստ երևույթին, սակայն, արտասահմանյան որոշ թերթեր ծուռ հայելու մեջ են տեսնում Մայր Աթոռիս ճիգերը այդ ուղղությամբ և երևակայական արտատոց պատկերացումներով ձգտում են շփոթեցնել իրենց բարեմիտ ընթերցողներին:

Վերջերս ստացանք նման խմբագրականների մի նոր շարք՝ Միացյալ Նահանգներում լույս տեսնող նույն «Հայրենիք» օրաթերթում, նույն արտատոց վերագրումներով Մայր Աթոռիս և հատկապես կանոնադրության նախագիծը մշակող Հանձնաժողովի անդամների հասցեին: Խմբագիրը մի կողմից՝ չափազանցված ժխտական ձևով ներկայացնում է այժմյան սփյուռքյան եկեղեցական ու ազգային կյանքի պատկերը, իբրև անկազմակերպ ու անկարգ, և մյուս կողմից՝ մոլեգնորեն հարձակվում է եկեղեցական մի ներքին կանոնադրության մշակման գաղափարի վրա, որի հիմնական նպատակն է հենց՝ կարգ ու կանոն և ներդաշնակ մթնոլորտ ստեղծել Սփյուռքում, գեթ եկեղեցական կյանքի մակարդակի վրա:

Ահա մի մեջբերում «Հայրենիք» օրաթերթից (22 նոյեմբեր 1986 թ.):

«Բառին նույնիսկ սահմանափակ իմաստով ՀԱՆՐԱՅԻՆ ԿԱՐԾԻՔ գոյութիւն չունի սփիւռքեան ժողովուրդի լայն խաւերուն մէջ, ինչ որ դուռ կը բանայ եւ ճամբայ կը հարթէ անհակակշիռ կեանքի, կամայական գործունէութեանց, սանձարձակ անիշխանութեան, կարգ-կանոնի եւ պատասխանատւութեան զգացումի չգոյութեան, լճացումի, հետեւաբար նաեւ... ճահճացումի. բարբերու եւ սովորութեանց՝ որոնք կ'ամլացնեն ժողովուրդի կենսունակութիւնը եւ զայն կը վերածեն փակ ականջներով եւ կոյր աչքերով օրուան հոսանքին յանձնուած հաւաքականութեան»:

«Ախտանշելի իրողություններեն մեկն է ԱԶԳԱՅԻՆ-ԵԿԵՂԵՑԱԿԱՆ ՃԱԿԱՍՏԻ ՎՐԱՅ ԵՐԵՍՈՒՆ ՏԱՐԻԷ Ի ՎԵՐ ԳՈՅՈՒԹԻՒՆ ՈՒՆԵՑՈՂ ՀԻՒԱՆԴԱԳԻՆ ԿԱՅՈՒԹԻՒՆԸ»:

2. Խմբագրի սույն ախտորոշումը թեև խիստ չափազանցված է, բայց որոշ չափով ճշմարտություն պարունակում է: Ծշմարտություն կա հատկապես եկեղեցական կյանքի տեսակետից, որովհետև ազգային-հասարակական կյանքի մակարդակի վրա բնական պետք է նկատել կարգ ու կանոնի չգոյությունը: Սփյուռք նշանակում է ցրվածություն, հետևաբար բազմազանության խառնարան, հետևաբար անհամերաշխություն: Սակայն այդ խառնարանի մեջ եթե կա մի կազմակերպություն, որ կարող է և անհրաժեշտ է որ միավորող գործոն հանդիսանա, դա Հայ Եկեղեցին է: Եվ պատմականորեն էլ մեր Եկեղեցին այդ առաքելությունը ունեցել է և այն կատարել է պատվով: Դրա համար էլ նա կոչվում է ազգային Եկեղեցի, համազգային Եկեղեցի: Խմբագիրը, սակայն, ի վիճակի չէ անդրադառնալու, թե հենց այդ խառնակ կացությունը դարձանելն է, կարգ ու կանոն ստեղծելն է Մայր Աթոռիս նպատակը, Սփյուռքի եկեղեցական կյանքի մակարդակի վրա, համերաշխ գործակցությամբ մեր նվիրապետական Աթոռների, հատկապես Սուրբ Էջմիածնի Ամենայն Հայոց Հայրապետության և Տանն Կիլիկիո Աթոռի միջև:

«Հայրենիք»-ի խմբագիրը պարզապես զոհ է գնում իր խանգարված երևակայության և փորձում է պղտորել սփյուռքահայ կյանքի ջրերը, չգիտես ի՞նչ նպատակով, համենայն դեպս ո՛չ հոգուտ Հայ Եկեղեցու, ո՛չ հոգուտ հայ հավատացյալ ժողովրդի և ո՛չ էլ հոգուտ Տանն Կիլիկիո Կաթողիկոսության հեղինակության: Եվ անշուշտ ո՛չ էլ հոգուտ Հայրենիք-Սփյուռք հարաբերություններին: Սակայն նման մտահոգություն չունի խմբագիրը, զի հայտնի չէ, թե ո՞րն է «Հայրենիք»-ի հայրենիքը:

3. «Հայրենիք»-ի խմբագիրը, մեղադրելով Ս. Էջմիածնի Մայր Աթոռը, թեմերի և եկեղեցիների ժողովրդավարական կարգ ու կանոնի կապակցությամբ միգուցե ի նկատի ունի Հարավային Ամերիկայի հայոց թեմական—եկեղեցական կյանքի և կամ Ֆրանսիայի հայոց թեմական վերակազմակերպումի պարագաները:

Ծշմարտությունը այն է, որ Մայր Աթոռն տարիներից ի վեր բազմիցս պաշտոնապես պատկան եկեղեցական մարմիններին հայտնել է այդ մասին իր մտահոգություններն ու թելադրանքները՝ տվյալ շրջանները օժտելու թեմական-եկեղեցական կառույց ունեցող կանոնադրություններով, հիմնված եկեղեցական կարգ ու կանոնի և ժողովրդավարական սկզբունքների վրա: Թեև պետք է ասել նաև, որ վերոհիշյալ թեմական շրջաններում էլ եկեղեցին ղեկավարվում է ժողովական դրությամբ, առավելապես աշխարհական անձերով, որտեղ կղերապետության հետքն իսկ գոյություն չունի:

Մենք վստահ ենք, թե վերոհիշյալ շրջանները ևս, տեղի եկեղեցական վարչությունների արտցավ աջակցությամբ, մոտ ապագայում կօծովեն թեմական-եկեղեցական կառույց ունեցող կանոնադրություններով՝ ժողովրդավարական սկզբունքների համաձայն:

4. Եկեղեցու ղեկավարման ժողովրդավար սկզբունքները իրականում վաղուց կյանքի են կոչված Մայր Աթոռիս բոլոր թեմերում, բոլոր համայնքներում, թե՛ Սփյուռքի տարածքի վրա և թե՛ մեր մայր երկրում: Ինչպես հայտնի է, մեր հայրենի ներքին թեմերում, Եկեղեցու ղեկավար Գործադիր մարմինները (հոգաբարձությունները), թեմական խորհուրդները և վերատուգիչ հանձնաժողովները ընտրված են համայնքների հավատացյալների կողմից, որոնց անդամակցում են թե՛ տղամարդիկ և թե՛ կանայք, ժողովրդավարա-

կան սկզբունքներով, Հայ Եկեղեցու ավանդական կանոնների և մեր երկրի օրենքներով նախատեսված կարգի համաձայն: Միայն վանական միավորները՝ Ս. Էջմիածնի Մայրավանքը, Վաղարշապատի չորս վանքերը, Ս. Գեղարդն ու Ս. Խորվիրապը գտնվում են ողողակի Հայրապետական իշխանության ներքև, ըստ ավանդական կարգի: Ս. Էջմիածնի թեմերում, Հայաստանում թե Սիյուրքում, չկա ո՛չ կղերապետություն և ո՛չ էլ կուսակցապետություն:

5. Ճշմարիտ է, որ Հայ Եկեղեցու պատմական ընթացքում, իբրև հետևանք քաղաքական դժնդակ պայմանների, միջին դարերում, բարբարոսների արշավանքների ժամանակաշրջանում, ապա նաև պարսկական և օսմանյան տիրապետության ժամանակ, հաճախ տիրել է անկազմակերպ ու անկարգ վիճակ մինչև 19-րդ դարի կեսերը: Եղել են, այո՛, կանոնական խախտումներ նվիրապետական Աթոռների միջև, ստեղծվել են հակաթոռ կաթողիկոսություններ, տեղի են ունեցել գեղծումներ, չարաշահումներ կալվածական գործարքներում անարժան հոգևորականների և աշխարհական գործիչների մեղքով: Սակայն այդ անկարգ վիճակներին վերջ են տրվել կյանքի կոչվելով եկեղեցական երկու կանոնադրությունների, Արևելահայաստանում՝ 1836-ից, իսկ Արևմտահայաստանում՝ 1863-ից սկսած:

Արևելահայաստանում 1836-ին կյանքի կոչված կանոնադրությունը՝ «Պոլոժենիան» (Status), մի եկեղեցական կանոնադրություն էր՝ հաստատված ցարական իշխանության կողմից, իսկ Արևմտահայաստանում՝ «Ազգային Սահմանադրություն»-ը (Էրմենի պատրիկլիի նիզամնառը), մի ազգային-եկեղեցական կանոնադրություն էր՝ հաստատված օսմանյան իշխանության կողմից: Այս երկու կանոնադրություններն էլ իրենց ժամանակին բարերար դեր են կատարել ոչ միայն զուտ կրոնական-եկեղեցական տեսակետից, այլև բախտորոշ նպատակ են հանդիսացել անցյալ դարի հայոց ազգային, կրթական, մշակութային և քաղաքական զարթոնքի ճանապարհի վրա:

Այո, հայոց եկեղեցական ու ազգային կյանքում բարերար դեր կատարեց «Պոլոժենիան» Արևելահայաստանում, որի հիման վրա կազմակերպվեց Հայ Եկեղեցու վարչական, կրթական ու տնտեսա-ֆինանսական կյանքը: Բավական է հիշել միայն Էջմիածնի Գևորգյան ճեմարանի և Թիֆլիսի Ներսեսյան վարժարանի, Մոսկվայի Լազարյան ճեմարանի, ինչպես նաև Երևանի, Նոր Նախիջևանի, Աստրախանի թեմական դպրոցների պատմական դերը հայոց ազգային-մշակութային, քաղաքական կյանքում: 19-րդ դարի գրեթե բոլոր գրական և քաղաքական ծանոթ դեմքերը, որոնք արեւելահայոց վերածնունդը կերտեցին, եղել են շրջանավարտները վերոհիշյալ կրթական մեծ հաստատությունների, որոնք գոյություն էին առել և գործել ցարական Ռուսաստանի օրոք, «Պոլոժենիայի» եկեղեցական կանոնադրության օրինական հիմքերի վրա: Պատահական չէ, որ հայ ազատագրական շարժումը կազմակերպված ձև է ստացել առավելապես արևելահայոց ղեկավարությամբ:

6. Տարբեր պայմաններում, նույն դերն է վիճակվել արևմտահայության կյանքում «Ազգային Սահմանադրության», որ հաստատվել էր օսմանյան իշխանության կողմից 1863-ին, և արդյունքն էր հայ եկեղեցական և հայ մտավորական լուսամիտ գործիչների երազանքների ու երկարամյա պայքարի: Իր ժամանակին, 1863-ի «Ազգային Սահմանադրություն»-ը հանդիսացել է թրքահայոց ազատամիտ առաջադեմ սերունդների հաղթանակը հայ եկեղեցական ու ազգային-հասարակական կյանքում, թեև, առհաղ, այն տեղապես չի գործադրվել, վերածվել է «քառակուսի անիվի» (Խրիմյան Հայ-

րիկի ծանոթ բանաձևումով), և երբեմն մույնիսկ կախակայվել է, իսկ Սսի Կիլիկյան Աթոռը ճանաչում իսկ չի տվել «Ազգային Սահմանադրության» ու մերժել է գործադրության դնել այն:

Բնական է, թե՛ «Պոլոժենիան» և թե՛ «Ազգային Սահմանադրություն»-ը պատկանում են հետավոր անցյալին, լինելով դրսևորումները անցյալ դարի հայոց կյանքի պայմանների, և որոնք մեր օրերին գոյության ո՛չ իրավական հիմք ունեն և ո՛չ էլ համապատասխանում են մեր ժողովրդի եկեղեցական ու ազգային կյանքի պայմաններին, մայր երկրում թե արտասահմանում:

7. Այս բոլոր պատմական տվյալներից և «Հայրենիք»-ի աղմկարարությունից՝ հստակ մի բան է պարզվում, այն, որ Հայ Եկեղեցին մի ներքին կազմական կանոնադրությամբ օժտվել անհրաժեշտ և օգտակար է, վերջ դնելու համար վերջին տասնամյակներում մեր Եկեղեցու ծոցում հաշտացած անկարգ արարքներին, կանոնազանցություններին, ներքին տազնապանքներին, կամայականություններին և չարաշահումներին, որոնցից գանգատվում է հենց ինքը խմբագիրը:

Այո, ի սեր կարգ ու կանոնի անհրաժեշտ է կյանքի կոչել մի կազմական կանոնադրություն մեր Եկեղեցու կյանքում, իբրև փրկարար լաստ:

Մեր կարծիքով մնան մի կանոնադրությամբ կարող են իրականացնել հետևյալ ցանկալի առաջադրանքները՝

ա. Հռչակել միությունը և մեկությունը Հայ Առաքելական Եկեղեցու և միասնությունը հայ հավատացյալ ժողովրդի որ ի Հայաստան և որ ի սփյուռս աշխարհի, զուտ կրոնական կյանքի մակարդակի վրա, առանց քաղաքական կուսակցական միջամտությունների ոչ մի կողմից: Եկեղեցին ու նրա ծառայողները, հոգևորականներ թե աշխարհականներ, պետք է վերմնան ու անկախ՝ կուսակցություններից և քաղաքական գաղափարախոսական հոսանքներից: Այո, հարկավոր է հանգիստ թողնել Եկեղեցուն, որպեսզի նա կարողանա վերագտնել իր ներքին միությունը և կարգ ու կանոն հաստատել իր տան մեջ:

Եվ անբնական ու անկարգ երևույթ չէ՞ միթե, որ առավելապես Եկեղեցուն վերաբերող կենսական հարցերի մասին՝ մի կուսակցության պաշտոնաթերթ աղմկում է հրապարակը անվերջանալի խմբագրականներով, իբր թե ի պաշտպանություն Տանն Կիլիկիո Աթոռի, մինչ ինքը Կիլիկյան Աթոռը լուր է մնում և հավանաբար տրտում:

բ. Հռչակել կանոնական միությունը Հայ Եկեղեցու նվիրապետական Աթոռների և հատկապես հոգևոր գործակցությունը և միասնությունը Մայր Աթոռ Ս. Էջմիածնի և Մեծի Տանն Կիլիկիո Աթոռի միջև, իրավասությանց սահմանների ճշտումով:

գ. Նվիրագործել ներդաշնակ գործակցությունը հոգևորականաց դասի և աշխարհական հավատացյալների միջև հավասար իրավասություններով՝ եկեղեցական, վարչական և ֆինանսական կազմակերպության մակարդակի վրա, առանց գերակշիռ դեր վերապահելու մեկին կամ մյուսին:

դ. Հստակորեն հաստատել ժողովրդավարական և ժողովական դեկավարման դրությունը Եկեղեցու կյանքում, համայնքային և թեմական կազմակերպությանց մակարդակների վրա:


ե. Դավանական, եկեղեցա-կանոնական, հոգևորականաց կարգապահության, կրոնական, ծիսական բարեկարգությանց հարցերի քննարկումը և լուծումը վստահել եպիսկոպոսաց իրավասության և կաթողիկոսական կանոնական հաստատման:

«8. Նոր տարվա սեմին, այս խոհերով և սպասումներով, խմբագրությունս մաղթում է իր ընթերցողներին արևշատ խաղաղ օրեր, բարի գործերի հաջողությամբ, համայն աշխարհի խաղաղ գոյակցության պայմաններում:

Թող մեր Վեհափառ Հայրապետի աղոթքը խնկի նման ողիղ դեպի երկինք բարձրանա՝ «Թող բարին Աստված քաղցրությամբ ընդունի մեր և ձեր աղոթքները, և Սուրբ Ծննդյան շնորհները թող առատապես իջնեն մեր Մայր Եկեղեցու, մեր հավատավոր ազգի բոլոր զավակների վրա, այլև համայն մարդկության վրա»:

ամեն:

Շնորհավոր Նոր տարի և Ա. Ծնունդ:





ԱՄԵՆԱՅՆ ՀԱՅՈՑ ԿԱԹՈՂԻԿՈՍ Տ. Տ. ՎԱԶԳԵՆ Ա.
ՀԱՅՐԱՊԵՏԻ ՍՈՒՐԲ ԾՆՆԴՅԱՆ ՔԱՐՈԶԸ՝ ԱՐՏԱՍԱՆՎԱԾ
ՍՈՒՐԲ ԷԶՄԻԱԾՆԻ ՄԱՅՐ՝ ՏԱԾԱՐՈՒՄ
(6 հունվար 1987 թ.)

«Փառք ի բարձունս Աստուծոյ և յերկիր խաղաղութիւն, ի մարդիկ հանութիւն»:

Հավատացյալ ժողովուրդ մեր որ ի Հայաստան և որ ի սիյոնու աշխարհի:

Սուրբգրական Արարատյան Հայոց աշխարհից, Ամենայն Հայոց Սուրբ Էջմիածնի բարձունքից վերստին բերում ենք ձեզ բոլորիդ մեծ ավետիսը մեր Փրկչի՝ Հիսուս Քրիստոսի Սուրբ Ծննդյան:

Այո, այսօր տոն է Սուրբ Ծննդյան՝ ավետիս:

Ծնվեց Քրիստոս Փրկիչ արքան՝ ավետիս:

Երկինք երկիր հաշտվեցին՝ ավետիս:

Հնչեց ձայնը խաղաղության՝ ավետիս:

Պատմության հարափոփոխ ժամանակների ու ճանապարհների վրա, մարդկային բազմությունների մշտադադուն երազանքն ու աղերսն է եղել աշխարհում տեսնել խաղաղության և մարդկանց միջև բարի կամեցողության թագավորումը:

Ու երկու հազար տարիներ առաջ, Աստվածորդու Ծնունդը խաղաղության պատգամի շեփորումով, հանդիսացել է երկնքի պատասխանը, խաղաղության և բարի կամեցողության ծարավի մարդկանց ու ազգություններին: Պատգամ, որ ինչքան ժամանակները եկել ու անցել են, այն-

քան առավել հրամայական է դարձել, ի խնդիր մարդկային կյանքի ու քաղաքակրթության գոյատևման երկրի վրա:

Այսօր, Սուրբ Ծննդյան տոնի առավոտյան, մեր Մայր Եկեղեցին և Մենք՝ առաջին սպասավորը նրա, փառաբանում ենք լուսաբացը Քրիստոսի փրկչագործ կյանքի, որը սկիզբ է առել խաղաղության և ի մարդիկ հաճության աստվածառաք պատգամով:

Քրիստոսի ծնունդով, պատմության հորիզոնի վրա ճառագայթել է, այո՛, խաղաղության փրկարար գաղափարը, և մահախուճապ սերունդներ, մահավանդ խոնարհ ու ճնշված մարդկային զանգվածներ, երկու հազար տարիներ շարունակ երազել են, տքնել ու մարտնչել են, վերջապես աշխարհի վրա կյանքի կոչված տեսնելու համար թագավորունը խաղաղության գաղափարի:

Մեր օրերին էլ շարունակվում է այդ սրբազան մարտնչումը, և մահավանդ մեր օրերին, երբ մարդիկ ձեռք են բերել պատերազմելու ահարկու միջոցներ, մարդկային կյանքի գոյատևմանը սպառնացող զենքեր:

Ի՞նչ ողբերգություն, ի՞նչ ողբերգական ճակատագիր այսօր, երբ մարդկային իմացական հանճարը հայտնաբերել է նյութի ցարդ անժանոթ անչափելի ուժերը, որոնք կոչված են երջանկաբեր դառնալու մարդկային կյանքի համար, նույն այդ հրաշագործ ուժերը կարծեք վերածվելու են երկրի վրա կյանքը բնաջնջող դժոխային մեքենաների:

Աստմական ուժերը ծառայեցնել մարդկության բնաջնջման, արդյոք չի՞ մահավում հաբեղոնի աշտարակը կառուցող խելագարներին, որոնք երկինք բարձրանալու, տիեզերքը նվաճելու աշխարհակալ գոռոզ մտածումով հետամտում էին Աստծուն հասնել ու նրա ստեղծագործությունը կործանել: Մեր օրերին էլ, հյուլելի ուժերը սանձազերծել՝ պատերազմական, մարդասպան նպատակներով, նույնպես խելագար ժխտումն է Քրիստոսի ծննդյամբ շեփորված խաղաղության ավետիսի:

Մեր քրիստոնեական խիղճը, մեր բարոյական գիտակցությունը թելադրում են մեզ հպատակվել Աստուծո խաղաղարար պատգամին և ընդդիմանալ պատերազմին, ընդդիմանալ ամեն տեսակի սպառազինություններին: Եվ հոգեկան միսթարություն է Մեզ համար, որ ազգությունների խաղաղ գոյակցության հրամայականը հետզհետե առավել թափով համաշխարհային ծավալ է ստանում ամեն տեղ մեր երկրագնդի վրա, և բազմաթիվ պետությունների պատասխանատու ղեկավարներ հանդես են գալիս ի պաշտպանություն խաղաղության մարդասիրական քաղաքականության, որոնց շարքին առաջին գծի վրա է գտնվում Սովետական Միության կառավարությունը, այնքան վճռական հետևողականությամբ ու լավատեսությամբ:

Մենք աղօթում ենք տիվ և գիշեր, որ Աստված գորավիզ ու մարտակից լինի խաղաղարար պետություններին, որ դադարեցվեն ամեն տեսակի սպառազինումները, որ սկիզբ առնի ընդհանուր և ամբողջական զինաթափում, որ միլիոնավոր մարդկանց արյունով ներկված քաաներորդ դարը, հաջորդող դարին փոխանցի մի մարդկային մոր աշխարհ առանց հրի և սրի:

Մեր այս աղոթքը բխում է նաև Հայ Եկեղեցու և նրա հավատացյալ ժողովրդի խղճից, մի Եկեղեցի ու մի ժողովուրդ, որ դարեր ու դարեր շարունակ ճնշվել է և նահատակվել ալլազգի պատերազմող աշխարհակալների ամբակների տակ, մի Եկեղեցի ու մի ժողովուրդ, որի մեկ երրորդը, մոտ երկու միլիոն խաղաղ ազգաբնակչություն, բնաջնջվել է իր

պատմական հայրենի հողի վրա իսկ, առաջին համաշխարհային պատերազմի 1915 և 1916 թվականներին, մի Եկեղեցի ու մի ժողովուրդ, որ ահա մոտ յոթ տասնամյակներից ի վեր հասել է իր ազգային կյանքի խաղաղության նախահանգստին ու ապրում և զարգանում է ապահով ու անվտանգ պայմաններում՝ վերածնված իր հայրենի արդի պետության հովանու ներքև, սովետական բազմազգ հանրապետությունների մեծ ընտանիքում:

Մեր Եկեղեցու և ժողովրդի բոլոր արդար իղձերի, բոլոր լույս երգանքների իրականացումը պայմանավորված է համայն աշխարհի ու մեր վերածնված հայրենիքի խաղաղության և անվտանգության պահպանմամբ: Հայ ժողովրդի արդար իտեալների հետապնդումը, լավատեսությամբ է դրոշմվում մեր մայր երկրի արդի պայծառ իրականությամբ:


Սիրելի հավատացյալներ, ահավասիկ Մեր աղոթքը, ահավասիկ Մեր խոհերը մեր Փրկչի՝ Հիսուս Քրիստոսի Սուրբ Ծննդյան այս լուսաշող առավոտյան:


Թող բարին Աստված քաղցրությամբ ընդունի Մեր և ձեր աղոթքները, և Սուրբ Ծննդյան ու Աստվածհայտնության շնորհները թող առատապես իջնեն մեր Մայր Եկեղեցու, մեր հավատավոր ազգի բոլոր զավակների վրա, այլև համայն մարդկության վրա: Այդ շնորհներով լուսավորված ու գոտեպնդված՝ աշխարհի բոլոր մեծ ու փոքր պետությունները թող գտնեն խաղաղ կյանքի ու համերաշխ գործակցության ճանապարհները, միասնական ճիգերով՝ համբերությամբ ու լավատեսությամբ:

Եկեք միխթարվենք այսօր այն հավատքով, թե երկնառաք խաղաղության գաղափարը հաղթությամբ է պսակվելու, զի նա է հանդիսանում հզորագույն զենքը: Եվ ով արդար է, թող վերցնի խաղաղության զենքը, զենքը աստվածսիրության, զենքը մարդասիրության, զենքը իրավ հաղթության:

Եվ հայնժամ պիտի իրականանա տեսիլը մեծ սաղմոսերգուի՝ «Արարության և խաղաղության համբուրեացին» (Սաղմ. 22, 11):

«Ծնորհք, սէր և խաղաղութիւն Տեառն մերոյ Յիսուսի Քրիստոսի, եղիցին ընդ ձեզ այժմ և միշտ»: Ամեն:





ԱՄԱՆՈՐԻ ԵՎ ՓՐԿԶԻ ՀՐԱՇԱՓԱՌ ՍՈՒՐԲ ԾՆՆԴՅԱՆ
ՏՈՆԵՐԻ ԱՌԹՎ ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ
ՊԱՏՐԻԱՐՔ ԵՎ ԿԱԹՈՂԻԿՈՍ, ՆՈՐԻՆ ՍՈՒՐԲ ՕԾՈՒԹՅՈՒՆ
Տ. Տ. ՎԱԶԳԵՆ Ա ՀԱՅՐԱՊԵՏԻ ԵՎ ԲՈՒՅՐ ԵԿԵՂԵՅԻՆԵՐԻ
ՀՈԳԵՎՈՐ ՊԵՏԵՐԻ ՄԻՋԵՎ ՓՈԽԱՆԱԿՎԱԾ ՈՂՋՈՒՅՆԻ
ՀԵՌԱԳՐԵՐՆ ՈՒ ԳՐՈՒԹՅՈՒՆՆԵՐԸ

Հոռմեական Կաթողիկ Եկեղեցու Քահանայապետ, Նորին Սրբություն
ՀՈՎՀԱՆՆԵՍ-ՊՈՂՈՍ Բ ՊԱՊԻՆ (Հոռմ),
Կոստանդնուպոլսի Հունաց Տիեզերական Պատրիարք, Նորին Սրբություն
ԴԵՄԵՏՐԻՈՍԻՆ (Ստամբուլ),
Մոսկվայի և համայն Ռուսաստանի Պատրիարք, Նորին Սրբություն
ՊԻՄԵՆԻՆ (Մոսկվա),
Երուսաղեմի Ուղղափառ Եկեղեցու Պատրիարք, Նորին Սրբություն
ԴԻՈԴՈՐՈՍԻՆ (Երուսաղեմ),
Ղպտի Ուղղափառ Պատրիարք, Նորին Սրբություն
ԱՄԲԱՆ ՇԸՆՈՒԴԱ Գ-ԻՆ (Կահիրե),
Համայն Եթովպիայի Պատրիարք, Նորին Սրբություն
ԱԲԲԱ ԹԵՔԼԵ ՀԱՅՄԱՆՈԹԻՆ (Ադիս Աբեբա),
Հնդկաստանի և Արևելքի Մալաբար Եկեղեցու կաթողիկոս, Նորին Սրբու-
թյուն ԲԱՍԻԼԻՈՍ ՄԱՐ ԹՈՄԱ ՄԱՏԹԵՈՍ Ա-ԻՆ (Քոթայամ),
Համայն Վրաց Պատրիարք-կաթողիկոս, Նորին Սրբություն
ԻԼԻԱ Բ-ԻՆ (Թբիլիսի),
Ռումին Օրթոդոքս Եկեղեցու Պատրիարք, Նորին Սրբություն
ԹԵՈԿՏԻՍՏԻՆ (Բուխարեստ),
Բուլղար Օրթոդոքս Եկեղեցու Պատրիարք, Նորին Սրբություն
ՄԱՔՍԻՄԻՆ (Սոֆիա),
Անտիոքի Ասորի Ուղղափառ Եկեղեցու Պատրիարք, Նորին Սրբություն
ԻԳՆԱՏԻՈՍ ԶԱՔՔԱ Ա ԻՎԱՍԻՆ (Դամասկոս),

Անտիոքի և Համայն Արևելքի Հույն Կաթոլիկ Եկեղեցու Պատրիարք, Նորին
 Սրբություն **ՄԱՔՍԻՄՈՍ Ե ՀԱՔԻՄԻՆ** (Դամասկոս),
 Անտիոքի Ասորի Կաթոլիկ Եկեղեցու Պատրիարք, Նորին Սրբություն
ԻԳՆԱՏԻՈՍ ԱՆՏՈՒԱՆ ՀԱՅԵՔ Բ-ԻՆ (Բելյուրթ),
 Անտիոքի և համայն Արևելքի Հույն Օրթոդոքս Եկեղեցու Պատրիարք, Նորին
 Սրբություն **ԻԳՆԱՏԻՈՍ Գ-ԻՆ** (Դամասկոս),
 Քենթրբերիի Արքեպիսկոպոս, համայն Անգլիայի Եպիսկոպոսապետ և միտ-
 րոպոլիտ, Նորին Գերաշնորհություն **ՌՈԲԵՐՏ ՌԸՆՍԻՆ** (Լոնդոն),
 Աթենքի և համայն Հելլադայի Արքեպիսկոպոս, Նորին Գերաշնորհություն
ՍԵՐԱՖԻՄԻՆ (Աթենք),
 Սերբիայի և համայն Հարավսլավիայի Պատրիարք, Նորին Սրբություն
ԳԵՐՄԱՆԻՆ (Բելգրադ),
 Վարշավայի և համայն Լեհաստանի միտրոպոլիտ, Նորին Գերաշնորհու-
 րություն **ՎԱՍԻԼԻՆ** (Վարշավա),
 Պրագայի և համայն Չեխոսլովակիայի միտրոպոլիտ, Նորին Գերաշնորհու-
 րություն **ԴՈՐՈՖԵՅԻՆ** (Պրագա),
 Կիպրոսի Արքեպիսկոպոս, Նորին Գերաշնորհություն
ԽՐԻՍՏՈՍՏՈՄՈՍԻՆ (Նիկոզիա),
 Անտիոքի Մարոնիտ Պատրիարք, Նորին Ամենապատվություն
ՄԱՐ ՆԱՍՐԱԼԱ ԲՈՒՏՐՈՍ ՍՅԵՅՐԻՆ (Կերկե),
 Նորին Ամենապատվություն կարդինալ
ՌՈԺԵ ԷՉԵԳԱՐՍՅԻՆ (Վատիկան),
 Վիեննայի Արքեպիսկոպոս, Նորին Ամենապատվություն
 Դոկտ. **ՀԵՐՄԱՆ ԳՐՈՆԵՐԻՆ** (Վիեննա),
 Քրիստոնեական Միության Քարտուղարության նախագահ, Նորին Ամենա-
 պատվություն կարդինալ **Ժ. Գ. Մ. ՎԻԼԼԵՐԱՆԳՍԻՆ** (Վատիկան),
 Փարիզի Արքեպիսկոպոս, Նորին Ամենապատվություն
ԺԱՆ ՄԱՐԻ ԼՅՈՒՍՏԻՓԵՆ (Փարիզ),
 Լիոնի Արքեպիսկոպոս, Նորին Ամենապատվություն կարդինալ
ԱԼԲԵՐ ԳԵԿՈՒՐՏՐԵՆ (Լիոն),
 Լատվիական ՍՍՀ Ավետարանական-Լուծերական Եկեղեցու Արքեպիսկո-
 պոս, Նորին Գերազանցություն **ԷՐԻԿ ՄԵՍՏԵՐՍԻՆ** (Ռիգա),
 Էստոնական ՍՍՀ Ավետարանական-Լուծերական Եկեղեցու Արքեպիսկո-
 պոս, Նորին Գերազանցություն **ԷԳԳԱՐ ՀԱՐՔԻՆ** (Տալլին),
 Ֆրանչիսկյան միաբանության կուստոդ
ԻԳՆԱՏԻՈՍ ՄԱՆՉԻՆԻՆ (Երուսաղեմ),
 Խաղաղության Քրիստոնեական Կոնֆերանսի նախագահ, Նորին Սրբազ-
 նություն **ԿԱՐՈԼԻ ՏՈԹԻՆ** (Պրագա),
 Եկեղեցիների Համաշխարհային Խորհրդի գլխավոր քարտուղար
 Դոկտ. **ԷՄԻԼԻՈ ԿԱՍՏՐՈՅԻՆ** (Ժնև),
 Մխիթարյան ուխտի ընդհանուր քարտուղար Հայր
ՆԵՐՍԵՍ ՏԵՐ-ՆԵՐՍԵՍՅԱՆԻՆ (Վենետիկ),
 Մխիթարյան ուխտի արքանայր, Գերապալմառ Հայր
ԳՐԻԳՈՐԻՍ ՎԱՐՊԱԿԵՏ ՄԱՆՅԱՆԻՆ (Վիեննա)։

Երջանիկ ենք Սուրբ Էջմիածնից Ձերդ Սրբության հղել մեր շնորհա-
 վորանքը և եղբայրական ողջույնը մեր Տիրոջ և Փրկչի Սուրբ Ծննդյան
 սբանչելի տոնի առթիվ՝ մաղթանքով, որ երկնառաք պատգամը «խաղաղու-
 թյան և ի մարդիկ հաճության» դառնա փրկարար ճանապարհը մեր օրերի

տագնապահար մարդկության ի լրումն սաղմոսերգուի մարգարեության՝ «ողորմութիւն և ճշմարտութիւն պատահեցին, արդարութիւն և խաղաղութիւն համբուրեցին»:

Մեր սղորքն է նաև, որ Տերը միշտ անսասան ու ծաղկչալ պահպանի ձեր պատմական մեծ Եկեղեցին ու Ձերդ Սրբության շնորհի երջանիկ հովվապետության բազում տարիներ խաղաղած մի աշխարհի մեջ:

Ծնորհք Ա. Ծննդյան և Աստվածահայտնության Տեառն մերո Հիսուսի Քրիստոսի եղիցին ընդ Ձեզ այժմ և միշտ: Ամեն:

Եղբայրական հարգալից սիրով ի Քրիստոս՝

ՎԱԶԳԵՆ Ա.

**ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ**


Ա. Էջմիածին

*

* *

Ի պատասխան Ամենայն Հայոց Վեհափառ Հայրապետի՝ Ամանորի և Փրկչի հրաշափառ Սուրբ Ծննդյան շնորհավորական գրությունների, ստացվել են քույր Եկեղեցիների կրոնական պետերի և կրոնական այլ համայնքների ու կազմակերպությունների ղեկավարների կողմից այդ առթիվ ուղարկված ջերմագին շնորհավորական հեռագրեր ու գրություններ, որոնցում մի անգամ ևս պայծառորեն արտահայտվում է քրիստոնեական սիրո, եղբայրության ու համագործակցության ոգին քույր Եկեղեցիների ու կրոնական այլ համայնքների և կազմակերպությունների միջև:

Հանուն Հայոց Հայրապետի ջերմ շնորհակալություն ենք հայտնում ստացված պատասխան շնորհավորականների համար:





ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ԾՆՈՐՀԱՎՈՐԱԿԱՆ ԳԻՐԸ ԱՄԱՆՈՐԻ ԵՎ ՍՈՒՐԲ ԾՆՆԴՅԱՆ
ՏՈՆԵՐԻ ԱՌԹԻՎ՝ ՈՒՂՂՎԱԾ ՀԱՅԱՍՏԱՆՅԱՅՑ ԵԿԵՂԵՑՈՒ
ՆՎԻՐԱՊԵՏԱԿԱՆ ԵՐԵՔ ԱԹՈՌՆԵՐԻՆ, ԹԵՄԱԿԱԼ ԲՈԼՈՐ
ԱՌԱՋՆՈՐԴՆԵՐԻՆ ԵՎ ԵԿԵՂԵՑԱԿԱՆ ՀԱՄԱՅՆՔՆԵՐԻՆ

«Փառք ի բարձունս Աստուծոյ և յերկիր խաղաղութիւն, ի մարդիկ հաճութիւն»:

Մայր Աթոռ Սուրբ Էջմիածնից նոր ոգեշնչւումով հղում ենք Ձեզ մեծ ավետիսը մեր Փրկչի՝ Հիսուսի Քրիստոսի հրաշալի Ծննդյան ու Աստվածահայտնության, աղոթքով արտաբուխ, որ Սուրբ Ծննդյան պատգամը՝ խաղաղության ու ի մարդիկ հաճության, հզորապէս հնչի մեր օրերի աշխարհի վրա ի լրումն սաղմոսերգոյի մարգարեության՝ «Ողորմութիւն և ճշմարտութիւն պատահեցին, արդարութիւն և խաղաղութիւն համբորեցին»:

Մեր աղոթքն է նաև, որ խաղաղած մի աշխարհի երկնքի տակ, անվրտանգ ու խաղաղ գոյատևի և շինարար վերելք ապրի մեր Մայր Եկեղեցին ու մեր հավատալիք ժողովուրդը ի Հայաստան և ի ափսոսա աշխարհի, կերտելով առավել պայծառ իր ապագան, միշտ խանդավառ ու լավատես, վերածնված մեր Մայր Հայրենիքի արդի ծաղկումով:

Մաղթում ենք ջերմապէս, որ Տերը անասան պահի ձեր պատմական Սուրբ Աթոռը և Ձերդ սրբության պարգևի քաջատողջություն երջանիկ հովվապետությամբ, մշտապէս լուսառատ պահպանելով ձեր եկեղեցիներն ու կրթական և մշակութային հաստատությունները:

Ծնորհք Սուրբ Ծննդյան և Աստվածահայտնության Տեսուն մերո Հիսուսի Քրիստոսի, եղիցին ընդ ձեզ, այժմ և միշտ. ամեն:

Եղբայրական սիրով ի Քրիստոս՝

ՎԱԶԳԵՆ Ա.

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ


Ս. Էջմիածին

*
* *

Ամանորի և Սուրբ Ծննդյան տոների առթիվ Ամենայն Հայոց Վեհափառ Հայրապետի անունով ստացվեցին ամենաջերմ և հարգալից զգացմունքներով գեղուն բազմաթիվ շնորհավորական հեռագրեր և նամակներ մեր նվիրապետական երեք Աթոռների գահակալներից, արտասահմանի և ներքին բոլոր թեմերի առաջնորդներից, ազգային-եկեղեցական, մշակութային, հայրենակցական, տիկնանց, օրիորդաց և երիտասարդաց զանազան կազմակերպություններից, հայ և օտար պաշտոնական անձնավորություններից:

Հանուն Հայոց Հայրապետի ջերմ շնորհակալություն ենք հայտնում ստացված պատասխան շնորհավորականների համար:





ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ԵՎ ՊԵՏԱԿԱՆ
ԲԱՐՁՐԱՍՏԻԺԱՆ ԱՆՁՆԱՎՈՐՈՒԹՅՈՒՆՆԵՐԻ ՄԻՋԵՎ
ՓՈԽԱՆԱԿՎԱԾ ՀԵՌԱԳՐԵՐ ՆՈՐ ՏԱՐՎԱ ԱՌԹՎ
ՀԱՅԿԱԿԱՆ ՍՍՀ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ
ՄԵԾԱՀԱՐԳ ՆԱԽԱԳԱՀ ՀՐԱՆԴ ՈՍԿԱՆՅԱՆԻՆ

Երևան

Հանուն Հայ Առաքելական մեր Եկեղեցու և անձամբ Մեր անունից
հանձնեք ընդունել Մեր և մեր հավատացյալ ժողովրդի շնորհավորանքը
և բարի մաղթանքները Նոր տարվա ուրախ առիթով:

Մեր մշտաուն աղոթքն է՝ նաև, որ 1987 տարին իր հետ բերի առավել
ամրապնդումը աշխարհի խաղաղության և ազգությունների համերաշխու-
թյան և իրագործումը մեր հայրենիքի բոլոր շինարար, ժողովրդանվեր
ծրագրերի:

Խորին հարգանք՝

ՎԱԶԳԵՆ Ա.

ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ս. Էջմիածին

ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ԽՈՐՀՐԴԻ
ՄԵԾԱՀԱՐԳ ՆԱԽԱԳԱՀ ՖԱԴԵՅ ՍԱՐԳՍՅԱՆԻՆ

Երևան

Նոր տարվա սեմին ուրախ արտով Ձեզ ենք ներկայացնում Հայոց Առա-
քելական Եկեղեցու և անձամբ Մեր շնորհավորանքի խոսքը ու նաև ամե-
նաբարի մաղթանքները Ձեր քաջատոհմության և Ձեր հայրենաշեն գործու-
նեության մշտաուն հաջողությանց համար:

Թող նոր տարին լինի խաղաղ կյանքի տարի՝ համայն աշխարհի հա-
մար և շինարար իրագործումների բարի տարի՝ մեր հայրենիքի համար:

Խորին հարգանքով՝

ՎԱԶԳԵՆ Ա.

ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ս. Էջմիածին

ՍՍՀՄ ՄԻՆԻՍՏՐՆԵՐԻ ԽՈՐՀՐԳԻՆ ԱՌԸՆԹԵՐ
ԿՐՈՆԱԿԱՆ ԳՈՐԾԵՐԻ ԽՈՐՀՐԳԻ ՄԵԾԱՀԱՐԳ ՆԱԽԱԳԱՀ
ԿՈՆՍՏԱՆՏԻՆ ԽԱՐԶԵՎԻՆ

Մոսկվա

Նոր տարվի սեմին հանում Հայ Առաքելական Եկեղեցու ու հայ հավատացյալ ժողովրդի, որ ի Հայաստան և որ ի սփյուռն աշխարհի, Ձեզ ենք ներկայացնում Մեր ամենաբարի մաղթանքները Ձեր քաջատողջության և Ձեր հայրենանվեր գործոց հաջողության համար:


Սովետական ժողովուրդների համար նոր տարին թող լինի նորանոր նվաճումների և համայն աշխարհի համար խաղաղության տարի:

Խորին հարգանք՝

ՎԱԶԳԵՆ Ա.

ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ս. Էջմիածին



ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ԽՈՐՀՐԳԻՆ ԱՌԸՆԹԵՐ
ՀԱՅ ԵԿԵՂԵՑՈՒ ԳՈՐԾԵՐԻ ԽՈՐՀՐԳԻ ՄԵԾԱՀԱՐԳ ՆԱԽԱԳԱՀ
ՍՏԵՓԱՆ ՎԱՐԴԱՆՅԱՆԻՆ

Երևան

Մեր Մայր Եկեղեցու և մեր հավատացյալ ժողովրդի անունից ուրախ ենք շնորհավորելու Ձեր Նոր տարին և մաղթելու Ձեզ մշտապես քաջատողջություն և հաջողություններ Ձեր հայրենանվեր գործունեության ճանապարհին:

Մեր մաղթանքն է նաև, որ նոր տարին լինի խաղաղության տարի աշխարհի բոլոր ազգությունների համար և վերելքի ու ծաղկումի տարի մեր վերածնած հայրենիքի համար:

Խորին հարգանք՝

ՎԱԶԳԵՆ Ա.

ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ս. Էջմիածին



**ԾԱՅՐԱԳՈՒՅՆ ՊԱՏՐԻԱՐՔ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ
ՎԱԶԳԵՆ ԱՌԱՋԻՆԻՆ**

Ս. Էջմիածին

Ամանորի ուրախ առիթով շնորհավորանքներ և բարի մաղթանքներ եմ հղում Ձեզ: Թող բացվող 1987 թվականն էլ մեր հայրենիքի համար երջանկություն և նորանոր ձեռքբերումների տարի լինի: Թող հավերժ շարունակվի բանականության հաղթարշավը, և խաղաղությունը թևածի ամենուրեք: Ձեզ մաղթում եմ արևշատություն և նոր հաջողություններ խաղաղության, ժողովուրդների միջև բարեկամության ամրապնդման Ձեր հայրենասիրական գործունեության մեջ:

ՀՐԱՆԴ ՈՍԿԱՆՅԱՆ

**ՀՍՍՀ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ
ՆԱԽԱԳԱՀ**

Երևան

**ԾԱՅՐԱԳՈՒՅՆ ՊԱՏՐԻԱՐՔ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ
ՎԱԶԳԵՆ ԱՌԱՋԻՆԻՆ**

Ս. Էջմիածին

Ընդունեցեք իմ ջերմագին շնորհավորանքները Նոր՝ 1987 տարվա առթիվ: Ի սրտե Ձեզ մաղթում եմ երկար տարիների բաջատողություն, երջանկություն, նորանոր հաջողություններ Ձեր հայրենասիրական ու խաղաղասիրական գործունեությունում:

Թող 1987 թվականը բերի խաղաղություն աշխարհի բոլոր ժողովուրդներին, նորանոր հաջողություններ և բարգավաճում մեր սովետական հայրենիքին:

ՖԱԴԵՅ ՍԱՐԳՍՅԱՆ

ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ ԽՈՐՀՐԴԻ ՆԱԽԱԳԱՀ

Երևան

**ԾԱՅՐԱԳՈՒՅՆ ՊԱՏՐԻԱՐՔ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ
ՎԱԶԳԵՆ ԱՌԱՋԻՆԻՆ**

Ս. Էջմիածին

Ընդունեցեք սրտագին շնորհավորանքներ և լավագույն ցանկություններ Նոր տարվա առթիվ:

ԿՈՆՍՏԱՆՏԻՆ ԽԱՐԶԵՎ

**ՍՍՀՄ ՄԻՆԻՍՏՐՆԵՐԻ ԽՈՐՀՐԴԻՆ ԱՌԸՆԹԵՐ
ԿՐՈՆԱԿԱՆ ԳՈՐԾԵՐԻ ԽՈՐՀՐԴԻ ՆԱԽԱԳԱՀ**

Մոսկվա



ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ
ՎԱԶԳԵՆ ԱՌԱՋԻՆԻՆ

Ս. Էջմիածին


Ձերդ Սրբություն,

Նոր տարվա առթիվ հղում եմ Ձեզ ջերմագին շնորհավորանքներ և լավագույն մաղթանքներ: Թող նոր՝ 1987 թվականը լինի խաղաղության, ժողովուրդների բարեկամության, մեր հայրենիքի հետագա բարգավաճման տարի: Ցանկանում եմ Ձեզ քաջատողջություն և նոր հաջողություններ Ձեր խաղաղասիրական և հայրենամկեր գործունեությունում:

ՍՏԵՓԱՆ ՎԱՐԴԱՆՅԱՆ

ՀՍՍՀ ՄԻՆԻՍՏՐՆԵՐԻ ԽՈՐՀՐԴԻՆ ԱՌԸՆԹԵՐ
ՀԱՅ ԵԿԵՂԵՑՈՒ ԳՈՐԾԵՐԻ ԽՈՐՀՐԴԻ ՆԱԽԱԳԱՀ

Երևան




ԸՆԴՈՒՆԵԼՈՒԹՅՈՒՆ ՀԱՅԿԱԿԱՆ ՍՍՀ ՄԻՆԻՍՏՐՆԵՐԻ
ԽՈՐՀՐԴՈՒՄ


Հունվարի 5-ին, երկուշաբթի օրը, առավոտյան ժամը 10-ին, Նորին
Սուրբ Օծություն Տ. Տ. Վազգեն Ա Ամենայն Հայոց կաթողիկոսը Նոր տար-
վա առթիվ այցելություն տվեց Հայկական ՍՍՀ Մինիստրների խորհրդի նա-
խագահ տիար Ֆադեյ Սարգսյանին:

Վեհափառ Հայրապետին ողջեցում էր Հայկական ՍՍՀ Մինիստրների
խորհրդին առընթեր Հայ Եկեղեցու գործերի խորհրդի նախագահ տիար
Ստեփան Վարդանյանը:

Ընդունելության ընթացքում Վեհափառ Հայրապետի և Հայկական ՍՍՀ
Մինիստրների խորհրդի մեծահարգ նախագահի միջև տեղի ունեցավ ջերմ
գրույց՝ ամանորյա փոխադարձ բարեմաղթություններով:

Ընդունելությանը ներկա էր նաև Հայկական ՍՍՀ Մինիստրների խոր-
հրդի գործերի կառավարիչ տիար Հրաչիկ Վարդանյանը:





ՍՈՒՐԲ ԾՆՆԴՅԱՆ ՀԱՆԴԻՍՈՒԹՅՈՒՆՆԵՐԸ ՄԱՅՐ ԱԹՈՌՈՒՄ

Հունվարի 5-ին, երկուշաբթի.—Ծրագրային Ծննդեան և Աստուածայությունեան Տեան մերոյ Յիսուսի Քրիստոսի:

Այսօր, երեկոյան ժամը 17-ին, Մայր տաճարում հանդիսավորությամբ կատարվում է Ծրագրային արարողությունը:

Արարողության ընթացքում հոգևոր հայրերն ու ձեմարանի ուսանողությունը ընթերցում են Ս. Գրքի համապատասխան հատվածներ, որից հետո սկսվում է Ծրագրային ս. պատարագը: Պատարագին էր Մայր Աթոռի դիվանապետ գերաշնորհ Տ. Ներսես արքեպս. Պողոսյանը: Պատարագի արթագան հայրը «Հայր մեր»-ից առաջ ոգեշունչ քարոզ խոսեց «Խորհուրդ մեծ և սքանչելի, որ յայն ատոր յայտնեցաւ: Հովիվքն երգեն ընդ հրեշտակս, տան անտիս աշխարհի» (Եսայական) բնաբանով (տես էջ 39):

Ս. պատարագին ներկա էր Վեհափառ Հայրապետը: Նորին Սրբությունը նախագահեց Ս. Ծննդան նախատոնակի արարողությանը:

Նախատոնակից հետո Հայոց Հայրապետը առաջնորդվեց Վեհարան, ուր և ընդունեց Մայր Աթոռի միաբանության շնորհավորանքները:

Հունվարի 6-ին, երեքշաբթի.—Տօն Ծննդեան և Աստուածայությունեան Տեան մերոյ Յիսուսի Քրիստոսի:

Այսօր, առավոտյան, տոնական ժամերգությունից հետո, օրվա մեծ տոնի անթիվ Ամենայն Հայոց Հայրապետը ս. պատարագ է մատուցում Մայր տաճարի Ավագ Ա. Սեդակի վրա: Պատարագի Վեհափառ Հայրապետին սպասարկում են Տ. Գևորգ եպս. Սերադարյանը, Տ. Զավեն արք. Խաչատրյանը և Տ. Պարզն արք. Մարտիրոսյանը, ինչպես նաև Մայր Աթոռի ասրկավագաց դասը:

Մայր Աթոռի զանգերի ավետաբեր դրոշմաների ներքո հնչում է Փրկչի Ծննդան մեծ ավետիսը՝ «Քրիստոս ծնաւ և յայտնեցաւ»:

«Հայր մեր»-ից առաջ Վեհափառ Հայրապետը բովանդակալից քարոզ է խոսում՝ շնորհավորելով հայրենաբնակ ու Սփյուռքում գտնվող ողջ հայությանը Նոր տարվա և Ս. Ծննդան տոների անթիվ (տես էջ 8):

Հավարտ ս. պատարագի Վեհափառ Հայրապետը Ավագ խորանի վրա կատարում է Զրօրհնաց հանդիսավոր կարգը՝ ոգեկոչելով հիշատակը Հորդանան գետում Քրիստոսի մկրտության Ս. Հովհաննես Մկրտչի ձեռքով:

Պատարագից հետո Վեհարանի սեղանատանը Վեհափառ Հայրապետի կողմից տրվում է ճաշկերույթ, որին մասնակցում են Մայր Աթոռի եպիսկոպոսաց դասը, Գերագույն Հոգևոր Խորհրդի պատվարժան անդամները, Մայր Աթոռի բաժինների ղեկավարներ և այլ հրավիրյալներ:

Ծաշկերույթին մասնակցում էին նաև ՀՍՍՀ Միսիստրների խորհրդին առընթեր Հայ Եկեղեցու գործերի խորհրդի նախագահ Ստեփան Վարդանյանը և տեղակալներ Անդրանիկ Հասարթյանն ու Ռաֆիկ Զարգարյանը:

Ծաշկերույթի ընթացքում Վեհափառ Հայրապետը պաշտոնապես շնորհավորեց Գերագույն Հոգևոր Խորհրդի անդամներ՝ ՍՍՀՄ Ժողովրդական Ակարիչ, ՍՍՀՄ Գեղարվեստի ակադեմիայի իսկական անդամ տիար Գրիգոր Խանջյանի և բանասիրական գիտությունների դոկտոր, պրոֆեսոր տիար Պրոն Հակոբյանի 60-ամյա հոբելյանները: Ներկաները ողջույնի ու շնորհավորանքի խոսքեր ասացին:

Թ.Դ.Ա.ԿԻՑ




ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԸ ԲԱՇԽՈՒՄ Է ԻՐ ՀԱՅՐԱՊԵՏԱԿԱՆ
ՊԱՏԳԱՄԸ Ս. ԾՆՈՒՆԴԻ ԱՌԹԻՎ
(6 հունվարի 1987 թ., Ս. Էջմիածնի Մայր տաճար)



ՄԻ ՊԱՀ ՋՐՈՐՀՆԵՔԻ ՀՈԳԵՊՈՍԵՐ ԱՐԱՐՈՂՈՒԹՅՈՒՆԻՑ
(6 հունվարի 1987 թ., Ս. Էջմիածնի Մայր տաճար)





ԱՄԱՆՈՐԸ ՄԱՅՐ ԱԹՈՌՈՒՄ

Նոր տարվա սեմին յուրաքանչյուր մարդ մի պահ մտածում է մարդկային բանակաւորութեամբ միայն մասնատված անասնման ժամանակի խորհուրդի մասին, մեկ անգամ ևս անդրադառնում մարդկային հասարակության մեջ իր գոյության դերին ու նշանակությանը, խորհում անցնող տարվա ընթացքում իր կատարած աշխատանքների, ձեռքբերումների ու կորուստների մասին և նոր ծրագրեր է կազմում՝ սկսելիք տարին ավելի արդյունավետ անցկացնելու և բարի գործեր կատարելու։ Այս է պատճառը, որ նոր տարվա սեմին մարդ իրեն ավելի երիտասարդ, կայտառ ու ժիր է զգում, մտածում նորովի ու էլ ավելի հետաքրքիր կերպով արժեքավորելու ժամանակի այս նոր միավորի յուրաքանչյուր պահն ու ակնթարթը։

1986 թվականի վերջին օրն է՝ դեկտեմբերի 31-ը։ Ծեղդորեն զարդարված Մայր Աթոռի միաբանական սեղանատանը տոնական ուրախ խանդավառություն է տիրում։ Պատմական Ղազարապատի միաբանական սեղանատան կամարների ներքո հավաքվել էին Մայր Աթոռի միաբանությունը, Գերագույն Հոգևոր Խորհրդի անդամները, հոգևոր ճեմարանի դասախոսներն ու ուսանողությունը, ինչպես նաև Մայրավանքի պաշտոնեությունը՝ Մայր Աթոռի հյուրընկալ հարկի ներքո Ամենայն Հայոց Հայրապետի հետ հրաժեշտ տալու

անցնող տարվան և դիմավորելու նոր տարին։

Երեկոյան ժամը 20-ին ներկաները ծափահարություններով դիմավորեցին Վեհափառ Հայրապետի մուտքը սեղանատուն։

Ամանորի երեկոն սկսվեց Տերունական աղոթքով, որից հետո հոգևոր ճեմարանի երգչախումբը, ղեկավարությամբ ճեմարանի երաժշտության դասախոս պրն. Կոմիտաս Բեշիշյանի, կատարեց «Ճեմարանի քայլերգը»։

Հոգևոր ճեմարանի տեսչության անունից Վեհափառ Հայրապետին և ներկաներին ողոված իմաստալից խոսքով հանդես եկավ հոգևոր ճեմարանի քարտուղար Տ. Հուսիկ քհն. Լազարյանը։

«Վեհափառ Տեր, գերաշնորհ սրբազան հայրեր, հոգեշնորհ և արժանապատիվ հայրեր, հարգարժան անդամք Գերագույն Հոգևոր Խորհրդի, սիրելի դասախոսներ, սաներ և ներկաներ։

Մայր Աթոռի կյանքում գեղեցիկ ավանդություն է դարձել ամեն տարի դեկտեմբերի 31-ին, երեկոյան, Ձերդ Սրբության գլխավորությամբ հավաքվել Մայր Աթոռի միաբանական սեղանատանը, հայրենական բարիքներով ծանրաբեռնված սեղանների շուրջ, միասնաբար, ինչպես մի մեծ ընտանիք, դիմավորելու Նոր տարին։ Տարեմուտի գիշերը հաշվետվության գիշեր է, անցնող ու նոր եկող տարվա ճամփաբա-

ծան: Մեզանից յուրաքանչյուրը, կանգնած այդ ճամփաբաժանին, խորհում է, թե ինչ է սպասում նոր ճանապարհին: Եվ քանի որ մարդուն միշտ հատուկ է լավատեսությունը, նա միշտ ուրախ հոգով է ճանապարհ ելնում: Երբեմն անբացատրելի է, թե մարդիկ տարեմուտի գիշերն ինչու են ուրախանում. անցնող տարվա, թե եկող տարվա համար: Կարծում եմ՝ Նոր տարվա համար, քանի որ Նոր տարին իր մեջ ունի հավետ վերականգնվող կյանքի խորհուրդը: Հոգևոր ճեմարանի տեսչությունը, դասախոսներն ու սաները նույնպես՝ կանգնած այդ ճամփաբաժանին, խորհում են կատարում և կատարվելիք աշխատանքների մասին, գնահատում անցյալ տարվա գործունեությունը և աշխատում նոր ճանապարհի մտնել՝ ձերբազատված հին ճանապարհի փոշուց: 1986 թ. ճեմարանն ունեցավ իր շրջանավարտները, ավարտեցին յոթ սարկավագներ, որոնցից հինգը վերջերս պաշտպանեցին իրենց ավարտաճառերը: Մեկ շաբաթ առաջ հոգևոր ճեմարանի յոթ սաներ ձեռնադրվեցին սարկավագ և իրենց նոր ճանապարհը սկսում են իրենց կոչման գիտակցությամբ:

Վեհափառ Տեր, Ձեր գահակալության ավելի քան երեսուն տարիների ընթացքում Մայր Աթոռը դարձավ ստեղծագործ եռուն աշխատանքով ապրող ու շնչող բազմամյա մի ընտանիք, որտեղ բոլորը զգում են Ձերդ Սրբության հայրական հոգատարությունը: Այդ ընտանիքում իր ուրույն տեղն ունի հոգևոր ճեմարանը, որն, ինչպես ընդունված է ասել, հոգևոր սպասավորների պատրաստման դարբնոց է, և որպես այդպիսին դարձել է Մայր Աթոռի կենդանի զարկերակը: Այդ տեսակետից մեծ է հոգեվոր ճեմարանի դասախոսների պատասխանատվությունը, մանավանդ որ նոր պայմաններում ավելի ու ավելի հրամայական է դառնում քրիստոնեական բարոյականությամբ ներթափանցված, գաղափարական բարձր մղումներով և տեսիլք ունեցող երիտասարդ հոգևոր սպասավորներ ունենալու անհրաժեշտությունը: Մենք այսուհետև էլ ջանք ու եռանդ չենք խնայելու, որպեսզի այդ ուղղությամբ Ձերդ Սրբության ու մեր սպասումները իրականանան և ապագայում էլ մեր Եկեղեցին ունենա նվիրյալ, լուսամիտ, իրենց հավատքի մեջ ամրապինդ, հայրենասեր ու մարդասեր, Ձերդ Սրբությանը արժանի հետևորդներ:

Այս տոնական ուրախ առիթով, թույլ տվեք, Վեհափառ Տեր, հանուն հոգևոր ճեմարանի ու դասախոսական կազմի շնորհավորել Ձերդ Սրբության Նոր տարին և մաղթել, որ դեռ բազում երկար ու ձիգ

տարիներ ծաղկուն մնա հովվապետական գավազանը Ձեր բարի ու գործունյա ձեռքերի մեջ, որպեսզի Ձեր իմաստուն դեկավարության և հայրական հոգատարության ներքո աճի ու զորանա երկհազարամյա մեր Մայր Եկեղեցին, որպեսզի Աստվածաշնչական վեհաշուք լեռան փեշերին, հայրենական ջերմ արևի տակ միշտ ծաղկի ու պայծառանա Մայր Աթոռ Սուրբ Էջմիածինը խաղաղ ու բարգավաճ պայմաններում՝ ի մխիթարություն Ձերդ Սրբության և հորախություն հավատացյալ Ձեր գավազների, որ ի հայրենիս և ի սփյուռս աշխարհի:

Թույլ տվեք, Վեհափառ Տեր, այս բաժակով շնորհավորել Ձերդ Սրբության Նոր տարին, ցանկալ արևշատություն և երկար բեղմնավոր տարիներ»:

Տեր հոր խոսքից հետո ներկաները հույսովալիս երգեցին «Հայրապետական մաղթանքը»: Այս հոգևոր ճեմարանի Դ լսարանի ուսանող Արամայիս Հունանյանը արտասանեց Հովհաննես Թումանյանի «Հայրենիքիս հետ» բանաստեղծությունը: Որից հետո ճեմարանի սաները կատարեցին Մեղիք Մալխասկայանի «Ջան Հայաստան» երգը:

Մայր Աթոռի միաբանության անունից խոսք ասաց Տ. Կոմիտաս աբեղա Հովհաննյանը:

«Վեհափառ Տեր, գերաշնորհ սրբազան հայրեր, հարգարժան Գերագույն Հոգևոր Խորհրդի անդամներ, սիրելի ուսանողներ և ներկաներ:

Ինձ համար այսօր, անշուշտ, ամենահուզիչ պահերից մեկն է, որովհետև չկա Նոր տարվա շնամին կանգնած մի անձնավորություն, որը մի պահ հետադարձ հալացք չնետի ոչ միայն անցած տարվա, այլ նաև որոշ տարիներին, որոնք արդեն ունի իր ետևում:

Մեր ներսում կրելով ապագայի ջահը՝ կանգնած ենք Նոր տարվա շնամին, ապագայի անորոշության, բայց գաղափարի և գիտակցության վստահությամբ: Յուրաքանչյուրիս համար, անշուշտ, Նոր տարի հասկացությունը կապված է նոր հույսերի հետ: Կյանքը այլ բան չէ, եթե ոչ՝ ձգտում դեպի բարձունք: Եվ այսօր վստահ եմ, որ մեզանից յուրաքանչյուրը կանգնած է հենց այդ ճանապարհին, ճանապարհ, որը մեզ պիտի առաջնորդի դեպի ճշմարիտ հայրենասիրություն, հայասիրություն և եկեղեցասիրություն:

Իմ խոսքի մեջ ուզում եմ միացնել մեր այն միաբանակից եղբայրների զգացումներն ու խոսքերը, որոնք այսօր, պաշտոնի բերումով, թողած Մայր Աթոռը, ծառայում են Սփյուռքի թեմերում: Ո՛վ գիտե ձեզա-

Ահից, թե նրանցից յուրաքանչյուրը Ամանորը ինչպես է դիմավորում. միայնակ, հեռուստացույցի առաջ, թե բարեկամների շրջանակում: Բայց վստահ եմ, որ նրանք հոգով ու զգացումներով գտնվում են այստեղ, այս ամրակուռ օջախում, որը մեզ տվել է ամեն ինչ. զգացում, հայրենասիրություն. և, ամենակարևորը, ծառայության վեհ գաղափարը: Այս պահից օգտնվելով, ես կուզենայի մաղթել մեզանց յուրաքանչյուրին մեկ բան. որ նա իր կյանքը կարողանա ապրել իբրև գիտակից հոգևորական, և իր կյանքի ողին լինի այնքան երկար, ինչպես այսօր մեր ամենահին միաբաններից մեկը, որ մեկ դարի կենդանի պատմություն ունի իր ուներին՝ մեր շատ սիրելի Հայր Պողոս վարդապետը: Եվ այս պահին, Վեհափառ Տեր, թույլ տվեք, հանուն միաբանության, այս պահը համարել նաև երդումի պահ, ովտի պահ, որ մենք եկել ենք խոնարհելու մեր անձերը Ձեր առաջ: Եթե մեկ տարի կարողացանք սխալվելով, թերություններով, մեղքերով կամ շիտակությամբ ծառայել Հայաստանյայց Սուրբ Եկեղեցուն, վստահ եղեք, որ այս տարի, այս 1987 թվականը, հույսի և լույսի թվական պիտի լինի մեզանց յուրաքանչյուրի համար, մեր անձը առավել ևս պիտի ծառայեցնենք հանուն մեր ժողովրդի և հանուն Մայր Աթոռ Սուրբ Էջմիածնի և Հայաստանյայց Առաքելական Սուրբ Եկեղեցու: Աստծու օրհնությունը Ձեզ՝ Վեհափառ, որպեսզի Դուք Ձեր օրհնությունը պարգևեք մեզ՝ Ձեր զավակներին»:

Ապա ճեմարանի Բ լսարանի ուսանող Արթուր Պողոսյանը արտասանեց Գեղամ Մարյանի «Սաղաղություն աշխարհին» բանաստեղծությունը: Որից հետո հոգևոր ճեմարանի երգչախումբը կատարեց «Տեսեք աղավնին» ժողովրդական երգը:

Ի դիմաց ուսանողության՝ Վեհափառ Հայրապետի, տեսչական-դասախոսական կազմի, միաբանության անդամների՝ Նոր տարին շնորհավորեց Ե լսարանի ուսանող Վազգեն սարկավագ Պերպերյանը.

«Վեհափառ Տեր, գերաշնորհ արքայազան հայրեր, հոգեշնորհ և արժանապատիվ հայրեր, հարգարժան անդամներ Գերագույն Հոգևոր Խորհրդի, հարգելի դասախոսներ, սիրելի ուսանող եղբայրներ և ներկաներ:

Սրբազան ավանդությունը քրիստոնեական Եկեղեցու գոյատևման գլխավոր նախադրյամաներից մեկն է: Այն մեծավ մասամբ համայնական կենցաղավարությանն է վերաբերում:

Այսօր էլ, քրիստոնեական սկզբնավորումից շուրջ երկու հազարամյակ անց, Հայ

Առաքելական Սուրբ Եկեղեցին ամենահին չի կորվել իր սկզբնական որդեգրած դիրքերից: Դեռ ավելին, հեռանալով մոտեցել է, քանզի հեռացումը դեռևս բաժանում չէ և առավել բորբոքում է անցյալի սերն ու հուշերը:

Ահա, այս սերն ու հուշերն էլ ավանդության աղբյուր են ծառայում, որի ջահակիրը դարեր ի վեր եղել է Սուրբ Էջմիածինը: Ինչպես՝ կարելի է պատկերացնել Սուրբ Էջմիածինը առանց Միածնի Իջման արքայազան տեսիլքի: Տեսիլք, որն ավանդություն է, և ավանդություն, որն իրականություն է մեզ համար: Ահա, այսպես ժամանակային առումով հեռանալով ավանդական անցյալից, հոգեկան առումով ընդհուպ մոտենում ենք նրան:

Ապագան անցյալով է իմաստավորվում: Այսօրվա մեր տոնական հավաքույթը նույնպես ավանդության արդյունք է՝ վերասրբազործումը Վերջին ընթրիքի և նախնական քրիստոնեական սիրո ճաշերի: Գործը Առաքելոցում կարդում ենք. «Ամենայն հաստատեալք էին ի միասին և ունէին զամենայն ինչ հասարակաց»:

Ամանորյա այս տոնախմբությանը, Վեհափառ Հայրապետի հովանավորությամբ, բոլորս միատեղ ենք և ամեն ինչ համայնական է: Կերպերն ու ժամանակներն են փոխվել, բայց սիրո ճաշերն իրենց բուն էությունը պահպանել են:

Սիրելի ներկաներ, 1986 թվականը անցյալի գիրկն է անցնում, սակայն այն ապագա սերունդների համար ավանդության պահպանման մի վառ օրինակ կարող է հանդիսանալ:

Օգտվելով ներկա պահի ինձ ընձեռյալ ճանապարհությունից, ցանկանում եմ ուսանողության անունից մեր խորին երախտագիտությունը հայտնել Վեհափառ Հայրապետին: Երեսուն տարիներ ի վեր Վազգեն Ա. Ամենայն Հայոց կաթողիկոսը, Պետրոս ու Հովհաննես առաքյալների նման, գլխավորում է Ամանորյա սիրո ճաշերը: Ահա թե ինչու մեր համեատ դիրքը այս սուրբ հաստատության հովանու ներքո առավել պարտավորեցնող է, քանի որ հոգատար վերաբերմունքը ակնկալում է նվիրական փոխհատուցում:

Վեհափառ Տեր, գտնվելով 1987 թվականի շեմին, ցանկանում եմ ուսանողության անունից կոչել շրթամբք Ձերովք. «Թող տուր մանկտուղ գալ առ իս, և մի արգելուք գոռաս, զի աղոյսիսեացդ է արքայութիւն Աստուծոյ», և ստանալ Ձեր հայրական օրհնությունը»:

Այնուհետև ճեմարանի Գ լսարանի ուսանող Գարսևան Երանյանը արտասանեց

Վահան Տերյանի «Որպես լեռն է մեր...», իսկ Դ լսարանի ուսանող Էլբեկ Քարամյանը՝ Համո Սահյանի «Երգ Հայաստանի» բանաստեղծությունները: Որից հետո ճեմարանի երգչախմբի կատարմամբ երգվեց «Փրկչի ծնունդը» Ծանոթյան տաղը: Երգեցողությունից հետո Գ լսարանի ուսանող Ալվանդ Զարգարյանը արտասանեց Վաչագան Հովհաննիսյանի «Խաղաղություն» բանաստեղծությունը: Այնուհետև հոգևոր ճեմարանի Ե լսարանի ուսանող-սարկավագները երգեցին Ծանոթյան մի շարական, իսկ նույն լսարանի ուսանող Վազգեն Պերպերյանը արտասանեց Հովհաննես Թիրազի «Իմ սուրբ հայրենիք» բանաստեղծությունը:

Ավանդություն դարձած արամիս կադանդչեների ընթերցումը թարմացրեց բոլոր ներկաների ուրախությունը, և նույն տրամադրությամբ էլ շարունակվեց նոր տարվա նվերների փոխանակությունը:

Ապա հրավիրվեց Վեհափառ Հայրապետը՝ Իր օրհնությունն ու պատգամը տալու բոլոր ներկաներին՝ Նոր տարվա ուրախ առիթով:

«Այս շատ ուրախ մթնոլորտի մեջ ես էլ ձեզ հետ ուրախանում եմ բնականաբար: Ինչպես ամեն տարի, մեր Մայր Աթոռի հոգևոր ճեմարանը մեզ շնորհում է այս ուրախության պահը՝ արտասանություններով, երգերով և զվարճալի խոսքերով: Այսօր, իմ կարծիքով, հոգևոր ճեմարանի պատրաստած ծրագիրը հաջողագույն ծրագիրներից մեկն էր, և՛ լավ կատարումով, և՛ լավ կազմված ծրագրով:

Ես պետք է շնորհակալություն հայտնեմ նաև բարի մատչանքների համար, որոնք ուղղեցին ինձ, լինի տեսչության կողմից՝ Տեր Հուսիկի իմաստասիր և հավասարակշռված խոսքով, մեր Կոմիտաս արեղալին, խանդավառ ճառով: Կամենում եմ նաև մասնավոր գնահատանքով ընդգծել կատարումը այստեղ շարականների, որ քիչ առաջ լսեցինք: Ինչքան հիշում եմ, առաջին անգամն է, որ մնամ առիթով շարական է երգվում: Ես գտնում եմ սա շատ լավ միտք, և պիտի ցանկալի, որ հետ այսու հոգևոր ճեմարանը ինչ հանդիսություններ էլ կազմակերպի, անպայման մեկ-երկու շարական երգվի: Պետք է մի քիչ տխրությամբ խոստովանեմ, որ մեր ժողովուրդը, մեր եկեղեցին նույնիսկ, շարականների մասին հատուկ և ամբողջական գաղափար չունեն: Ծառերի համար շարականը պարզապես մի եկեղեցական երգ է: Ծարականը սորվելու ատեն, անհրաժեշտ է, որ երգողը անդրադառնա շարականի խոսքերի իմաստին, դրանց բանաստեղծական գեղեցկության: Եվ ոչ միայն այդքան, ավելին, շա-

րականները իրենց մեջ պարունակում են Հայաստանյայց եկեղեցվո Աստվածաբանական ամբողջ մտածողությունը, որ դժբախտաբար, գիտականորեն, սխառեմատիկ կերպով ուսումնասիրված չէ մինչև հիմա: Կմնա նոր սերունդներին ստանել այդ մասին, մեր գիտականներին և Աստվածաբանության մեր դասախոսներին:

Ծարականը, ուրեմն, և՛ երաժշտություն է, և՛ բանաստեղծություն, և՛ Աստվածաբանական մտածողություն: Հետևաբար, եկեք որոշենք հետ այսու միշտ լսել նաև այսպիսի առիթներով՝ մեր եկեղեցում երգված սբանչեի շարականները:

Սուրբ Հովհաննես Ոսկեբերան իր բազմաթիվ քարոզներից մեկում մարդու և մարդու ճակատագրի մասին հետևյալ պատկերավոր ձևով ներկայացնում է իր միտքը ասելով՝ «Մարդիկ իրենց կյանքի ընթացքում մեծանում են դերասանների, որոնք կյանքի բեմի վրա մի դեր են կատարում, իրենց դեմքին դրած դիմակներ: Այստեղ փակագծի մեջ ասեմ, որ այդ ժամանակներում, անտիկ շրջանում, հին Հուլևաստանում, ուր թատերական արվեստը զարգացած էր, թատերական ներկայացումներին, իբրև ընդունված կանոն, դերասանները կրում էին դիմակ: Ամեն մեկ դերասան մի դիմակ ուներ: Դիմակը համապատասխանում էր այդ դերասանի կատարած դերին. կամ ուրախության պատկեր կար դիմակի վրա, կամ տխրության, կամ զայրության, կամ վախի և այլն: Հովհաննես Ոսկեբերան այդ պատկերը առնելով հունական թատերգությունից, ասում է, որ բոլոր մարդիկ, որոնք ապրում են՝ մի դեր են կատարում իրենց կյանքի ճանապարհին, մի դիմակ կրելով իրենց դեմքի վրա: Այդ դիմակով նրանց ճանաչում են նրանց շրջապատի մարդիկ: Բայց, երբ վերջին պահը հնչում է, երբ մարդ հեռանում է այս աշխարհից, այն ատեն վարագույրը իջնում է և դիմակը ընկնում: Այն ատեն հայտնի է լինում, թե այդ մարդը իր իսկական դեմքով ինչպիսին էր և ի՞նչ դեր կատարեց իր կյանքի ընթացքում: Ես շատ իմաստասիր եմ գտնում այս պատկերավոր արտահայտությունը և այսօր ուզում եմ օգտագործել հետևյալ մեկնաբանությամբ: Այսօր մեր կյանքի ընթացքը չի վերջանում, բայց տարին վերջանում է, մի անտրակտ է լինում, մի ընդմիջում: Ինչպես ընդմիջումին դերասանները գնում են հանգստանալու մի քիչ, հանում են իրենց դիմակները: Մենք մնանք մեր այդ դերասաններին, որ երկու տարիների միջև գտնվող այդ ընդմիջումին հանում ենք մեր դիմակները մի պահ և մեր գիտակցության, մեր հոգու

հալելու մեջ տեսնել մեր դեմքը այնպես, ինչպես կա, առանց դիմակի, այսինքն՝ անկեղծությամբ, իսկությամբ, հարազատությամբ, տեսնելու, թե ինչպես ապրեցինք մենք անցյալ տարվա ընթացքում, ի՞նչ հաջողություններ ունեցանք, ի՞նչ երազանքներ, մահ ի՞նչ թերություններ, ի՞նչ տկարություններ, ի՞նչ մոռացումներ և, հետևաբար, անկեղծորեն, ճանաչենք մենք զմեզ, առանց դիմակի, առանց ուրիշներին խաբելու և այդ ձևով ավելի պատրաստ լինելու մեր հետագա կյանքը վարելու առավել կատարելությամբ, որովհետև երբ մարդ ինքզինքը իսկապես ճանաչում է՝ իր բոլոր առավելություններով և թերություններով, այդ անկեղծ ինքնաճանաչումը արդեն առաջին քայլն է դեպի ինքնաքննադատություն և դեպի ինքնակատարելագործում։ Ես աղոթում եմ, մեր երիտասարդներին մանավանդ, որ այս փորձառությունը իրենք

էլ ապրեն և այսօր, և վաղը անդրադառնան այդ բոլորին, և աշխատեն դառնալ ավելի կատարյալ այնպես, ինչպես ուսուցանում է մեզ Հիսուս Քրիստոս իր Սուրբ Ավետարանով։


Ահավասիկ, այս մաղթանքով և այս թելադրանքով ես մաղթում եմ բոլորիդ քաջառողջություն, արեւատ երկար տարիներ, ձեր աշխատանքի մեջ հաջողություններ։

Ավելի լույս, ավելի խաղաղություն և օրհնություն Նոր սկսվող տարուն։

Ամանորի ուրախ երեկոն ավարտվեց Վեհափառ Հայրապետի «Պահպանիչ»-ով և խմբովին երգված «Հայր մեր»-ով։

Կեսգիշերին Մայրավանքի զանգերի խորհրդավոր դողանքները ազդարարեցին հին տարվա ավարտը և նոր՝ 1987-րդ տարվա գալուստը։

ԹՂԹԱԿԻՅ





ՍՈՒՐԲ ՍՏԵՓԱՆՈՍԻ ՏՈՆԸ ԵՎ ՍԱՐԿԱՎԱԳԱԿԱՆ ՉԵՌՆԱԴՐՈՒԹՅՈՒՆ ՄԱՅՐ ԱԹՈՌՈՒԻՄ

«...Բայց կրթեա զանձն քո յաստուած-
պաշտութիւն. Զի մարմնոյ կրթութիւն առ
սակաւ ինչ օգտակար է, իսկ աստուած-
պաշտութիւն առ ամենայն ինչ օգտակար
է, եւ զաւետիս կենաց ունի զարդիս եւ
զհամոզեմէրդն»:

(Ա. Տիմոթ. Դ. 7—9)

Քրիստոնէական Եկեղեցու ամենամեծ
Սրբերից է Ստեփանոս նախապկան՝ հա-
նուն քրիստոնէական հաւատքի նահա-
տակված առաջին մարտիրոսը: Քրիստո-
նէական Եկեղեցու դարավոր պատմության
նախապարհին Ս. Ստեփանոսի անմահ հի-
շատակը դարձավ հույսի այն ուղեցույց
աստղը, որ առաջնորդեց քրիստոնապաշտ
մարդկությանը Աստվածային ճշմարիտ նա-
նապարհով:

Հապատանջաց Առաքելական Ուղղա-
փառ Սուրբ Եկեղեցին Ս. Ստեփանոսին
դասել է իր երանելի սրբերի դասին և յու-
րաքանչյուր տարվա դեկտեմբերի 25-ը
սահմանել որպէս այդ մեծ սրբի հիշատա-
կի հավերժացման օր, որը նշվում է ավագ
տոնների հետ: Եթե դեկտեմբերի 25-ը պա-
հոց կամ կիրակի օր է լինում, ապա նշվում
է հաջորդ օրը:

Ինչպէս միշտ, այս տարի ևս Ս. Ստեփա-

նոսի տոնը Մայր Աթոռում նշվեց մեծ շու-
քով:


**Դեկտեմբերի 25-ին, հինգշաբթի.—Սըր-
բոյն Ստեփանոսի նախապկային և առա-
ջին մարտիրոսին:**

Այսօր, օրվա մեծ տոնի ատօթիվ, Մայր
տաճարի Ս. Ստեփանոսի խորանի վրա,
սուրբ և անմահ պատարագ մատուցվեց:
Պատարագը շարունակվեց մինչև «Զի ո-
ղորմած ես...» պահը, որից հետո ընծայալ
սարկավագները ծնրադիր առաջնորդվեցին
դէպի Ս. Ստեփանոսի խորանը, ուր Մայր
տաճարի լուսարարապետ Տ. Հուսիկ ար-
քեպս. Սանթրոբյանը նրանց շնորհեց սար-
կավագական աստիճան՝ «ընթեռնույ զա-
ւետարանս», «խնկարկել և բուրել հոտ ա-
նուշտութեան»:

Խարտափլիակի պաշտոնը ստանձնել էր
Մայր տաճարի լուսարար Տ. Նարեկ քհն.
Մատարյանը:

Նորընձա սարկավագները կիսասարկավագության աստիճան ստացել էին դեկտեմբերի 13-ին, հավարտ երեկոյան ժամերգության, ձեռամբ Մայր տաճարի լու-

նակ՝ իրենց ծառայությանը նպաստեն մեր եկեղեցու բարգավաճմանն ու ծաղկմանը՝ ի մխիթարություն Մայր Աթոռ Ս. Էջմիածնի և հավատացյալ հայ ժողովրդի:



Մի պահ սարկավագական ձեռնադրությունից

սարարապետ գերաշնորհ Ս. Հուսիկ արքեպս. Սանթրույանի:

«Հայր մեր»-ից առաջ սարկավագներին ուղղված խորհմաստ և ոգեշունչ բարոյ խոսեց Մայր Աթոռի դիվանապետ գերաշնորհ Ս. Ներսես արքեպս. Պողոսյանը:

Հավարտ ու պատարագի Մայր Աթոռի սարկավագաց դասը, առաջնորդությամբ Ս. Հուսիկ արքեպս. Սանթրույանի, առաջնորդվեց Վեհարան, որտեղ Նորին Սրբությունը, շնորհավորելով սարկավագներին, մատթեց, որ նրանք իրենց առաքինի կյանքով ու փառքով օրինակ հանդիսացան հավատացյալ ժողովրդին, ամենուր բարձր պահելով սարկավագի անունը, ինչպես

Գևորգ արկ. Աջապահյան.—Ծնվել է 1963 թ. դեկտեմբերի 27-ին, Լեհիմական բաղաբուն: 1971—1981 թթ. սովորել և աւարտել է տեղի Գաբրիել Սուրբուկյանի անվան № 20 անգլերեն լեզվի թեքումով միջնակարգ դպրոցը: Նույն տարին ընդունվել է Ս. Էջմիածնի հոգևոր ճեմարան: 1982—84 թթ. ծառայել է սովետական բանակում: Զորացրվելուց հետո շարունակել է ուսումը հոգևոր ճեմարանում:

Կամո արկ. Աբրահամյան.—Ծնվել է 1962 թ. մարտի 21-ին, Լեռնային Ղարաբաղի Մարտունու շրջանի Ծովատեղ գյուղում: 1969—79 թթ. սովորել և աւարտել

է տեղի միջնակարգ դպրոցը: 1980 թ. ընդունվել է Ս. Էջմիածնի հոգևոր ճեմարան: 1981—83 թթ. ծառայել է սովետական բանակում: Զորացրվելուց հետո շարունակել է ուսումը հոգևոր ճեմարանում:

Վազգեն սրկ. Պերպերյան.—Ծնվել է 1967 թ. հոկտեմբերի 28-ին, Բեյրութում: Նախնական կրթությունն ստացել է Վահան Թեքեյան վարժարանում: 1981 թ. ընդունվել է Ս. Էջմիածնի հոգևոր ճեմարան:

Գառնիկ սրկ. Կարապետյան.—Ծնվել է 1961 թ. փետրվարի 26-ին, Իրանի Թավրիզ քաղաքում: Հաճախել է տեղի Հայկազյան-Թամարյան դպրոց: 1973 թ. ընտանիքով ներգաղթել են հայրենիք և բնակություն հաստատել Երևանում: Ուսումը շարունակել է Երևանի Ալեքսանդր Շիրվանզադեի անվան № 21 միջնակարգ դպրոցում և ավարտել 1979 թ.: 1980—82 թթ. ծառայել է սովետական բանակում: 1982 թ. ընդունվել է Ս. Էջմիածնի հոգևոր ճեմարան:

Վաչե սրկ. Զիրեկյանց.—Ծնվել է 1961 թ. սեպտեմբերի 16-ին, Երևանում: 1968—78 թթ. սովորել և ավարտել է Երևանի Եղիշե Չարենցի անվան միջնակարգ դպրոցը: 1982 թ. ընդունվել է Ս. Էջմիածնի հոգևոր ճեմարան:


Արծվի սրկ. Գևորգյան.—Ծնվել է 1950 թ. հոկտեմբերի 17-ին, Բաքու քաղաքում: 1959—69 թթ. սովորել և ավարտել է տեղի


№ 15 ռուսական միջնակարգ դպրոցը: 1970—72 թթ. ծառայել է սովետական բանակում: 1975—77 թթ. սովորել և ավարտել է Բաքվի պլանա-տնտեսագիտական տեխնիկումը: 1984 թ. ընդունվել է Ս. Էջմիածնի հոգևոր ճեմարան:

Սամվել սրկ. Հովհաննիսյան.—Ծնվել է 1955 թ. մայիսի 9-ին, Երևանում, 1962—71 թթ. սովորել և ավարտել է Երևանի № 114 միջնակարգ դպրոցը: 1970—75 թթ. սովորել և ավարտել է Երևանի Ս. Խաչատրյանի անվան Երաժշտական ուսումնարանը: 1975 թ. ընդունվել է Երեվանի Կոմիտասի անվան կոնսերվատորիայի դաշնամուրային բաժինը և ավարտել 1980 թ.: 1980—83 թթ. աշխատել է ՀՍՍՀ Ազիզբեկովի շրջանի Խնձորուն գյուղի միջնակարգ դպրոցում որպես երգ-երաժշտության ուսուցիչ: 1983—84 թթ. աշխատել է Էջմիածնի շրջանի Գայ գյուղի երաժշտական դպրոցում որպես դաշնամուրի դասատու: 1984 թ. ընդունվել է Ս. Էջմիածնի հոգևոր ճեմարան:

*
*


«Էջմիածին» ամսագրի խմբագրությունը ջերմորեն շնորհավորում է նորընծա սարկավագներին և մաղթում, որ նրանք լինեն մկրչյալ սպասավորները Հայաստանյայց Առաքելական Սուրբ Եկեղեցու և հայ ժողովրդի:





ՄԱՅՐ ԱԹՐՈՒ ՍԱՐԿՅԱՎԱԳՍՑ ԴԱՍԸ ՄԻԱԾՆԱԷԶ Ս. ԽՈՐԱՆԻ ԱՌԱՋ
(25 դեկտեմբերի 1987 թ., Ա. Էջմիածնի Մայր տաճար)





ՀԱՅՐԱՊԵՏԱԿԱՆ ԳՆԱՀԱՏՈՒԹՅՈՒՆ

Մայր Աթոռ Ս. Էջմիածնում գեղեցիկ ավանդություն է դարձել, որ յուրաքանչյուր տարվա առաջին օրը, Նոր տարվա ուրախ առիթով մատուցված ա. պատարագից հետո, ժամը 14-ին, Մայր Աթոռի ողջ միաբանությունը ներկայանում է Վեհարան՝ շնորհավորելու Հայոց Հայրապետի Ամանորը:

Հունվարի 1-ին, հինգշաբթի օրը, Մայր տաճարում, Ավագ խորանի վրա, ա. պատագ մատուցեց Տ. Պարզև աբղ. Մարտիրոսյանը և հավարտ ա. պատարագի քարոզ խոսեց՝ «Գնեցեք գծամանակս զի անորքս չարութեան են: Վասն այնորիկ մի լինիք անմիտք, այլ իմացարուք զինչ են կամք Տեառն» (Եփես. Ե 16—17) բնաբանով:

Այնուհետև Վեհափառ Հայրապետի նախագահությամբ կատարվեց Հայրապետական մատթանքի հանդիսավոր արարողությունը:

Պատարագից հետո Մայր Աթոռի միաբանությունը և հոգևոր ձեռնարանի ուսանողությունը առաջնորդվեցին Վեհարան՝ շնորհավորելու Նորին Սրբությանը Ամանորի առիթով և ստանալու նրա հայրական օրհնությունը:

Ներկաների անունից Վեհափառ Հայրապետի Նոր տարին շնորհավորեց Տ. Ներսես աբղեպս. Պողապալյանը՝ Ամենայն Հայոց Հայրապետին մատթելով քաջատոգչություն, երկարամյա եկեղեցաշեն և աթոռաշեն գահակալության սրտագին բարեմատություններով:

Նորին Սուրբ Օծությունը սիրով ընդունեց ներկա հոգևոր հայրերի սրտաբուխ քարեմաղթությունները, շնորհավորեց նր-

անց Նոր տարին՝ տալով հայրապետական իր օրհնությունն ու պատգամը:

Նոր տարվա և Ս. Ծննդյան տոների առիթով, գրավոր միջնորդությամբ Մայր տաճարի լուսարարապետ Տ. Հուսիկ աբղեպս. Սանթրոսյանի, նույն օրը Վեհափառ Հայրապետն իր ուշադրությանն արժանացրեց Մայր Աթոռի և Ս. Գայանե վանքի երեք քահանա հայրերի նվիրյալ ծառայությունները և կատարեց պարզևատրում՝ արժանացնելով Ավագ քահանայության պատվի տվչության:

Ավագ քահանայության պատվի տվչության արժանացան.

1. Մայր Աթոռի մկրտարանի ծխակատար Տ. Եղիշե քահանա հաղորամյանը:


2. Ս. Գայանե վանքի վանահայր Տ. Գուրգեն քահանա Աշուրյանը:

3. Մայր Աթոռի մկրտարանի տեսուչ Տ. Արտակ քահանա Սիմոնյանը:

Երկարամյա եկեղեցանվեր գործունեության համար Վեհափառ Հայրապետը օրհնության կոնդակ տվեց Էջմիածին քաղաքի Ս. Աստվածածին եկեղեցու ծխակատար Տ. Վաղարշակ քին. Բալումյանին՝ ծննդյան 70 և քահանայագործության 42 ամյակի առիթով:

«Էջմիածին» ամսագրի խմբագրությունը ջերմորեն շնորհավորում է հայրապետական ուշադրության և գնահատանքի արժանացած քահանա հայրերին, այն համոզումով, որ նրանք եկեղեցականի իրենց հետագա ծառայություններով կարողարացնեն Հայոց Հայրապետի վստահությունն ու գնահատանքը:

ԹՂԹԱԿԻՑ



ՄԵԼՔՈՆՅԱՆ ԿՐԹԱԿԱՆ ՀԱՍՏԱՏՈՒԹՅԱՆ ԵՐԳՉԱԽՈՒՄԲԸ ՄԱՅՐ ՏԱՃԱՐՈՒՄ

Սույն թվականի հոկտեմբերին տասնօրյա այցով Մայր Հայրենիքում էր գտնվում Կիպրոսի Մելքոնյան կրթական հաստատության պատվիրակությունը՝ մասնակցելու համար այդ բազմարդյուն կրթական օջախի 60-ամյակի տոնակատարության: Բարձր գնահատելով դպրոցի բազմամյա հայրենամարդ գործունեությունը, Խորհրդային Հայաստանը ծնողի հոգատարությամբ և գոհունակության խինդով տոնեց վարժարանի 60-ամյակը Հայաստանի Գրողների միության դահլիճում՝ կազմակերպությամբ Սփյուռքահայության հետ մշակութային կապի կոմիտեի: Հանդեսը վարեց կոմիտեի նախագահ տիար Կ. Դավթաբեկը: Հանդեսին իրենց մասնակցությունը բերեցին հայրենաբնակ նախկին մելքոնյանցիները, Հայաստանի բուհերում սովորող մելքոնյանցիները և հայրենի մտավորականությունը: Ճոխ ծրագրով նախապատրաստված հանդեսին զեկուցումով հանդես եկավ Մելքոնյան վարժարանի տնօրենուհի, պատմական գիտությունների դոկտոր տիկին Ագապի Նապիբյանը: Օրվա ոգին ու զարդն էր Մելքոնյան կրթօջախի վաթսուն հոգիանոց քառաձայն երգչախումբը՝ շնորհաշատ խմբավար Սեպուհ Արզալյանի գլխավորությամբ:

Հոկտեմբերի 26-ին Մայր տաճարում մատուցվեց հոգեհանգստյան պատարագ՝ նվիրված Մելքոնյան կրթական հաստատության բարերարներ Գրիգոր և Կարապետ Մելքոնյան եղբայրների հիշատակին: Եկմալյան պատարագի երգեցողությունը

կատարեց Մելքոնյանի երգչախումբը: Դարավոր կամարների տակ հայրենիքի գոյությանը խանդավառ աստանդական հալի զգացողությամբ երգեցին սաներն ու սանուհիները՝ ջերմեռանդ հավատքով և անխառն ոգևորությամբ: «Հայր մեր»-ից առաջ կարդացվեց Նորին Սուրբ Օծույթուն Տ. Տ. Վազգեն Ա. Ամենայն Հայոց կաթողիկոսի սրբատառ կոնդակը՝ նվիրված Մելքոնյան վարժարանի վաթսուամյակին:

Հավարտ ա. պատարագի Վեհափառ Հայրապետը ընդունեց դպրոցի պատվիրակներին և նկարվեց նրանց հետ:

Հոկտեմբերի 23-ին, ընդառաջելով Վեհափառ Հայրապետի ցանկության, տիկին Ագապի Նապիբյանը իր «Մեծ Բրիտանիան և Հայկական հարցը 1915—23 թթ.» գրքի մասին Մայր Աթոռի միաբանության և ճեմարանի ուսանողության առաջ հանդես եկավ ծավալուն գիտական զեկուցումով, որտեղ ի միջի այլոց ասաց.

«Պատմության գիտական ուսումնասիրությունը անհրաժեշտություն մըն է: Անհրաժեշտություն մըն է մեր ժողովուրդը ներկայացնելու համար օտարներուն: Բայց անհրաժեշտություն մըն է նաև մեզի համար, որովհետև պետք է օգտվինք մեր անցյալի փորձառություններեն, որպեսզի կարենանք ավելի լավ կերպով կողմնորոշվիլ ապագային:

Գիրքս, որ կկոչվի «Մեծ Բրիտանիան և Հայկական հարցը 1915—1923 թթ.», նպատակ ունի պարզել Անգլիո կեցվածքը Հայ-



Վերադառնալիս Մելքոնյան կրթական կրթական հաստատության տնօրեն տիկին Ազատի Նապիպյանի և երգչակապի հետ

կական հարցի նկատմամբ իր զույգ երեսներով. դիվանագիտական-քաղաքական և մարդասիրական:

Օսմանյան պետության աստիճանական տկարացումը և Ռուսիո առաջխաղացումը դեպի Միջերկրական, դեպի տաք ջուրերը, և Ռուսիո հաղթանակները Օսմանյան կայսրության վրա 1828—29, 1855—56 և 1877—78 թվականներում պատճառ եղան, որ Անգլիա շահագրգռվի Հայաստանով իր ռազմական դիրքին համար: Ռազմական դիրք մը, որ կգտնվեր Հնդկաստանի ճամփուն վրա, և Հնդկաստանը 19-րդ դարում Անգլիական կայսրության մեծագույն հարստությունը կնկատվեր: Անգլիա 1877—78-ի ռուս-թուրքական պատերազմեն հետո վճռեց երաշխավորել Թուրքիո ամբողջականությունը: Սան-Ստեֆանոյի դաշինքով Ռուսիան ձգտեցավ նպաստավոր կարգադրություններ ընել քրիստոնյա, այսինքն հայ ժողովուրդին նկատմամբ: Բայց Անգլիա չթույլատրեց ասիկա: Եվ Սան-Ստեֆանոն վերաքննվեցավ Կիսրոսի համաձայնությամբ և Բեռլինի վեհաժողովով: Կիսրոսի համաձայնությամբ Անգլիա խոստացավ նեցուկ կանգնել Թուրքիո և չթույլատրել Ռուսական հառաջխաղացում թորքական սահմաններեն ներս, և փոխարեն Անգլիան ստացավ Կիսրոսը՝ որպես առժամյա գաղթավայր մը: Ուրեմն Անգլիո համար կենսական էր պահել Թուրքիո հողերուն ամբողջականությունը: Եվ Անգլիա հետաքրքրվեցավ շատ ավելի Հայաստանի աշխարհագրական դիրքով, քան հայ ժողովուրդով: Եվ լքեց հայ ժողովուրդը իր ճակատագրին, որպեսզի ձգե Հայաստանի բարձրավանդակը թորքական տիրապետության տակ: Անգլիական դեսպաններե հասած թորքական խոհույուններու, թորքական անգթություններու նկատմամբ լուրերը Անգլիան միշտ ծածկիլ ուզեց կամ անտեսեց: Եվ, օրինակի համար, 1908-ին արտաքին գործոց նախարարությունը արտառոց գաղափարը հղացավ փոխանակ լուծումը գտնելու, հայերը զանգվածաբար փոխադրելու Աֆրիկե: 1913-ին երբ դոկտոր Գեյց նամակով արտաքին գործոց նախարարության կզգուշացնե, որ հայերու ջարդեր պիտի ըլլան, նախարարություն ուզեց ծածկել. «Հայկաճաբար ճիշտ են դոկտոր Գեյցին գրածները: Հայաստանը ազատելու միակ միջոցը Ռուսական գրավումը պիտի ըլլար, բայց այն ալ բաղձալի չէ տարբեր նկատումներե տարված»:

Այս թվականներուն շարունակվեցավ Թուրքիո անկումը: Թուրքիան 19-րդ դարեն սկսյալ կորսնցուց Բոսնիան, Բուլգարիան, Հերցեգովինան, Քիփոլին, Մակեդո-

նիան և մասնավոր կերպով, ուրեմն, ուզեց կաշիլ Արևմտահայաստանին: Կես միլիոն քառակուսի մղոնի տարածությամբ հողամաս մը կորսնցուցած էր: Եվ Թորքական կայսրության այս քայքայումը, այս անկումը ինքնավատահության, ինքնահարգանքի պակաս մը բերավ թուրք առաջնորդներուն մեջ, նվաստացումի զգացում մը բերավ: Եվ Երիտասարդ թուրքեր հանձինս Թեքին Ալիի և ուրիշ առաջնորդներու, երազեցին Կովկասի և բոլոր թորքական ցեղերու միացումը: Հայաստանը, հայ ժողովուրդը կրխանգարեր այդ միացումը: 1908-են սկսյալ, Թուրքիո առաջնորդները թեքեցան, հարեցան դեպի Գերմանիա, որ տարված Անգլիո նկատմամբ իր ունեցած մրցակցութենեն, խոստումներ տվալ Թուրքիո առաջնորդներուն: Համաշխարհային առաջին պատերազմի նախօրյակին Գերմանիա և Թուրքիա համաձայնություն մը գոյացուցին. եթե Թուրքիա պատերազմի մտներ Գերմանիո կողքին, Թուրքիա պիտի վարձատրվեր արևելյան սահմաններուն իրեն ի նպաստ արքագրությամբը՝ այսինքն, Թուրքիայի հողերը արևելքեն պիտի ընդարձակվեին: Հայաստան երբեք գոյություն պիտի չունենար այլևս: Թուրքիա հարեցավ Գերմանիո և թշնամի եղավ Անգլիո, Անգլիա, տարված միայն ու միայն իր ազգային շահերեն, ուզեց աշխարհի հանրային կարծիքը լարել Գերմանիո և Թուրքիո դեմ: 1915-ին տեղի ունեցավ, ինչպես լավ գիտեք, Մեծ եղեռնը: Այս տարվա սկզբական ամիսներուն Անգլիո արտաքին գործոց նախարարությունը գրեթե լուռ մնաց: Բայց անմիջապես վերջը անդրադարձավ, որ եղեռնը կրնա գործածել, շահագործել իր ազգային նպատակներուն համար: Եվ արտաքին գործոց նախարարության էջերեն մեկուն վրա նամակի մը վարի մասին վրա գրված է. «Հայկական ջարդերը օգտագործել Ամերիկայի համար»: Երբ որ հետևեցա, անդրադարձա, որ Անգլիա հայկական ջարդերը 1916 սեպտեմբերեն սկսյալ կանոնավոր կերպով օգտագործեց իրեն ի նպաստ շահելու Ամերիկայի հանրային կարծիքը և, ինչու չէ, ապահովելու Ամերիկայի մասնակցությունը պատերազմին մեջ ընդդեմ Գերմանիո և Թուրքիո: Ասիկա նորություն մըն էր, որ աշխատանքներու ընթացքին գտա, և որևէ պատմաբան չէ անդրադարձած տակալին այս եղելության: 1916-ին Անգլիական կառավարությունը, արտաքին գործոց նախարարությունը հրահանգ տվավ մեծ մարդասեր Լորդ Բրայսին, որ պատրաստե աչպես կոչված BLUE BOOK՝ Կապույտ Գիրք մը: Ան հավաքած է բոլոր կոտորածներուն վավերաթուղթերը:



Մեկրցյան կրթական հաստատության երգչախումբը Մար Աբոմով (խմբավար՝ Սեպուհ Աբգարյան)

Այս գիրքը ներկայացվեցավ խորհրդարան 1916 նոյեմբեր 23-ին. նպատակն էր աշխարհի հանրային կարծիքը դուրս բերել ընդդեմ Թուրքիոյ և մասնավորապէս ընդդեմ Թուրքիոյ դաշնակիցին՝ Գերմանիոյ։ Կապույտ Գիրքին հրատարակությունը կհետապնդէր նպատակ մը ևս։ Անգլիական կոնուլեր մահմեդական Թուրքիոյ դէմ, բայց կոնուլեր միլիոնավոր հպատակներ մահմեդական Հնդկաստանի մէջ։ Ի՛նչ քաղաքականություն պիտի մղէր, որ Հնդկաստանի մահմեդականները կովէին մահմեդական Թուրքիոյ դէմ։ Ուրեմն, հայկական խոհմոքությունները բացահայտող այդ գիրքով Անգլիան կրկնէր ու կրկնէր, թէ ինքը կոնուլեր ոչ թէ մահմեդական կրոնքի դէմ, այլ անգութ ու բարբարոս պետության մը դէմ։ Այսպիսով ապահովէր իր մահմեդական հպատակներուն զինվորագրությունը և անկեղծ կովի մասնակցությունը պատերազմի ընթացքին։ **Անգլիան միշտ ալ դեկավարվեցավ իր ազգային շահերէն։** 1916-ի վերջալորության հայերը կաթարվէին, կկոտորվէին և Ռուսիոյ արտաքին գործոց նախարար Սազոնով խնդրանք մը ներկայացուց արտաքին գործոց նախարարություն և առաջարկէր, որ 20.000 անգլիական ոսկիի մասնակցություն մը՝ օգնություն մը Անգլիան ըներ, 20.000 անգլիական ոսկիի օգնություն մըն ալ ռուսական կառավարությունը ըներ, և այս հավաքական գումարը տրամադրվէր Ամերիկացի միսիոներներու (որպէսզի հայ որբերը հավաքէին և պետք եղած օգնությունը տալին), բայց այս օգնությունը ըլլար գաղտնի կերպով, Թուրքիան ալիւի չգրգռելու, չկատեցնելու նրպատակով։ Զարմանալիորէն Անգլիոյ արտաքին գործոց նախարարությունը մերժեց օժանդակել, մերժեց տալ 20.000 ոսկիի գումարը։ Գրությունները հետևյալ ձևով են. «Եթէ պիտի չհրապարակենք մեր օգնությունը, ի՛նչ շահ, ինչո՞ւ տանք»։ Եվ չորրվեցավ այդ գումարը։ Անգլիոյ արտաքին գործոց նախարարությունը մտածեց հետևիպար արևելքի մէջ, ինչպէս նաև Կիլիկիոյ մէջ օգտագործել հայ մարդուծը։ Եվ շատ մեծ պրոպագանդայով աշխատեցավ հայկական գորախումբեր պատրաստել։ Բայց այս ընելու համար պետք է խանդավառներ հայ ժողովուրդը։ Եվ այս թվականներուն է, որ Անգլիան և իր արտաքին գործոց նախարարությունը սկսավ ընել իր խոստումները Հայաստանի ազատագրության մասին։ Ծոնդայից հաշտարարություններ, մեծ խոստումներ, թէ պատերազմը կնդկվէր փոքր ազգերը ազատելու համար բարբարոս լուծերէ, և վարչապետ Լլոյդ Զորջ հրապարակավ երկու անգամ անդրա-

դարձավ Հայաստանին և կոչեց զայն երկիր մը՝ ծածկված արյունովը անմեղներու։ Եվ սակայն, անմիջապէս վերջ, նախարարական խորհուրդի մը ընթացքին կտեսնենք, թէ ինքը կառաջարկէ, որ հարուն հանձնի թուրքերուն, և ոչ թէ ռուսներուն, և կպատմաւորանէ. «Թուրքը Անգլիոյ մըրցակից չի կրնար ըլլալ, բայց ռուսը պիտի ըլլա»։ Եվ սակայն, երբ տակաւին պատերազմը չէր վերջացած, սակայն՝ երբ Անգլիա կուզէր գործածել հայ ժողովուրդի բանակները ընդդէմ Թուրքին, որպէսզի հաղթէր զայն։ Անգլիա ամբողջ այս տևողության առաջնորդվեցավ միայն իր նեղ ազգային շահերով։ 1918-ի հոկտեմբերին, տեղի ունեցավ Մուդրոսի զինադադարը՝ առավելապէս Անգլիոյ և Թուրքիոյ դաշնակիցներուն միջև։ Այս թվականներուն Անգլիոյ մեծագույն մտահոգությունն էր իրեն համար ապահովել Սև ծովի գերակայությունը՝ ընդդէմ հեղափոխական Ռուսիոյ։ Այդ պատճառով զինադադարին պայմաններուն մէջ հայկական վեց նահանգները ձգվեցան թրքական իշխանության տակ։ Ոչ ալ Թուրքիա զինաթափվեցավ, մինչ դաշնակիցները պահանջէցին Ավստրիոյ և Գերմանիոյ զինաթափումը։ Հայ որբեր և այրիներ երբեք չկրցան վերադառնալ հետևաբար իրենց հորենական տուները։ Անգլիա և Ֆրանսա գաղտնի համաձայնություններով իրենց համար ապահովեցին ինչ որ կցանկանային։ Ֆրանսա ունեցավ գերակայություն Սուրիոյ և Լիբանանի վրա, իսկ Անգլիա ապահովեց իրեն համար քարտուղով հարուստ Միջագետքի շրջանը և գերակայություն՝ Պարսից ծոցի մէջ։ Հայկական բարձրականդակը Անգլիոյ համար կոյնացուցէր էր իր ամբողջ հետաքրքրությունը։ 1919-ին Անգլիոյ նախկին վարչապետներէն մէկը՝ Բալֆոր, հայտարարեց. «Անգլիոյ համար ոչինչ կմնա Հայաստանի մէջ, բացի իր մարդասիրական հետաքրքրասիրությունը»։ Անգլիա ինքզինք գտավ, ուրեմն, մեծ երկընտրանքներու առջև։ Պատերազմի ընթացքին Հայաստանի ազատագրության համար ըրէր էր մեծ, շոնդայից խոստումներ և հայտարարություններ։ Քանի անգամ ըսէր էր, թէ միջազգային բարոյականության սիրովն Թուրքիոյ ենթակա հողամասերը պետք չէ վերադարձվելին թուրքի և թվեր էր անունները Արաբիոյ, Միջագետքի, Հայաստանի, Սուրիոյ և Լիբանանի։ Այս հիշված երկիրները՝ բոլոր ազատեցան Թուրքիոյ լուծէն, բացի Հայաստանը։ Անգլիա ինչպէ՞ս պիտի հաշտեցնէր իր ըրած խոստումները և 1918-էն վերջ իր չկամությունը։ Լուծումը գտնվեցավ Սերի դաշինքին մէջ։ Հիմա նշանավոր դարձած Սերի դաշինքին հայկական հող-

վածները գրվեցան միայն ու միայն գոհացում տալու համար հանրային կարծիքին: Հայերու նպաստավոր հոգիվածները Սևրի մեջ Անգլիոն տուրք եղան իր ըրած խոստումներուն փոխարեն և գոհացնելու համար Անգլիոն ազատական հանրային կարծիքը: Ուրեմն, Հայաստան խոստացվեցավ, բայց արյունաքամ հաշ ժողովուրդին ոչ մեկ գործնական օժանդակություն ցույց տրվեցավ: Սերը ստորագրվեցավ Սուլթանական Թուրքիոն կողմն, և Սերը քրքրեց ու կտուցեց Քեմալականները և պատմառներեն մեկը եղավ ազգայնական Թուրքիոն՝ Հայաստանի վրա հարձակման: 1920 հունիսին Ամերիկայի ծերակույտը մերժեց Հայաստանը առնել իր հովանավորության տակ: 1920 օգոստոսին Թուրքիա ընդունեց, որ Ամերիկայի նախագահ Վիլսոն գծե Հայաստանի սահմանները: 1920 նոյեմբերին է, որ Վիլսոն հանձնեց իր գծած սահմանները, բայց թրքական բանակները հասեր էին Երևանի սահմանները: Ծառ շուտով Անգլիոն արտաքին գործոց նախարարությունը արձանագրություն մը ըրավ, որով կարտահայտեր այն միտքը, թե Վիլսոնյան սահմանները տալ Հայաստանին, պիտի նշանակեր ռուսական ազդեցությունը մոտեցնել Պոլսո: Բան մը, զոր ոչ Թուրքիա կուզեր, և ոչ ալ Անգլիա:

Գիրքիս հիմնդիրը գլուխը կրնոգրկե 1920-են 1923-ի ժամանակաշրջանը: Անգլիա այս շրջանին պատրանքներ ունեցավ, թե ինքը կրնար Կովկասը կատավարել, մինչդեռ պատերազմեն դուրս ելեր էր ան տկարացած և տնտեսական դժվարություններու մեջ: Բայց և միշտ ալ ձգտեցավ առաջնորդություն տալ Կովկասի հանրապետություններուն, և Հայաստանին՝ առանց զինվորական օգնության, առանց որևէ գործնական օգնության: Անգլիա միշտ արգելեց, որ 1918-ին կազմված Հայաստանի հանրապետությունը բանակցեր Խորհրդային Ռուսիո հետ: Այսպես, Ծանթի պատվիրակությունը, երբ որ Մոսկվա գնաց 1920-ի ամռան, չկրցավ համաձայնության մը գալ Խորհրդային Ռուսիո հետ, հակառակ, որ Խորհրդային Ռուսիան Հայաստանին խոստացավ ապահովել 1914-ի սահմանները, ինչպես նաև Զանգեզուրը և Նախիջևանը: Հայաստանի ներկայացուցիչ Տիգրան Բեգադյանը Թիֆլիսի մեջ քանի անգամ հեռագրեց Անգլիոն արտաքին գործոց նախարարություն, թե Խորհրդային Ռուսիա կխոստանար Հայաստանի հանրապետության համար ապահովել 1914-ի սահմանները, ներառյալ Կարսը և Սուրմալուն, պաշմանով, որ Հայաստանի հանրապետությունը դուրս գար դաշնակիցներու,

և մանավանդ Անգլիոն ազդեցությունեն, չըդառնար Անգլիոն գործիքը: Ըստ հեռագիրներու, այն օրը, երբ Խառնիսյան պիտի ստորագրեր Ադրբայջանի դաշինքը, տեսնված է Անգլիոն ներկայացուցիչ Սթոքսի հետ Թիֆլիսի մեջ և հարցուցած անոր, թե ի՞նչ ըներ հաշ ժողովուրդը: Հայաստանի հանրապետությունը ինքզինք կգտներ, այսպես կոչված, «մշուշի մը մեջ»: Հայաստան ընդունե՞ր ռուսներու առաջարկը և ունենա՞ր 1914-ի սահմանները, թե Թուրքիոն հետ բանակցեր: Անգլիոն արտաքին գործոց նախարար Լորդ Բրընզո հետևողական կերպով խորհուրդ տվավ Հայաստանի հանրապետության, որ նախընտրեր թուրքերու հետ բանակցիլ, քան թե Խորհրդային Ռուսիո հետ: Անգլիոն Թիֆլիսի ներկայացուցիչը հեռագիր դրկած է Անգլիոն արտաքին գործոց նախարարություն: «Ծառ լավ պիտի ըլլար, եթե Կովկասի հանրապետությունները քաջալերեինք խոսքերով, որպեսզի չբանակցեն Խորհրդային Միության հետ»: «Քաջալերեինք խոսքերով», այսինքն, որևէ ծախս պիտի չենթադրեր ապիկա Անգլիոն համար: Նոյեմբերի վերջը Սիմոն Վրացյան՝ տեսակցություն մը ունեցած է Սթոքսի հետ, և դարձյալ կրկնած, թե Խորհրդային Ռուսիա պիտի ապահովեր հայերու համար 1914-ի սահմանները, և կհարցներ՝ Թուրքիոն՝ հետ բանակցիլ, թե Ռուսիո հետ: Հայաստանի հանրապետության անհետատես վարիչները միշտ ալ հետևեցան Անգլիոն ուղղության և ուզեցին բանակցիլ Թուրքիոն հետ: Անոնք կուրորեն հավատացին հեռավոր դաշնակիցներու և հեռավոր Անգլիոն կողմն խոստացված Սևրի ընդարձակ սահմաններուն, որոնք դատապարտված էին մնալու թուղթի վրա, և չընդունեցին մոտ դրացի Խորհրդային Ռուսիոն կողմն առաջարկված 1914-ի սահմանները: Մեծ պատմաբան Առնոլդ Թոյնքի հետևյալ արձանագրությունը անբարոյական գկատած է դաշնակիցներու և Անգլիոն քաղաքականությունը Հայաստանի հանրապետության նկատմամբ. «Դաշնակիցները և Անգլիա ուղղություն տվին, բայց ոչ մեկ գործնական պաշտպանություն ցուցաբերեցին Հայաստանի նկատմամբ»:


Գիրքս երկու գլուխներ ունի Անգլիոն հաշնապատ մարդասերներուն և անոնց ընկերություններուն մասին, հիմնված նոր հայտնաբերված վավերաթուղթերու վրա: Ինչպես Գլադստոն, Լորդ Բրաչ, եկեղեցականներ՝ Հարոլդ Բաթուրն և ուրիշներ: Այս հայտներները իրապես որ շատ մեծ գործ կատարեցին իրենց կարելի միջոցներով, ճնշում բանեցուցին Անգլիոն վրա, որ չանտեսեր հաշ ժողովուրդը: Նաև սնունդ և


մեծ չափով նյութական օգնություն դրկեցին: Սակայն այս մարդասերներուն հաշմանդամ շարժումն ալ իր անպատեհությունները ունեցաւ անողակիորեն. հաշմանդամները կարծեց, թէ գորավոր քաղաքական հուշերը դրաւ հեռավոր երկիրներու վրա, ուրկէ դրական կամ գործնական օգնություն չէր կրնար գալ: Որպէս եզրակացություն կարելի է ըսել, թէ Անգլիա միշտ հետևեցաւ իր շահերը հետապնդող նեղ քաղաքականության: Ան հետևողական մնաց 19-րդ դարուն այն տեսության, թէ Անգլիոյ համար չկան դաշնակից-

ներ և թշնամիներ, այլ միայն կան ազգային շահեր: Իսկ մեզի համար կարևոր է կրկնել, թէ պատմության գիտական ուսումնասիրություն մը անհրաժեշտություն է, որ պետքի օգտվինք անցյալի փորձառություններէն և կարենանք ապագային ավելի ճշգրիտ կերպով կողմնորոշվիլ»:

Զեկուցումից հետո Վեհափառ Հայրապետը շատ բարձր գնահատեց անվանի գիտնականի կատարած լաշխատանքը և մաղթեց նորանոր հաջողություններ ուսումնական և գիտական գործերում:

ԹՂԹԱԿԻՑ





ԳՈՐԻՍԻ ՇՐՋԱՆԻ ՀԱԼԻՉՈՐ ԳՅՈՒՂԻ «ՄՈՐՈՒՍ Ի ԲՈՒՐՆ» ԿՈՉՎՈՂ
ԱՆՏԱՌՈՒՄ 1903 ԹՎԱԿԱՆԻՆ ԿԱՆԳՆԵՑՎԱԾ ՀՈՒՇԱԿՈԹՈՂԸ՝
Ի ՀԻՇԱՏԱԿ ԽՐԻՄՅԱՆ ՀԱՅՐԻԿԻ ՍՈՒՐԲ ՏԱԹԵՎ ՎԱՆՔ ԱՅՑԵԼՈՒԹՅԱՆ





ԵԿԵՂԵՑԱԿԱՆ ԲԵՄ. ԼՈՒՐԵՐ

«Հունվարի 4-ին, կիրակի».—Այսօր Մայր տաճարում, Ավագ խորանի վրա, ս. պատարագ մատուցեց Տ. Եզրաս արեղա Ներսիսյանը և «Հայր մեր»-ից առաջ քարոզ խոսեց՝ «Խաղաղություն ամենեցուն և ամենուր» (Ժամագիրք) բնաբանով:

Ս. պատարագին ներկա էր Վեհափառ Հայրապետը:

Ս. պատարագին ներկա էին նաև հյուրաբար Մայր Աթոռում գտնվող Լեւոնգրադի հոգևոր ակադեմիայի դասախոս հայր Բորիս Բեզունովն ու մի խումբ ուսանողներ:

* *

Հունվարի 7-ին, չորեքշաբթի.—Յիշատակ մենեղոց:

Այսօր Մայր տաճարում, Ավագ խորանի վրա, ս. պատարագ մատուցեց Տ. Խաչատուր քհն. Ֆրանկյանը:

«Զկնի սրբոյ պատարագի կատարի Հոգեհանգիստ վասն համօրէնն անշեցելոց»:

* *

Հունվարի 11-ին, կիրակի.—Այսօր Մայր տաճարում, Ավագ խորանի վրա, ս. պա-

տարագ մատուցեց Տ. Զավեն արեղա Խաչատրյանը և «Հայր մեր»-ից առաջ քարոզ խոսեց՝ «Ահաասիկ Գառն Աստուծոյ որ բառնայ զմեղս աշխարհի» (Հովհ. Ս. 29) բնաբանով:

* *

Հունվարի 13-ին, երկուշաբթի.—Տօն անուանակոչութեան Տեառն մերոյ Յիսուսի Քրիստոսի:

Այսօր Մայր տաճարում, Ավագ խորանի վրա, ս. պատարագ մատուցեց Տ. Եղիշե ավագ քհն. Բաղդամյանը:

* *

Հունվարի 14-ին, չորեքշաբթի.—Այսօր հոգևոր ճեմարանի հանդիսությունների դահլիճում տեղի ունեցավ գրական երեկո, որի ընթացքում պարսկահայ ուսուցչունի Լիդա Պերպերյանը ներկայացրեց Վասպուրականի միջնադարման մի վիպերգ և բնութագրեց շարականների զարգացման ընթացքն ու գրական-գեղարվեստական արժանիքները, որպէս ապացույց ունկնդիրներին ներկայացնելով վիպերգի և շարականների երաժշտական կատարումներ պարս-

կահայ երաժիշտների ձայնագրություններով:

Երեկոյին ներկա էին Մայր Աթոռի միաբանությունը, դասախոսական կազմը, ուսանողությունը և հյուրեր:

Երեկոյին ներկա էր Վեհափառ Հայրապետը:

*
* *

Հունվարի 15-ին, հինգշաբթի.—Տօն ծընդդեմ **Ս. Յովհաննու Կարապետին:**

Այսօր Ս. Էջմիածնի Ս. Հովհաննես Մկրտիչ մատուռում. ա. պատարագ մատուցեց Ս. Արտակ ավագ քին. Սիմոնյանը:

*
* *

Հունվարի 18-ին, կիրակի.—Այսօր Մայր տաճարում, Ավագ խորանի վրա, ա. պատարագ մատուցեց Ս. Կոմիտաս արքեպիսկոպոսը և «Հայր մեր»-ից առաջ քարոզ խոսեց՝ «Ապաշխարեցէք, զի մերձեալ է արքայութիւնն երկնից» (Մատթ. Գ. 17) բնաբանով:

Հախարտ ա. պատարագի կատարվեց հոգեհանգիստ նորոգ հանգուցյալներ՝ ֆրանսահայ մեծ ազգասեր, Մայր Աթոռի բարերար տիար Արշամ Պապյանի և լիբանանահայ գրական, ազգային-հասարակական գործիչ տիար Գառնիկ Արդարյանի հիշատակին:

Ս. պատարագին ներկա էր Վեհափառ Հայրապետը:

Ս. պատարագին ներկա էր նաև ուխտա-

վորաբար Մայր Աթոռում գտնվող Ռումի-հիայի հայոց թեմի առաջնորդ գերաշնորհ Տ. Տիրայր արքեպ. Մարտիրոսյանը:

*
* *

Հունվարի 21-ին, չորեքշաբթի.—Այսօր Վեհափառ, Վեհափառ Հայրապետի նախագահությամբ, տեղի ունեցավ հերթական միաբանական հավաքույթ:

*
* *

Հունվարի 25-ին, կիրակի.—Այսօր Մայր տաճարում, Ավագ խորանի վրա, ա. պատարագ մատուցեց Ս. Նարեկ քին. Մատարյանը և «Հայր մեր»-ից առաջ հավոր պատշաճի քարոզ խոսեց՝ ներկայացնելով Ս. Վահան Գողթնեցու կյանքն ու գործը (տես էջ 41):

*
* *

Հունվարի 28-ին, չորեքշաբթի.—Այսօր հոգևոր ճեմարանի հանդիսությունների դահլիճում տեղի ունեցավ գրական երեկո, որի ընթացքում հանրաճանաչ ասմունքող Վերա Հակոբյանը ունկնդիրներին ներկայացրեց հայ բանաստեղծների ստեղծագործություններից:

Երեկոյին ներկա էին Մայր Աթոռի միաբանությունը, դասախոսական կազմը, ուսանողությունը և հյուրեր:


Երեկոյին ներկա էր Վեհափառ Հայրապետը:

ՎԾԻՌ ՀԱՅՐԱՊԵՏԱԿԱՆ

Մայր Աթոռիս նշության կարևոր վնաս հասցնելու կանխամտածված արարքի համար, Վեհափառ Հայրապետի 5 հունվար 1987 թվականի վճռով, Մաշտոց և Պապ արքեպիսկոպոսները հեռացված են միաբանության շարքերից և զրկված իրենց եկեղեցական կարգից, դատվելով աշխարհական դատում Մեսրոպ Խաչիկյան և Ստեփան Կարապետյան անուններով:

Ս. Էջմիածին,
14 հունվար 1987 թ.

ԴԻՎԱՆ ՄԱՅՐ ԱԹՐՈՒՆ





ՆԵՐՍԵՍ ԱՐՔԵՊՍ. ՊՈԶՍ.ՊԱԼՅԱՆ

Ք Ա Ր Ո Ջ

(Մայր տաճար, 5 հունվարի 1987 թ.)

«Յանուն Հոր և Որդու և Հոգու և Սրբու. ամեն»:

«Խորհուրդ մեծ և սքանչելի, որ յայս ատուր յայտնեցաւ: Հովիւքն երգեն ընդ հրեշտակս, տան անտիս աշխարհի» (Ծալական):

Սիրելի հավատացյալներ, Ճրագալույցի այս երեկոյան մենք խմբւել ենք Սուրբ Տաճարի կամարների տակ, միասնաբար ստանալու ողջույնը և ավետիսը Քրիստոսի Ծննդյան: Ինչպես սրանից 2000 տարիներ առաջ Բեթղեհեմ քաղաքի շրջակայքում իրենց հոտին պահպանություն անող հովիւներ պարզ ու խոնարհ գիշերվա մէջ հանկարծ վաշկեցին Աստվածային հրաշալի տեսիլը: Երկնքի դռները բացվեցին հանկարծ նրանց աչքերի առջև, և հրեշտակներ քուն թե արթուն երկնքից երկիր իջան, բոլոր շէփորներն ճնշեցին և քաղցր ձայնը հրեշտակների լցվեց արտերը մարդկանց, դաշտերը բոլոր: Աստվածային հրաշալի պատգամով, հավիտենական պատգամով, որ ինչքան այդ օրերին այժմեական էր մարդկության համար, նույնքան այսօր, և կհավատանք, որ վաղը այժմեական պիտի լինի հանուր մարդկության համար:


Այդ հրեշտակները երկնքից իջնող ավետում էին հովիւներին հետևյալ քառերով. Փառք բարձունքներում Աստուծո, երկրի վրա խաղաղություն, մարդկանց մէջ՝ հանություն: Հին աշխարհի մարդիկ Քրիստոսի ծնունդից առաջ չգիտէին ճշմարտությունը: Այս կամ այն կրոնի ճամփով իրենց տրվում էր մի նշույլ ճշմարտության: Բայց նրանք չէին կարող իրենց հոգիները բացել և ամբողջությամբ տեսնել և ըմբռնել Աստվածային գթասրտությունը, Աստուծո սերը և Աստուծո ողորմությունը իր ստեղծած մարդկանց հանդէպ: Այդ սերը, այդ ողորմածությունը և այդ հաշրական զգացումն է, որ տվեց աշխարհին մեծագույն պարգևը՝ աշխարհի պատմության մէջ՝ Աստվածորդին: Եվ Աստվածորդին իսկապես մարդ դարձաւ, ծնունդ առաւ Սուրբ Մարիամ կույսից և որպէս մարդ ապրեց այս աշխարհի մէջ 33 տարիներ: Բայց նրա ապրած կյանքը մեր կյանքին չէր նմանվում, որովհետև մենք հողեղեն արարածներ ենք, նա՝ հոգեղեն: Բերաւ Աստուծո հաշտությունը մարդկության և նույնիսկ Քրիստոս ուսուց մեզ բոլոր կրոնների մէջ ամենա-


վսեմագույնը՝ նույնիսկ կարողանալ սիրել մեր թշնամին:

Սիրելի հավատացյալներ, այս երեկո, որ մենք Ծրագալույցի այս պատարագի առթիվ հաղորդվում ենք մեր Եկեղեցու, մեր անցյալի, ինչպես նաև Քրիստոնեական ավանդությանը և պատմության հետ, ինչքան լավ է, որ մենք անդրադառնանք և մի անգամ ևս տեսնենք, թե Քրիստոսի ծրնունդը ինչպիսի հրաշալի բարիքների, երջանկության, եղբայրսիրության և ընդհանրապես սիրո առիթ հանդիսացավ մարդկության համար անցյալին և հանդիսանում է մինչև այսօր: Եվ այդ պատգամը ամեն գիտակից մարդու արտի մեջ կրկին անգամ հնչում է, ժամանակ առ ժամանակ անդրադառնալ տալու համար նրան, թե նա առանձին մի էակ չէ, ամբողջության մեկ մասնիկն է, և այդ իսկ պատճառով անհատը պարտավոր է իր նմանները սիրել, բերել խաղաղություն՝ իր շրջապատին. և՛ համերաշխություն, և՛ սեր, և՛ եղբայրություն: Ներկա ժամանակներում մենք բոլորս շատ լավ գիտենք՝ քաղաքական ասպարեզի վրա ինչպիսի դժվարին, ինչպիսի փոթորկոտ վիճակ է տիրում: Եվ անհրաժեշտ է, որ մարդիկ կարողանան հասկանալ միմյանց: Ինչքան անհրաժեշտ է, որ պետությունների ղեկավարները իրար կարողանան հասկանալ: Կարծեք թե Բաքեյովի աշտարակի շինության շրջանն է. մեկը խաղաղության մասին է խոսում, մյուսը ատելություն է հասկանում, որովհետև կասկածը տիրել է

հոգիներին, արդարությունը և սերը միանգամընդմիջտ փախել են մարդկանց մեջից, և մարդկանց հոգիները կարծեք թե սնանկացել են, վատահոյությունը կորցրել են իրար հանդեպ: Ինչքան անհրաժեշտ է, որ մենք՝ քրիստոնյաներս, ավելի արտեռանդ աղոթենք, որպեսզի Աստված մեր ձայնը լսի, մեր աղերսը լսի և փափկացնի այն մարդկանց արտերը, որոնք չեն զգում Աստվածային խոսքի քաղցրությունը, թեև իրենք իրենց երբեմն քրիստոնյա կամ հասկացող, ըմբռնող են կոչում: Թող Տերը մեր աղոթքների միջոցով նրանց արտի դռները բխի՝ զգալ տալու համար նրանց, որ այս աշխարհը Աստուծո ստեղծած աշխարհն է, և այս աշխարհը և մարդիկ կապրեն՝ ինչպես Աստված կկամենա:

Սիրելի հավատացյալներ, Ծննդյան այս երեկոյան բոլորիդ շնորհավորում եմ, «Քրիստոս ծնաւ և յայտնեցաւ» ասելով ձեզ: Նաև մեր բոլորիս արտի պարտքն է, որպես Մայր Աթոռ Սուրբ Էջմիածնի միաբաններ, շնորհավորել մեր Վեհափառ Հայրապետին, մաղթելով, որ մարդացյալ Փրկիչը պարզի մեր Հայրապետին այն, ինչ որ կցանկանա նա: Նրա ցանկությունը աշխարհի խաղաղությունն է, մեր Եկեղեցվո խաղաղությունը, մեր ժողովուրդի բարությունն է և, ընդհանրապես, համայն մարդկության եղբայրությունը: Թող ծնվող Փրկիչը երջանկություն, խաղաղություն և եղբայրություն բերի այս աշխարհին այժմ և հավիտյան հավիտենից, ամեն:





ՆԱՐԵԿ ՔՀՆ. ՄԱՏԱՐՅԱՆ

ՔԱՐՈՁ

«Յանուն Հօր և Որդու և Հոգու և Սրբոյ, ամէն»:

Սիրելի հավատացյալներ, վաղը Հայաստանայց Առաքելական Ողորմիտ Սուրբ Եկեղեցին տոնելու է հիշատակը Ս. Վահան Գողթնեցու:

Վահան Գողթնեցին ծնվել է 700 թվականին, Գողթն գավառում: Նա որդին էր Խոսրով Ա խաարարի: Ինչպես գիտեք, այդ ժամանակ Հայաստանը թատերաբեմ էր և կովախնձոր արևելքի և արևմուտքի հզոր պետությունների միջև: 630—640 թվականներին միևնույն պետություն թատերաբեմ իջավ և, որոշ տարիներ հետո, այլ երկրների հետ, գրավեց և Հայաստանը: Դա Արաքսական օրավուր հզորացող խալիֆայությունն էր:

700 թվականին, երբ ծնվել էր փոքրիկ Վահանը, արաքսական պետության գլուխ էր կանգնած Մրվան ամիրապետը: Այդ ամիրապետը ուզեց նորից արշավել Հայաստանի վրա, և իր զորավարներից մեկին ուղարկեց Հայոց աշխարհ: Բայց ժամանակի կաթողիկոս Սահակ Զորավորեցու թախանձագին խնդրանքով և միջնորդությամբ հայ ժողովուրդը փրկվեց վերահաս աղետից: Զորս տարի անց՝ 704 թվականին մեռավ Մրվան ամիրապետը, և նրան փոխարինեց որդին՝ Աբդյմելեքը՝ դաժան ու չար մի մարդ: Սա որոշեց երեսանց սիրաշահել հայերին, բայց գաղտնի կերպով /հրամայեց ոչնչացնել բոլոր հայ նախարարներին: Արաքները նախարարներին կանչում են՝ հպատակության երդում տալու պատրվակով, և եկեղեցում փակելով բոլորին այրում են:

Այսպիսով, մոտ 600 իշխաններ ու նախարարներ նահատակվում են, զոհ գնալով չարի խաբկանքին:

Հայ ժողովուրդը, չունենալով իր նախարարները և իշխանները, մնում է առանց ղեկավարների, ինչպես ոչխարի հոտը՝ առանց հովվի, սոված գաչերով շրջապատված: Թշնամու զինվորները ջարդում են ժողովրդին և կողոպտում նրանց ունեցվածքը, իսկ երեխաներին և կանանց գերեվարում են: Այդ գերիների մեջ էր և չորս տարեկան Վահանը: Նրան տանում են Դամասկոս և հանձնում ամիրապետին: Ամիրապետը զարմանում է Վահանի գեղեցկության ու ուշիմության վրա, և թույլատել տալով երեխային, անունը դնում են Վահապ: Վահապը սովորում էր արաքական դպրոցում և խորանում նրանց կրոնի գիտելիքների մեջ: Սակայն Վահանը աղոտ կերպով հիշում էր իրենց տունը, հորն ու մորը, գիտեր, որ ինքը քրիստոնյա է և ազգությամբ՝ հայ: Իսկ ինչ է քրիստոնեությունը կամ նրա ուսմունքը՝ նա չգիտեր:

717 թվականին ամիրապետ է լինում Օմար երկրորդը: Այս ամիրապետը բարի էր հոգով և սիրում էր արդարությունը, և իր իշխանության տարիներին երկիրը խաղաղության մեջ էր գտնվում: Ահա այդ բարի ամիրապետին դիմում են հայերը, որ իրենց թույլ տրվի վերադառնալ Հայաստան: Օմարը համաձայնվում է: Առիթից օգտվելով, Վահանը ևս մոտենում է Օմարին և խնդրում նրան՝ թույլ տալ իրեն մեկնելու Գողթն գավառ և տիրելու իր հայրական կարվածքներին: Օմարը թույլ է տալիս մի պայմանով:

նով. որ նա Հայաստանում իր գործերը կարգավորելուց հետո նորից վերադառնա Դամասկոս՝ իր մոտ: Եվ ահա, Վահանը վերադառնում է հայրենիք: Ժողովուրդը, լսելով նրա վերադարձը, ցնծությամբ դիմավորում է նրան և խնդրում, որ նա մնա իրենց հետ և ապրի իր հայրական օջախում: Վահանը սքանչանում է Գողթն գավառի տեսարաններով, նրա ջինջ ջրերով և մաքուր օդով: Նա սկսում է ուսումնասիրել իր հայրերի պաշտած կրոնը և որքան խորանում է քրիստոնեական կրոնի ուսմունքի մեջ, այնքան ավելի պայծառանում է իր միտքը, տեսնում ճշմարիտ լույսը, գգում իր ապրած տարիների կորուստը խավարի մեջ և վերջնականապես որոշում է հրաժարվել իսլամից: Նա լացելով պաղատում է Աստծուն, որ ների իր մեղքերը, հակառակ որ նա անգիտակցաբար էր ընկել օտարություն: Եվ ինչպես մի ծարավ մարդ, երբ տեսնում է ջրի աղբյուրը, վազում է ջուր խմելու, այնպես էլ Վահանը հափշտակությամբ կարդում էր Սուրբ Գիրքը: Նա ամեն օր աղոթում էր Աստծուն և իր օրերը պահեցողությամբ անցկացնում: Ժողովուրդը ուրախության արցունքներով է ընդունում Վահանի քրիստոնյա դառնալը՝ տեսնելով նրա հոգու ամրությունն ու բարի վարքը: Նրանք որոշում են ամուսնացնել Վահանին: Վահանն ընդդիմանում է, նպատակ ունենալով հետևել Քրիստոսի և Նրա առաքյալների կյանքի օրինակին: Բայց ժողովրդի խնդրանքին անսալով, նա ամուսնանում է Սյունյաց Բաբկեն իշխանի աղջկա հետ: Սակայն ամուսնությունը չի խանգարում, որ նա շարունակի սրբակյաց կյանք վարել: Սուսվել հաճախակի է դարձնում աղոթքները, պահեցողության օրերը: Այդ օրերին վախճանվում է Օմարը և Վահանը ազատվում է այն երդումից, որ տվել էր Օմարին, այսինքն՝ ետ վերադառնալ Դամասկոս: Հակառակ իր խղճի հանգստության, նա անհանգստանում էր, որ այլազգի իշխանները կարող են իր քրիստոնյա դառնալու լուրը հասցնել նոր ամիրապետին: Եվ այդպես էլ լինում է: Երբ Վահանը լսում է, որ ամիրապետը գիտի իր քրիստոնյա լինելը, պատրաստվում է մեկնել Հուսաստան, սակայն կինը չի համաձայնվում նրա հետ մեկնել օտարություն և վերադառնում է իր հոր մոտ: Վահանն ապավինում է Աստծուն, Նրա օգնությանն է դիմում և հոգով ամրապնդված, սկսում է շրջագայել

Հայաստանի վանքերն ու ճգնարանները: Որտեղ որ լինում է, սիրում և հարգում են նրա անձը, որ նվիրված էր Տիրոջը: Իր վրա եղած իշխանական հագուստները փոխում է մազից պատրաստված պարեգոտով և ոտաբոբիկ սկսում է ման գալ: Ծիշտ է, ժողովուրդը նրան սիրում էր, բայց բոլորն էլ վախենում են ամիրապետի զայրույթից: Եվ շատերն սկսում են խուսափել Վահանի հետ հանդիպելուց: Վահանը, գիտակցելով, որ հասել է նահատակվելու և իր ժամը, հայացքն ուղղում է դեպի հարավ՝ ամիրապետի մոտ: Նա մտածում էր և հայ ժողովրդի մասին, որովհետև եթե նա չգնար ամիրապետի մոտ, ապա կարող էր նրա զայրույթը թափվել ժողովրդի գլխին: Ամիրապետի պալատականները փորձում են համոզել նրան թողնելու քրիստոնեությունը, սակայն Վահանը ամուր է մնում իր հավատքին: Այն ժամանակ նրան ներկայացնում են ամիրապետին: Վերջինս, տեսնելով Վահանի խղճով վիճակը, սկսում է հորդորել, որ նա «դարձի» գա: Վահանը պատասխանում է. «Թույլ տվեք ինձ իմ հավատքին մնալ և ես ավելի լավ կծառայեմ ձեզ»: Իսկ ամիրապետը պնդում է իրեն: Այն ժամանակ Վահանը պատասխանում է. «Ինչպե՞ս կարող եմ թողնել լույսը և գալ դեպի խավարը: Լույսը տեսնողը խավարը չի սիրի, եթե նա բարի է և հոգին՝ խաղաղ»: Այդ ժամանակ ամիրապետը զայրանում է Վահանի վրա և նրան ողորկում կառավարան, որ և գլխատվում է: Այսպիսով, 738 թվականին Վահան Գողթնեցին ազատվում է երկրպիսի տառապալից կյանքից և սկսվում է նրա երկնային հոգևոր երանալետ կյանքը:

Մեր Եկեղեցին և մեր Սուրբ Հայրերը սրբացրեցին նրան: Ամեն տարի հիշվում է այդ տառապալիքի և սրբակյաց երիտասարդի նահատակության հիշատակը:

Սիրելի հավատացյալներ, Սուրբ Վահան Գողթնեցու հավատքի գործության մի ճշույլը թող լինի և մեր սրտերում, և մենք էլ, նրա նման, ընտրենք Աստվածային լույսի ճշմարիտ ճանապարհը: Եվ թող մեր ժողովրդի այս մեծանուն նահատակ Սուրբը բարեխոս լինի բոլորիս համար և թողություն խնդրի մեր բազում մեղքերի համար:


Աստծու շնորհքը և սերը թող լինի մեզ բոլորիս, ամեն:





ՊԱՏՐԻԱՐԻ ԹԵՈԿՏԻՍ





ՌՈՒՄԵՆ ՌԱՂՂԱՓԱՌ ԵԿԵՂԵՑՈՒ ՆՈՐ ՀՈՎՎԱՊԵՏԻ ԳԱՀԱԿԱԼՈՒԹՅՈՒՆԸ

Սույն թվականի նոյեմբերի 16-ին Ռումեն Պատրիարքանիստ Մալք տաճարին մեջ տեղի ունեցավ Ռումեն Ողղափառ Եկեղեցու նոր հովվապետի գահակալությունը, հանձին Մոլտավիո և Մուչավալի միտրապոլիտ Թեոկտիստ Արքեպաշտ Սրբազանի:

Նոր հովվապետը 5-րդ պատրիարքն է Ռումեն Եկեղեցու, որ հաստատվում էր Ռումանիո Հանրապետության նախագահի հրամանագրով, հետ Ազգային Եկեղեցական և Սուրբ Սինոտի միաձայն ընտրության:

Գահակալության հանդիսության ներկա էին Ռումեն Եկեղեցու Սինոտի անդամները, կրոնական դավանանքների պետերը, ազգային, պետական, մշակութային ու գիտության ներկայացուցիչներ:

Սույն հանդիսության իրենց ներկայությունն են բերել նաև արտասահմանի ողղափառ բույր Եկեղեցիների ներկայացու-

ցիչներ, ինչպես են Պուլկարիո Մաքսիմ Պատրիարքը, Երուսաղեմի Հունաց Պատրիարք Տիոտորոսը, Բելորուսիո միտրոպոլիտ Ֆիլարետը, ինչպես նաև Վատիկանի ներկայացուցիչ Վիլեպրանս կարտինալը:

Ներկա էին նաև Եվրոպայի եկեղեցական գանազան կազմակերպությունների պատվիրակներ:

Հանուն Ամենայն Հայոց Վեհափառ կաթողիկոս Վազգեն Ա-ի մասնակցում էր թեմակալ առաջնորդ Տ. Տիրապ Ս. արքեպիսկոպոս Մարտիրոսյանը:

Ս. պատրարագի և գահակալության հանդիսությունից հետո, տրվեց պաշտոնական ճաշկերույթ: Ծաշկերույթին ներկա էին նաև Ռումեն պետական անձնակազմի անդամներ:

Գահակալության հանդիսությունը ընթացավ եղբայրական, քրիստոնեական ջերմ մթնոլորտում:

ԹՂԹԱԿԻՅ



ԵԿԵՂԵՑԻՆԵՐԻ ՀԱՄԱՇԽԱՐՀԱՅԻՆ ԽՈՐՀՐԴԻ
ՄԻՋԵԿԵՂԵՑԱԿԱՆ ՏԻԵՋԵՐԱԿԱՆ ՕԺԱՆԴԱԿՈՒԹՅԱՆ
ՀԱՄԱԳՈՒՄԱՐ ԿԻՊՐՈՍՈՒՄ

1986 թ. նոյեմբերի 17—26 օրերին Կիպրոսի Լաոնաքա քաղաքում կայացավ Եկեղեցիների Համաշխարհային Խորհրդի միջեկեղեցական տիեզերական օժանդակության համագումար: Համագումարին մասնակցում էին 102 երկրներից հրավիրված 300-ից ավելի կրոնական գործիչներ, մամուլի անդամներ, բազմաթիվ հյուրեր:

Եկեղեցիների Համաշխարհային Խորհրդի Միջեկեղեցական Տիեզերական Հանձնախմբի հրավերով և Ամենայն Հայոց Հայրապետի համաձայնությամբ սույն ժողովին իր գործոն մասնակցությունը բերեց նաև Իրաքի հայոց թեմի առաջնորդ գերաշնորհ Ս. Ավագ եպս. Սաստուրյանը:

Համագումարի նշանաբանն էր՝ «Կոչ՝ հարևանությունը ապրելու»:

Նոյեմբերի 18-ին համագումարի բացումը կատարեց հյուրընկալ Կիպրոսի հոգևոր պետ, Նորին Ամենապատվություն Խրիստոստոմոս արքեպիսկոպոսը: Բացման արարողությանը հաջորդեց ՄԱԿ-ի ընդհանուր քարտուղարի օգնականի՝ դոկտոր Ադեապետ Էդեդիսի նույնը՝ «Դեպի երկրորդ հազարամյակի արշալույսը և 21-րդ դարի սկզբնավորությունը» խորագրով: Այս ուղերձում քննարկված հարցերին անդրադարձան ժողովի ևս երկու մասնակիցներ:

Հաջորդ օրը համագումարն ունկնդրեց դոկտոր Վիթթորիո Արաեսի նույնը՝ «Բարի սամարացու ծառայությունը. կյանքը ինչպես ապրելու մի ընտրություն» թեմայով, ուր բանախոսը անդամներին հարգեց Եկեղեցիների որդեգրելիք Աստվածաբանական պատասխանը՝ աշխարհի այժմյան կացության և հետագա զարգացման վերաբերյալ:

Երեքօրյա խորհրդակցությունից հետո 27

խմբերի բաժանված պատգամավորները անդամներին իրենց առաջարկներն ու կարծիքները, որոնց համադրմամբ և կազմվեց համագումարի օրակարգը: Օրակարգի ճշտումից հետո պատգամավորները՝ դարձյալ ժողովի նստելով, քննարկեցին արծարծված խնդիրները և անդամներին վերջնական զեկուցագրեր, ջանացին սահմանել քրիստոնեական ծառայության բընույթն ու տարողությունը, ինչպես նաև նոր միջոցներ որոնել՝ ծառայությունը դարձնելու ավելի անմիջական, արդյունավետ և հանրօգուտ:

Հայ Եկեղեցու անդամներին Ս. Ավագ Սրբազանը Համագումարի Ընդհանուր Անուի կողմից ընտրվեց որպես անդամ թե՛ ժողովի գործարար հանձնախմբի և թե՛ եզրավակիչ հայտարարության հանձնախմբի: Սույն հայտարարության, որ կոչվեց Լաոնաքայի հայտարարություն, 5-րդ հոդվածի մեջ ընդգծվեց հետևյալը.

«...Իրաքա-Իրանյան պատերազմը ազդարարում է մեզ՝ բոլոր ժողովների Աստվածամոր կարեկցություն արտահայտելու նոր կերպեր գաղափարներ, ինչպես նաև պահանջում է մեզանից՝ դիմելու պետական ուժերին, որոնք զենքերի վաճառումով այս պատերազմն են սնուցանում, ուղղակի վայրագությունների լուծումը: Սույն վիճակը նույնպես պահանջում է մեզանից քաջալերելու բոլոր հրանք, որոնք նախաձեռնողներ են եղել խաղաղության ի նպաստ: Հայկական Յեղասպանությունը, մեր դարի առաջիններից մեկը, պետք չէ մոռացվի և պիտի ճանաչում գտնի աշխարհի կողմից...»:

1986 թ. նոյեմբերի 28-ին համագումարն ավարտեց իր աշխատանքները:

ՍՈՒՐԵՆ ՔՈԼԱՆՁՅԱՆ

ՎԱԶԳԵՆ ԱՌԱՋԻՆ ԿԱԹՈՂԻԿՈՍ ԱՄԵՆԱՅՆ ՀԱՅՈՑ,
ՀԱՄԱՌՈՏ ՏԱՐԵԳՐՈՒԹՅՈՒՆ 1908—1955, ՄԱՅՐ ԱԹՈՌ
Ս. ԷԶՄԻԱԾԻՆ, 1986

Կազմեց՝ Սուրեն Ծ. Վանեցի.
320 էջ, ներդիր 26 էջ նկարներ

Վերջերս Մայր Աթոռ Ս. Էջմիածնի տապարանից լույս տեսավ Տ. Տ. Վազգեն Ա. Ամենայն Հայոց կաթողիկոսի կյանքի և գործունեությանը նվիրված համառոտ տարեգրության անդրանիկ գիրքը։ Գիրքը կազմել է Հայաստանի գիտությունների ակադեմիայի ավագ գիտական աշխատող, բանասիրական գիտությունների թեկնածու Սուրեն Ծ. Վանեցին։ Բազմաթիվ են այն գրքերը, որոնք լույս են տեսել նվիրված Վեհափառ Հայրապետի կենսագրությանն ու գործունեությանը և ողորություններին։ Սակայն սույն գիրքը Ամենայն Հայոց Հայրապետների պատմության մեջ բացառիկ տեղ է գրավում, հատկապես այն առումով, որ ինչպես ասված է Գերագույն Հոգևոր Խորհրդի կողմից գրված «Երկու խոսք»-ում. «Ներկա տարեգրությունը, որն իր նախորդը չունի հայ ժողովրդի 130 կաթողիկոսներից և ոչ մեկի կյանքում, արդյունավետ սկիզբ կհանդիսանա այդ բնույթի հետագա է՛լ ավելի խորանիստ աշխատությունների համար»։

Կազմողը, որ հարուստ փորձ ունի նման տարեգրությունների կազմման աշխատանքներում, իր ներկա գործը բաժանել է ոչ միայն ըստ տարիների, այլև ամիսների և օրերի և Հայաստանում գտնվող նյութերի հիման վրա ներկայացրել է Վեհափառ Հայրապետի կյանքի և գործունեության հետ կապված իրադարձությունները։ Տարեգրության սույն հիմնադիր գիրքը ընդգրկում է Վեհափառի Ռումինիայում ապրած

ՎԱԶԳԵՆ Ա ՀԱՅՐԱՊԵՏ ՀԱՅՈՑ

Ս. ԷԶՄԻԱԾԻՆ, 1986

Ժամանակահատվածը (1908—1955)։ Բովանդակ նյութը հաջող կերպով խմբավորված է հետևյալ վեց գլուխների ներքո. 1.—Մեծ ճանապարհի սկիզբը, 2.—Կրթական-մշակութային գործիչը, 3.—Դեպի հոգևոր բարձունքներ, 4.—Առաջնորդական տեղապահի իրավասության սահմաններում, 5.—Ռու-

միևնաժամ թեմի բազմախոստումն առաջնորդը և Յ.—Լուսավորչի սուրբ գահի 130-րդ թեկնածուն:

Գիրքը բացվում է 1908 թ. սեպտեմբերի 20-ով, երբ Ռումինիայի բաղաձայնաբեր Բուխարեստում իր աչքերն է բացում աշխարհին Կարապետ-Լևոն Պալմյանը, ապագա Ամենայն Հայոց Հայրապետը՝ իբրև բարեպաշտ և ազգասեր ճնողների միակ գավակ: Սույն գիրքն ավարտվում է 1955 թ. զարմանալիորեն խորհրդավոր գուգադիպում լայն դարձյալ սեպտեմբերի 20-ով, երբ Էջմիածնում գումարված Ազգային-Եկեղեցական ժողովի երկրորդ նիստում իբրև 130-րդ կաթողիկոս է ընտրվում Ռումինիայի և Բուլղարիայի հոգևոր թեմերի առաջնորդ Գեր. Տ. Վազգեն Եպիսկոպոս Պալմյանը:

Սույն տարեգրությունը խարսխված է Վեհափառ Հայրապետի կողմից կազմողի հետ ունեցած հարցազրույցների, Մաշտոցյան Մատենադարանի, Էջմիածնի կաթողիկոսական և Հայաստանի պետական պատմական դիվաններում պահվող փաստաթղթերի, Վեհափառի հեղինակած գրքերի, հոդվածների, նամակների և գրագրությունների, ինչպես նաև Հայրապետի կյանքի և գործունեությանը նվիրված հատորների ընձեռած նյութերի հիման վրա: Կազմողը օգտագործել է նաև Հայաստանում եղած ռումինահայ մամուլը, բազմալատասկ հալագետ Հ. Մ. Սիրունիի, անվանի մանկավարժ Արտաշես Տիրացյանի և այլոց երկերը: Օգտագործվել է նաև հայերեն և ռուսերեն անհրաժեշտ գրականություն՝ ժամանակի իրադարձությունները ներկայացնելու համար:

Համառոտ տարեգրության մեջ հատկապես ուշագրավ են այն էջերը, որոնք նվիրված են Վեհափառի մանկությանը, ուսումնառությանը, հասարակական և ազգային գործունեությանը և մանավանդ նրա նվիրումին՝ սերունդներ դաստիարակելու աշխատանքում:

Գիրքը կարդացվում է հետաքրքրությամբ և ունի մի շարք առավելություններ: Այն սկզբից մինչև վերջ փաստալից է, ցույց են տրված օգտագործված աղբյուրները և գրականությունը: Նրանում հիմնականում նյութերի միջոցով պահպանված է Վեհափառ Հայրապետի կյանքի և գործունեության հաջորդականությունը: Գիրքը ավելի քան փաստացի են դարձնում մեջ բերված լուսանկարները և զանազան փաստաթղթերից, նամակներից, մամուլից կատարված նմանահանությունները:

Գրքի առավելություններից մեկն էլ այն է, որ կազմողը քննարկվող ժամանակա-

շրջանի վերաբերյալ օգտագործել է նաև քաղաքական իրադարձությունը բացահայտող հարուստ գրականություն: Այս առումով էլ, երբ գրքում խոսք է լինում առաջին համաշխարհային պատերազմի ժամանակ ռումինահայության սովոր մասի, այդ թվում նաև Վեհափառի ընտանիքի արտագաղթի մասին, այստեղ հնարավոր չէ մեջ չբերել Թուրքիայի ռազմական նախարար տիրահոջակ Էնվեր փաշայի գաղտնի հուշագիրը Դանուբյան բանակի գերմանացի հրամանատար գեներալ Մակենզեմին, Ռումինիայում նրա գրավելիք տարածքներում հայերի նկատմամբ «խտրական միջոցառումներ» գործադրելու մասին: Էնվերը իր այդ գաղտնագրում գերմանացի զորահրամանատարին գրում էր հետևյալը.

«...Հատկապես, գեներալ, Ձեր բարձր ուշադրությունն են հրավիրում Ռումինական Թագավորության տարածքում ապրող հալազի բնակչության վրա, որոնք մեր վարած վերջին քաղաքականության հետևանքով (սկսարկում է 1915 թ. հայկական կոտորածները. **Ժանդո. կազմողի**) կարողացան ճողոպրել Թուրքիայից և վերաբնակվել այնտեղ: Նրանց նկատմամբ **պետք է կիրառվեն խստություններ ամենամեծ չափերով, անպայմանորեն ներառյալ մասնաշխարհական տեղահանությունն ու զանգվածային ոչնչացումը**» (Համառոտ տարեգրություն, էջ 14, հմմտ. Международные отношения 1870—1918 г. (Сборник документов) Москва, 1940 г. стр. 124. ընդգրծումը մերն է, Ս. Ք.): Սույն մեջբերումը, եթե մի կողմից բացահայտում է ռումինահայերի 1916 թ. շուրջ 80 տոկոսի արտագաղթի պատճառները դեպի Ռուսաստան և ի մասնավորի Օդեսա, միաժամանակ այն այժմեական խիստ կարևոր արժեք է ներկայացնում մանավանց ներկա օրերին, երբ Թուրքիայի ղեկավարները կեղծելով փաստերը՝ աշխատում են մերժել հայաջինջ ջարդերի կազմակերպումը անգամ Արևմտյան Հայաստանում, Կիլիկիայում և Թուրքիայում, քողարկում են դահմապետ Թալեաթի հայերին ոչնչացնելու գաղտնագիր գրությունները: Ահա մեկ այլ հրեշ՝ Էնվեր փաշայի գաղտնի հուշագիրը հաստատում է, որ թուրքերը չբավականանալով հայերի՝ բնիկ երկրում իրենց կազմակերպած ջարդերով, պետք է որ նոր ջարդեր կազմակերպեին այս անգամ թուրքական յաթաղանից հրաշքով մազապուրծ և արտասահման ապաստանած հայերի նկատմամբ:

Վեհափառ Հայրապետի կյանքին ու գործունեությանը նվիրված համառոտ Տարեգրության սույն առաջին գիրքը ոչ միայն

արժեքավոր է Նորին Վեհափառության կենսագրության ստեղծման համար, այլև կարևոր առաջնությունն ունի հայ գաղութի նորագույն ջրջանի պատմության ուրվագծման առումով, քանի որ Վեհափառ Հայրապետը իր իմաստակից կյանքով անձնավորում է տվյալ ժամանակի ռուսահայ պատմության կարևոր մասը:

Ավարտելով գրքի ընթերցումը, մեր առաջ կոթողանում է ժամանակի տեսիլք ունեցող ազգային-եկեղեցական անխոնջ գործչի ու նվիրյալի անբասիր կերպարը: Տ. Տ. Վազգեն Ա. Հայրապետը, սկսած ռուսահայ գաղութի անմոռանալի ղեկավարումից մինչև Ամենայն Հայոց Կաթողիկոսության աստվածատուր գահակալության անցնող երեսուն տարիները, դիմեց ազգանվեր ու հայրենանվեր բազում սխրանքների և որոնց արձանագրումը իբրև նորագույն Վարք Հայոց Մեծաց, միանգամայն արժանի է նորանոր հավերժացման մատյանների ստեղծման:

*
* *

Ինչպես ամեն մի աշխատություն, այս գիրքը ևս գերծ չէ բացթողումներից, լրացման և ճշգրտման կարոտ հատվածներից: Հավելումները, որ ցանկանում ենք անել այստեղ, բխում են Վեհափառ Հայրապետի կյանքն ու գործունեությունը ավելի ամբողջական դարձնելու ցանկությունից: Օգտվելով մեր ձեռքի տակ կուտակված ռուսահայ գաղութի նորագույն պատմությանը վերաբերող նյութերից և ի մասնավորի նկարագրվող իրադարձությունների մեկ մասի ակամատես վկան և մասամբ համեմատելով մասնակիցը լինելու հանգամանքից, հուսով ենք, որ ստորև մեր կատարելիք լրացումները կնպաստեն սույն կարևոր գրքի ընթերցողներին՝ Վեհափառ Ռուսահայություն անցկացրած ժամանակաշրջանը ավելի ամբողջական ձևով ընկալելու համար:

1932 թ. փետրվար.—«Հայ Մշակույթի Բարեկամներու Ընկերակցության» կողմից Բուխարեստի «Աթենեոս Բուրն» հոլանդական արահում կազմակերպված Հայ արվեստի երեկոյին, որին նախագահում էր Նիկոլայե Յորգան, հայ մշակույթի զանազան փուլերի մասին զեկուցեց Փարիզից հատկապես հրավիրված Արշակ Չոպանյանը: Գեղարվեստական մասում հանդես եկան «Կոմիտաս» երգչախումբը և երգչուհի Արաքս Սվաճյանը: Հայ բանաստեղծների գործեր ռուսներեն թարգմանությամբ արտասանեց ռուսին պետական թատրոնից Մարին-

տա Սադովան, իսկ **Կարապետ-Լևոն Պաճյանը** արտասանեց մեծանուն բանաստեղծ Միհայ Էմինեսկուից՝ հայերեն:

«Արագ» տարեգիրք, Ա տարի, 1933, Բուխարեստ, էջ 246:

1935—1938 թթ. վերաբերյալ Տարեգրության մեջ չեն հիշատակված Կարապետ Պաճյանի հայերենից ռուսներեն կատարած հաշագիտական թարգմանությունների մասին: Հայագետ Հ. Ծ. Սիրունիի կողմից խմբագրված և հրատարակված «Անի» ռուսներեն հաշագիտական եռամսյա հանդեսը, որը լույս էր տեսնում մեծանուն գիտնական. և հայասեր Նիկոլայե Յորգայի հովանավորությամբ 1935—1938 թթ., գրեթե բոլոր համարներին ռուսահայ այլ երիտասարդների հետ իր մասնակցությունն է բերել նաև **Կարապետ Պաճյանը:** Ինչպես «Անի» եռամսյա հանդեսի 8 պրակները, այնպես էլ երկու սովորածավալ տարեգրքերը մեծ նշանակություն ունեցան հայ և ռուսին բարեկամական կապերի ավելի սերտացման գործում:

Տեսնել «Ani» Revistă de cultură armeană, București. 1935 դեկտ., 1936 հուլիս, 1936 նոյեմբեր, 1937 հունվար, ապրիլ, 1938 թ. մարտ, ապրիլ:

1938 թ. փետրվարի 20.—«Հայ Մշակույթի Բարեկամներու Ընկերակցության» նախաձեռնությամբ և Ն. Յորգայի նախագահությամբ «Լիկա Կուլտուրալը» թատրոնում տեղի ունեցավ Հայ արվեստին նվիրված տոնակատարությունը, որ բանախոսեց Գր. Զամպաբճյանը, գեղարվեստական բաժնին մասնակցեցին Արաքս Սվաճյանը, «Կոմիտաս» երգչախումբը և **Կ. Պաճյանը**, որ ռուսներենով արտասանեց Մեսրոպ Մաշտոցի, Ներսես Ընդհալու, Նահապետ Բուշակի, Մկրտիչ Պեշկոբաշյանի, Միսաք Մեծարեցի և Դանիել Վարուժանի բանաստեղծություններից:

«Ani», Revistă... 1938 թ. մարտ, էջ 90:

1941 թ. դեկտեմբեր.—Բուխարեստի «Հայ մամուլ» անկախ շաբաթաթերթի (հիմնադիր՝ Հ. Մ. Պոտուրյան) խմբագիրներ Հ. Գ. Սթանասյանի և Վ. Պաճյանի կողմից **Կ. Պաճյանը** հրավիրվեց գործակցել թերթի խմբագրությանը: Կ. Պաճյանը ստորագրեց ոգեշունչ խմբագրականներ և ճշմարենք:

Ահա Կ. Պաճյանի «Հայ մամուլ» թերթում գրած խմբագրականը, որը օտարության մեջ գրված Սփյուռք-Հայրենիք կապերի լավագույն արտահայտություններից մեկը կարելի է համարել:

ՀՈ՛Ն, ՀԵՌՈՒՆ...

Հո՛ն, հեռուն տուն մը ունինք մենք:
 Մեզի համար ամեն ինչ է ան:
 Ամբողջ աշխարհ մըն է կենդանի:
 Ան քար է, լույս և արյուն:
 Ու տեսիլքը Մեսրոպին:
 Այդ տեսիլքին մեջ քարը դարձավ տաճար,
 լույսը՝ ծիածան, արյունը հոգի, իսկ ժա-
 մանակը պատմություն:
 Ու այսպես ահա, Արարատյան Աշխարհը
 Հայոց մարմին առած դարեր երազեց...
 Քանի քանի անգամներ ուզեցին անոր քա-
 րը փշրել:
 Քանի քանի անգամներ ուզեցին անոր լույ-
 սը մարել:
 Քանի քանի անգամներ ուզեցին անոր ար-
 յունը ցամաքեցնել:
 Ամեն անգամ սակայն, Մեսրոպին տեսիլքը
 հաղթահարեց:
 Ան եղավ և՛ քար, և՛ լույս և՛ արյուն ու մեր
 տունը մնաց կանգուն, լուսավոր և կեն-
 դանի:
 Մեր նախնիքներեն մնացած հսկա ժառան-
 գություն մըն է ասիկա, որուն մեծություն-
 քը ճանչնալու և չափելու իսկ անկարող
 է մեր սերունդը:
 Ժառանգություն մը՝ զոր կրելու համար,
 մեր ուները և՛ տկար են, և՛ անարժան: ...
 Եվ սակայն մեր սերունդին ալ վիճակված
 է գեթ հպատակիլ անոր և խոնարհիլ
 գիտնալ անոր առաջ:
 Մեր ժողովուրդի պատմության և մշակույ-
 թին առաջ:
 Մեր ցեղի քարոյականին և իտեալիզմին
 առաջ:
 Ու այսօր երբ մեր շուրջը ամեն ինչ խար-
 խուլ է, անորոշ և երերուն դավանինք
 այդ արժեքները
 Ինչքան վտանգը ավելի մեծ ըլլա, մենք ա-
 վելի քան երբեք հավատանք մեր վերջ-
 նական հաղթանակին ու փրկության:
 Ինչքան խալար դառնա աշխարհը, մենք
 ավելի մոտենանք Մեսրոպյան լուսեղեն
 տեսիլքին ու սրտանց ապրինք անոր բո-
 լոր ստեղծագործությունները՝ մեր մշա-
 կույթն ու մեր պատմությունը:
 Ինչքան ավելի առատ հույի մեր եղբայր-
 ներուն արյունը, այնքան ավելի զորաց-
 անք մեր մկանները:
 Զորացնենք մանավանդ մեր երիտասար-
 դության հայտ գիտակցությունը: Այս ճամ-
 բուն վրա բոլորը արթազան պարտակա-
 նություններ ունին, մանավանդ հին սե-
 րունդը և մեր ազգային հաստատություն-
 ները:
 Մեր նոր սերունդին հոգիին մեջ ալ ճառա-
 գայթ մը ցարեցնենք Հայոց Աշխարհի

Տեսիլքն ու հայ հոգիներու իտեալիզ-
 մեն:

Միայն այսպեսով պիտի կարենանք կեն-
 դանի ու կորովի մնալ:

Ու պետք է մնանք, մինչև մեր փակ բախ-
 տին դուրը բացվի: Որովհետև, հո՛ն հե-
 ոո՛ւն, տուն մը ունինք որ անձկալի մեզ
 կը սպասեն:

Հե՛յ, դո՛ւն, Հայոց Աշխարհ, մեր այս կորս-
 ված անկյունեն մեր ողջույնը ընդունե...

Հո՛ն, հեռուն» հոդվածը ապագա Հայոց
 Հայրապետը տպել էր Բոխարեստում հրա-
 տարակվող անկուսակցական «Հայ մամուլ»
 շաբաթաթերթում 1941 թ. դեկտեմբերին,
 այսինքն Սովետական Միության վրա կա-
 տարված հիտլերյան քանակների հարձա-
 կումից մի քանի ամիս անց: Այդ օրերին
 համարձակ սխրանք է եղել գերմանական
 կրկի տակ գտնվող Ռումինիայից ողջույն
 առաքել Հայաստանին, որի զավակների
 «արյունը առատ հոսում էր» ի խնդիր Հայ-
 րենիքի պաշտպանության:

1944 թ. հունվարի 30-ի իր համարում
 ռումինական «Ունիվերսուլ» մեծ օրաթերթը
 հրատարակել է կարևոր մի առաջնորդող
 «Ռումին հանդուրժող ոգին» խորագրով,
 որը նվիրված էր Վազգեն վարդապետ
 Պաճյանի աթոռակալության հանդեպին:

«Նորբնտիր Վազգեն վարդապետ Պաճ-
 յանի նկատմամբ, կիմանա՞նք, գոհունակու-
 թյան զգացումով մը, որ մեր երկրին զա-
 վակներեն մեկն է, և որ այս երիտասարդ
 ու կրթված հոգևորականը հոս առաջած է
 իր մտային պատրաստությունը, հոգևոր
 կերպով ուռճացած է միջավայրին մեջ ու-
 մեն ժողովուրդին՝ որուն բաղձանքներուն
 հետ նույնացած է անթերի կերպով: Ուրե-
 մըն լուսավորված և գիտակից պետ մը պի-
 տի հանդիսանա եկեղեցվույն և համայնքին
 համար, որ առաջնորդության կոչված է,
 ըլլալով միանգամայն շատ լավ ռումանացի
 մը:

Բայց Ռումանիո հայ լուսավորչական ե-
 կեղեցվույն նոր առաջնորդին հաստատու-
 թյունը պատճառ եղավ, որ երևան գան
 ռումանական այն մեծ և անվիճելի հան-
 դուրժողական ոգին, միևնույն ատեն ցուց-
 նելու թե որքան լավ և կատարյալ կերպով
 հայ տարրը նույնացավ ռումեն ժողովուրդի
 քաղաքական և պետական կյանքին հետ:

...Կը հիշենք որ հայերը որ իրենց բնիկ
 երկրին մեջ կը ներկայացնեին քրիստո-
 նական մշակույթը և քաղաքակրթությունը,

հալածվեցան ճիշտ այս պատճառով և բռնադատվեցան իրենց կյանքը ապահովելու համար, ձգելու հիմնավորը հաստատությունները իրենց բնաշխարհին:

Անոնք բռնեցին գաղթականի փշոտ ճաճապարհը և ապաստան փնտռեցին օտար երկիրներու մեջ, օտար ժողովուրդներու մոտ:

Ծատերը, շատ շատերը հաստատվեցան — և ափսոսաբար — նախկին ռումբն իշխանությանը մեջ, մանավանդ ի Մոլոտովա. քիչ չեղավ սակայն թիվը այն հաշվում՝ որոնք հաստատվեցան ռումբն հողերեն տարբեր ուրիշ երկիրներու մեջ: Գիտենք զոր օրինակ, որ Հունգարիո քաղաքներեն մին — անշուշտ հունգարական բարբառով — Հայոց քաղաք (Մ. Ն. Կեղյա քաղաքը, որ կը կոչվեր նաև Արմենոփոլիս) անունը կը կրէ: Այսուհանդերձ միակ երկիրը աշխարհիս մեջ, որ հայերը ինքզինքնին լավագույն զգացին և վայելեցին բոլոր իրավունքներն ու ազատությունները՝ հանդիսացավ Ռումանիան:

Այսպես ուրեմն, առաջին առթիվ հայերը իրենք իսկ պիտի հաստատեն հետևյալ ճշմարտությունները՝ ընդգծված դավանությանը և Ազգային Մշակույթի նախարար պրոֆ. Յոն Փեթրովիչի կողմէ:

«Ո՛չ մեկ ատեն անցյալին մեջ, հալածանքի մի ճշույն իսկ, ինչպես և ոչ այսօր ալ ունիցէ սամանափակում կամ կասկածանք՝ հայ ժողովուրդին հետ մեր ունեցած հարաբերությանը մեջ: Մեր երկրին մեջ հայկական ծագումով նախարարներ և գրագետներ ունեցած ենք: Ո՛չ մեկ ատեն սակայն անոնց հայկական ծագումը թերի մը կամ անպատեհություն մը նկատված է»:

Իսկ ինչ կը վերաբերի հայ տարրին ռումբն մշակույթին բերած նպաստը, աշխատասեր տարր մը, լավագույնս օժտված գեղեցիկ ընդունակություններով և մշակութային հնամենի ավանդություններով, այս նպաստը երևան կուգա բազմաթիվ հրաշակերտ եկեղեցիներու և արվեստի ուրիշ շքեղ գործերու մեջ: Հայ ծագումով գրագետներու և փրոֆեսորներու թիվին մեջ, դպրոցներու և բարենպաստակ հաստատություններու մեջ, հիմնված ռումանափառակ հայերու կողմէ, որուն պետք է ավելցնենք նաև անձնվիրությունն ու գիտակցությունը որով շատեր անոնցմէ, իբրև հանրային գործերու նվիրված պաշտոնյաներ, ծառայած են և կը շարունակեն ծառայել ռումբն պետությանը»:

„Universul“, 30 ianuarie 1944.

Թարգմանությունը «Արագ», 1944 թ. փետրվարի 6, № 1063:

Ռումինիայի ռադիոկայանը հաղորդեց «Ռումինական» օրաթերթի այս կարևոր առաջնորդողը և անդրադարձավ նաև արտակարգության հանդիսությանը:

1944 թ. փետրվարի 6-ին «Արագ» թերթում վազգեն վարդապետ Պալմանի արտակարգության հանդիսության առթիվ Հ. Ծ. Սիրունին գրեց հատուկ առաջնորդող «Նիքոլա Յոուկայի ոգին» խորագրով, որ ի միջի այլոց սաված էր.

«...Գոյ էր հոն, որովհետև միշտ գոյ է արդեն անոր հոգին մշակույթի այդ հարկին տակ, մարդոց միտքն իշնա թե ոչ: Գաղտնիք մը չէ որ ինք եղավ առաջինը որ այնքան արտանց խրախուսեց նախաձեռնողները Ռումանահայ Կեդրոնական Մատենադարանին երբ ան կը հիմնվեր 1927-ին ու ինք եղավ առաջին այցելուներեն մեկը անոր ու ինք եղավ որ առաջինը տողերը արձանագրեց անոր ոսկեմատուցին մեջ. «Ի հիշատակ այցելությանս այս հարկին որ պարփակված է մտածումը դժբախտ ու փառավոր ժողովուրդի մը»: Ու որքա՛ն պիտի հրճվեր մեծ հայասերը եթե իրեն տրվեր նաև բացումը ևս տեսնել Հայ Մշակույթի այս Տան՝ որ մարմին պիտի առներ իր եղերական վախճանեն քիչ հետո Տոտյան առատաձեռնության շնորհիվ և որ եկավ տեղ գրավել մատենադարանը փոխադրվելով իր նախկին համեստ հարկեն՝ հայ արվեստի ու հայ անցյալի այնքան թանկագին ճշարներուն և նմուշներու հետ:

Գոյ էր անոր ոգին հոտ, ինչպես որ ներկա է ամեն տեղ որ փառաբանությունը կըլլա հայ տարրին ստեղծագործ դարերուն այս առաջնական երկնքին տակ ու հայ ժողովուրդի մեծ ու սգավոր պատմության, որովհետև իրեն չափ շատ քիչերը միայն գիտեին արժեքը սերմերուն զորս հայ ժողովուրդը բուռ բուռ դարերուն ցանեց, ու այս ափերուն վրա անոր թափած քրտինքին:

Գոյ էր անոր ոգին հոտ, որովհետև ոչ ոք իրմե ավելի իրավունք ուներ ներկա ըլլալ այդ օրը: Ինք էր որ հայ թեմին օրինական կերպարանք էր տվեր, ինք էր որ նվիրագործեր էր այդ թեմին կանոնադրությունը, ինք էր որ օրինապես ամրապնդեր էր նախկին առաջնորդին պաշտոնը՝ որ հագիլ թե հանդուրժված էր մինչև այն ատեն իրմե առջի դահլիճներուն օրով: Ու հաճաքներ երբեք Նիքոլա Յոուկայինը չէր եթե երբեք մենք մեր թեմին հարգը չգիտցանք, ու ամբողջ տասը տարի վատնեցինք հումպետս: Տարբեր կըլլար հունձքը այդ տասը թանկագին տարիներուն եթե տարբեր մարդոց հանձնված ըլլար ճակատագիրը թեմին:

Գոյ էր անոր ոգին հոտ, որովհետև ոչ ոք իրմէն ավելի իրավունք ուներ հրճվելու՝ տեսնելով որ կը վերընձնորդի թեմը կրկին, շնորհիվ տարիէ մը ի վեր թափված ճիգերու ակիշ ներարկելու համար թմբած օղկանիզմի մը, հրճվելու՝ տեսնելով որ սքեմ առեր է, հայ եկեղեցւոյ ծառայելու և ապահովելու համար թեմին հաշորդությունը, երիտասարդ հայ մտավորական մը, որուն ևս տրվեր էր աշակերտելու իրեն երբեմն համալսարանի գրասենյակներուն վրա, խորհրդավոր գուգադիպություն՝ զոր իր հոգիին մէջ անշուշտ ինքն ալ կը զգար թեմին վաղվան աթոռակալը հանդիսավոր այդ պահուն...

Նիքոլայ Յոռկայի ոգին մեր մեջն էր այդ օրը, ու մեր մէջը պիտի ըլլա ամեն անգամ երբ առիթ տրվի մեզ ոգեկոչել մեր պրտի կապը հյուրընկալ այս ժողովուրդին հետ: Դարավոր է մեր տքնությունը այս հողին վրա, ու դարավոր՝ մեր գտած սերը, փոխարեն: Բայց Նիկոլայ Յոռկան եղաւ որ համարեց տքնության ու սիրո այդ յոթը երկար դարերը: Արդար է որ անոր ոգին միշտ մեր մէջը տնէ:

«Արագ» 1944 թ. փետրվարի 6. № 1066:

1944 թ. կիրակի փետրվարի 27.—Ժողովրդական հանդիսություն հուլիսարեստի «Հայ Մշակույթի Տան» բացման առթիվ: Նախագահում է Վազգեն վարդ. Պալմյանը և միաժամանակ բացման խոսք է ասում՝ նշելով հետևյալը. «Վերջին երեսուն տարիներու ընթացքին Պուրբեջի հայ համայնքը չորս շինարարական գործ կատարեց: 1913-ին եկեղեցին, 1926-ին Ազգ. վարժարանը, 1939-ին Ազգ. թիվ 2 վարժարանը և այժմ ահա սա Մշակույթի տունը: Ասիկա աննախընթաց երևույթ մըն է ոչ միայն մեր գաղութին այլ նաև բոլոր հայ գաղութներու համար:

Այս շինարարությունը, ինչպես նաև մեր գաղութի ի հաշտ բերած կրթական, մշակութային գործունեությունը իր բոլոր միություններով կու գան ապացուցանել թե Ռումանահայ գաղութը և հատկապես Պուրբեջը արժանավոր տեղ մը կը գրավեն մեր քույր գաղութներու շարքին մէջ»: Ապա իր երախտագիտական խոսքը ունիմ ժողովրդին և շենքի նվիրատու Տուշյան ընտանիքին ուղղելուց հետո Առաջն. Տեղապահը ավելացրեց. «Հուսահատներուն և թերահավատներուն Հիսուս ըսավ. «Մի վախճաք, այն Աստվածը որ Աբրահամու ցեղը ստեղծեց, քարերն անգամ նոր Աբրահամներ կրնա ծննդել:

«Ես կը հավատամ, թե այդպիսի օրհնություն մը կա նաև մեր ժողովուրդի վրա:

Այն հողը որ ծնունդ տվաւ մեր բոլոր արժեքներուն՝ այսօր ալ կա. այդ մայր երկրի հողն է: Եվ ինչքան ատեն կենդանի են մայր հողը, մեր մշակույթը և մեր եկեղեցին՝ ապահով է մեր ներկան ու ապագան:

«Հող, մշակույթ և եկեղեցի, ահա հայ ժողովուրդի սուրբ երրորդությունը որով անպիտի ապրի հավիտյան:

Օրհնյալ ըլլա այդ սրբազան երրորդությունը»:

«Արագ», 1944 թ. մարտի 5, № 1067, էջ 3:

1945 թ. նոյեմբերի 29, ավելացնել Տարեգրությանը.—«Փայլուն ընդունելություն» Հայ Մշակույթի Տան մէջ» խորագրի տակ նշված է հետևյալը. Ներկայությամբ ունիմական գրեթէ ամբողջ կառավարությանը, ունիմ ակաճավոր դեմքերի, տվետական ռազմական բարձր աստիճանավորների, Բուլղարիայի դեսպանի և ուրիշների ճառերով հանդես եկան գեներալ Սուսայկովը, Ռումինիայի վարչապետ դոկտ. Պետրու Գորգան և ուրիշներ: Վազգեն վարդապետ ունիմ լեզվով և զգայուն խոսքերով կը դրվատնէ ունիմ-սովետ բարեկամությունը, վեր հանելով հայ ժողովրդի նվիրումը հանդէպ ուսու և ունիմ ժողովուրդին:

«Պահակ», 9 դեկտ. 1945 թ., № 46 (347) էջ 3:

1945 թ. կիրակի դեկտեմբերի 23-ին «Հայ Մշակույթի Տան» հանդիսարանում, նույն տան երիտասարդական ինքնագարգացման ջրջանակի կողմից կազմակերպվում է հայկական միջավայրում առաջին հիշատակի հանդիսությունը նվիրված Նիկոլայե Յորգայի ողբերգական ապանության 5-րդ տարեկիցին: Բացման խոսք արեց Առաջն. Տեղապահ Վազգեն վարդապետ Պալմյանը, բանախոսեցին Ս. Քոլանջյանը, Աքս. Թրաչյանը, որին հաջորդեց գեղարվեստական ճոխ ծրագիր: Փակման խոսքը ասաց «Հայ Մշակույթի Տան» վարչության նախագահ դոկտ. Արամ Մ. Սարքին:

«Պահակ», 1945 թ. կիր. 23 դեկտեմբերի էջ 1. Զարեհ Արևյան (իմա՝ Ներսես Պալմյան), Հիշատակի հանդես փրոֆ. Ն. Յորգայի մահվան 5-րդ տարեկիցին:

1946 թ. փետրվարի 28.—Հուլիսարեստի «Աշխատավորական թատրոն»-ում «Հաշտատանջան ճակատ»-ը կազմակերպեց 1495-րդ տարեդարձը Ավարայրի ճակատամարտին: Այդ առթիվ բանախոսեցին Վազգեն վարդապետ Պալմյան և ընկ. Զարեհ Պալույ: Հ. Մ.-ի ուսանողական բաժինը բեմադրեց պատմական «Գրե Եղիշե» 4 տեսարաններն բաղկացած կենդանի պատ-

կեր մը կազմված ըն. եղ. Գոլանճյանէ, բեմավարությունը Արմանո Կորտիկյանի և մասնակցությամբ Հ. Մ.-ի նորակազմ երգչախմբի՝ ղեկավարությամբ ընկ. Վարդգես Հայրիկյանի:

1947 թվականից Վազգեն վարդապետ Պալճյանը դարձավ «Հայ Մշակույթի Տան» վարչության նախագահ: Նա հետագայում կարևոր մասնակցություն ունեցավ տեղվում Մատենադարանի ձեռագրերի, հնատիպ գրականության և այլ արժեքների ապահով տեղափոխմանը՝ Թեմական խորհրդի դիվանատունը: Վազգեն վարդապետ Պալճյանի նախագահության օրոք է, որ նույն Հայ Մշակույթի տնից ներգաղթի ռումինահայերի երկրորդ կարավանով իբրև նկեր Հայաստան բերվեցին 1948 թ. յոթ արկով ռումինահայ հրատարակություններ և հազվագյուտ այլ գրքեր, որոնք անցան Ալ. Մյանսկիյանի անվան Հանրապետական գրադարանին, իսկ 1954 թ. դարձյալ «Հայ Մշակույթի Տան» սեփականությունը եղող 42 արժեքավոր ձեռագրեր նվիրվեցին Մաշտոցյան Մատենադարանին:

Էջ 9.—Բուխարեստի հայոց Սրբոց Հրեշտակապետաց հին եկեղեցին կառուցվել է ոչ թե 1743 թ. այլ՝ 1742 թ.: Տեսնել Վալաքիայի իշխան Միհայիլ Ռակովիցիի հրովարտակը՝ 1742 թ. փետրվարի 15-ի (Հ. Մ. Սիրունի, Հայ եկեղեցին ռումեն հողին վրա, Նիկոլա Յորգա, Էջմիածին, 1966, էջ 52):

Էջ 13.—Գրված է, որ Գերմանիան և Ավստրո-Հունգարիան միասին կազմում էին «Անտանտա»-ն: Իրականում նրանք վերջինիս հակառակ «Եղյակ միության» անդամներ էին, իսկ Անտանտայի մեջ մտնում էին Անգլիան, Ֆրանսիան, Ռուսաստանը և այլն:

Էջ 17.—Նշված է, որ 1401 թ. Մոլդովայի հայոց թեմի հոգևոր առաջնորդ Հովհաննես եպիսկոպոսը վերջին առաջնորդն էր: Իրականում նա առաջին առաջնորդն էր, որ հատուկ իշխանական հրովարտակով վավերացվել էր իշխան Ալեքսանդրու Բարի կողմից 1401 թվականին:

Էջ 17.—Նշված է, որ 1812 թ. Քիշնևում ծնունդ առած հայոց հոգևոր առաջնորդական աթոռի առաջնորդները իբր «Չկարողացան քիչ թե շատ նշանակալից գործերով դրսևորել իրենց»: Այդ կարծիքը քննադատության չի կարող դիմանալ, քանի որ անգամ այդ թեմի հիմնադիր Գրիգոր

արքեպիսկոպոս Զաքարյանի մասին կարելի է ասել, որ նա թեմը օժտեց առաջնորդարանով և հարակից հայկական մեծ թվով կալվածներով: Զաքարյանը ղեկավարելով 150 կամավորների՝ մասնակցեց 1806—1812 թթ. ռուս-թուրքական պատերազմին, բուլղարական քաղաքների ազատագրմանը, կոիվներում փրավորվեց, իսկ Ռուսաստանի կայսրից արժանացավ շքանշանների: Այստեղ արդյունալից գործունեություն են ծավալել տարիներ շարունակ Ներսես Աշտարակեցին և Մակար եպիսկոպոսը, որոնք հետագայում դարձան Ամենայն Հայոց կաթողիկոսներ:

Էջ 23.—Ֆրանսիացի հայագետ Ֆր. Մակլերը Բուխարեստում իր կարդացած երեք զեկուցումներից և ոչ մեկը չի նվիրել Կիրիկյան Հայաստանին, այլ Հայաստանին և հայերին, հայ արվեստին և հայ թատրոնին:

„Ararat“, București, 1927, № 37.

Էջ 148-ին հաջորդող ներդիր նկարի տակ.—Վազգեն վարդապետ և ներգաղթի լիազոր դոկտոր Բաբգեն Աստվածատրյան —1947 թ.: Դոկտ. Բաբգեն Աստվածատրյանը Բուխարեստում էր ոչ թե 1947 թ. այլ՝ 1945 թ.:

Էջ 156. Հանդիպած լուսանկարի մասին նշված է. «Ներգաղթողների մեկնումը Հայաստան, Կոնստանդա 1947 թ.»։ 1947 թ. հայրենադարձություն չի կազմակերպվել Ռումինիայից, այլ 1946 թ., երբ մեկնեց առաջին կարավանը, նկարը այդ խմբին է վերաբերում:

Գրքում կան նաև տեղանունների, անձանունների, ազգանունների, հաստատությունների անունների և թվականների մեջ վրիպումներ:

Հատորի տպագրությունը և թուղթը շատ ընտիր են, նույնպես և ներդիր նկարները: Վեհափառ Հայրապետի կյանքի և գործունեությանը նվիրված նաև կաթողիկոսական շրջանի տարեգրության հատորների կազմումը և հրատարակումը կարևորագույն ավանդ կլինի թե Վեհափառ Հայրապետի կենսագրության ամբողջացման և թե միաժամանակ համահայկական չափանիշով կունենա խոշոր այժմեական նշանակություն, քանի որ այն կոչված կլինի դառնալու կարևորագույն աղբյուր Մայր Աթոռ Ս. Էջմիածնի, ինչպես նաև Սփյուռք—Հայրենիք կապերի և մասնավորապես սփյուռքահայության, այնպես էլ հայ և այլ ժողովուրդների փոխհարաբերությունների պատմության համար:



ՀԱՅՐ ՄԻՇԵԼ ՔԵՆԵԼ

(Աստվածաբանության դասախոս)

ԻՆՉՊԵՍ ԿԱՐԴԱԼ ԱՎԵՏԱՐԱՆԸ*

ՍՈՒՐԲ ՄԱՐԿՈՍ

71. ՔԱՀԱՆԱՅԱՊԵՏՆԵՐԸ ԵՎ
ՄԱՐԳԱՐԵՆ (Մարկ. ԺԱ. 27—33)

- ԺԱ. 27 Դարձյալ Երուսաղեմ եկան: Եվ մինչև նա այնտեղ, տաճարում շրջում էր, նրա մոտ եկան քահանայապետները, դպիրներն ու ծերերը
- 28 և ասացին նրան. «Ի՞նչ իշխանությամբ ես դու այդ անում, և ո՞վ տվեց քեզ այդ իշխանությունը»:
- 29 Հիսուս պատասխան տվեց և ասաց նրանց. «Ես էլ ձե՛զ մի բան հարցնեմ, պատասխանեցե՛ք ինձ, և ես ձեզ կասեմ, թե ինչ իշխանությամբ եմ այս անում».
- 30 Հովհաննեսի մկրտությունը երկնքի՞ց էր, թե՞ մարդկանցից. պատասխանեցե՛ք ինձ»:
- 31 Նրանք իրար մեջ խորհում էին ու ասում. «Եթե ասենք՝ երկնքից, մեզ կասի՝ իսկ ինչո՞ւ նրան չհավատացիք».
- 32 Իսկ եթե ասենք մարդկանցից, ժողովրդից ենք վախենում». որովհետև բոլորը գիտեին, թե Հովհաննեսը մարգարե էր:
- 33 Պատասխան տվեցին և ասացին Հիսուսին. «Չգիտենք»: Եվ Հիսուս պատասխանեց նրանց ու ասաց. «Ես էլ ձե՛զ չեմ ասի, թե ինչ իշխանությամբ եմ այս անում»:

Տաճարում Հիսուս բազմիցս պատասխանատվության պիտի կանչվի Երուսաղեմի

* Ծարուհաված «Էջմիածին» ամսագրի 1986 թվականի № 6 Բ—ԺԲ-կց:

կրոնական իշխանությունների կողմից: Մարդկանց խմբեր իրար ետևից պիտի գան մեղադրելու կամ ծուղակը գցելու նրան: Այս ամբողջ հարձակումները հիշեցնում են այն հինգ հակաճառությունները, որ տեղի էին ունեցել Կափառնալումում Հիսուսի քարոզության սկզբին և հանգել էին փարիսեցիների և հերովդեականների դավերին, որոնք պատրաստվում էին մեջտեղից վերացնել իրենց նեղություն պատճառողին:

Այժմ նույնպես, տաճարի շրջափակում, Հիսուս ենթարկվում է բազում հարցաքննությունների, որոնք արդեն նման են դատավարության, թեև պաշտոնապես այն դեռ չի սկսվել: Բայց խաղերն արդեն նախապատրաստվել են:

Առաջիկա մեջ են մտնում քահանայապետներն ու նրանց մրցակիցները: Դա միանգամայն բնական է: Ամենից բացահայտ մեղադրանքը, որ կարելի էր անել Հիսուսին, նրա նախորդ օրվա քահանայքներն էին, երբ նա վեր ի վայր էր արել ամբողջ տաճարը: Քահանաները պաշտոնապես պատասխանատուներն են բոլոր շենքերի և այն ամենի, ինչ տեղի է ունենում այնտեղ: Նրանք իրավունք ունեն հաշիվ պահանջելու մի մարդուց, որը վարվել էր այնպես, ասես տերը լինե՞ր այդ սուրբ վայրերի:

Այսուհանդերձ, նրանց հարցը նեղատարբերն քողարկված մի հարց է: Նրանք հարցնում են Հիսուսին, թե որևէ հանձնարարագիր ստացե՞լ է այդպես վարվելու հա-

մար՝ շատ լավ իմանալով հանդերձ, որ իրենք միայն կարող են տալ անան մի հանձնարարագիր: Հետևաբար նա չի կարող հավակնել, թե որևէ մարդկային իշխանությամբ է արել այդ: Ինչ վերաբերում է Աստծուց եկող իշխանությանը, նրանք մտածում են, թե հենց իրենք են դրա ավանդապահները. և եթե Հիսուս կասկածի տակ աններ դա, ապա հեշտությամբ ինքն իրեն մեղադրած կլիներ Աստծուն հայհոյելու մեջ:

Ուստի Հիսուս ուղղակիորեն չի պատասխանում, այլ իր կողմից նրանց ուղղում է մի ուրիշ հարց, որով նրանք իրենց հերթին պատասխանում են: Ներկա ամբոխը, որն ընդունում էր Հովհաննես Մկրտչի աստվածային առաքելությունը, այնտեղ պատրաստ է հսկայական մի ցույց սարքելու, եթե երբեք նրանք համարձակվեն թշնամական թեկնուզ մի խոսք արտաբերել մարգարեի դեմ, որին արդեն իրենց վախկոտությամբ թույլ էին տվել, որ բանտարկեն և ապա սպանեն: Նրանք չեն համարձակվում ո՛չ իրենց կարծիքը փոխել և ո՛չ էլ դիմագրավել ամբոխի խիստ կշտամբանքին: Նրանց խարդախությունն ակնհայտ է: Նրանք նախընտրում են տգետ ձևանալ:

Հիսուսի կողմից դա դիպուկ մի հարված էր: Միևնույն ժամանակ, սակայն, ներդրված գրավն ավելի մեծ էր, քան բանակրփի գեղեցկությունը: Հովհաննես Մկրտչի մահով քահանայական շրջանակները դիտվում են որպես մարգարեների սպանությունը թույլատրող մարդիկ: Իսկ Հիսուսի պարագային շատ ավելի վատ պիտի լինի, քանի որ նրանք նախաձեռնողները պիտի լինեն նրա մահվան:

Իսկապես, տաճարը և նրա պատասխանատու մարմինները արժանի չեն գոյություն ունենալու:

72. ԱՆՀԱՎԱՍՏԱՐԻՄ ԱՅԳԵՂԱՆՆԵՐԻ ԱՌԱԿԸ (Մարկ. ԺԲ 1—12)

- ԺԲ 1 Եվ սկսեց նրանց հետ առակներով խոսել և ասել. «Մի մարդ այգի տնկեց և նրա շուրջը ցանկապատ քաշեց, փոսհնձան փորեց և աշտարակ շինեց. ու այն վարձու տվեց մշակներին և գնաց օտար աշխարհ:
- 2 Երբ ժամանակը հասավ, մշակների մոտ մի ծառա ուղարկեց, որ այդ մշակներից վերցնի այգու պտղից:
- 3 Եվ մշակները նրան բռնելով՝ ծեծեցին ու ձեռնունայն արձակեցին:
- 4 Դարձյալ նա մի ուրիշ ծառա ուղարկեց նրանց մոտ, և նրա էլ գլուխը ջարդեցին ու անարգելով արձակեցին:

- 5 Եվ վերադառնալով մեկ ուրիշին ուղարկեց. սրան էլ՝ սպանեցին. և ուրիշ շատերին ուղարկեց. ոմանց ծեծում էին, ոմանց՝ սպանում:
- 6 Դեռևս նա մի սիրելի որդի ուներ. վերջում նրան ուղարկեց նրանց մոտ՝ ասելով. «Թերևս իմ այս որդուց ամաչեն»:
- 7 Իսկ մշակները երբ տեսան, որ նա գալիս է, իրար ասացին. «Ժառանգը սա է, եկեք սպանենք սրան, և ժառանգությունը մերը կլինի»:
- 8 Եվ բռնելով նրան՝ սպանեցին ու հանեցին-զցեցին այգուց դուրս:
- 9 Արդ, այգու տերը ի՞նչ կանի. կգա և կոչնչացնի մշակներին ու այգին ուրիշների ձեռքը կհանձնի:
- 10 Դուք չե՞ք կարդացել Գրքի այն խոսքը, թե՛ այն քարը, որ կառուցողները անարգեցին, նա՛ եղավ անկյունաքար:
- 11 Տիրոջ կողմից եղավ այս մեկը, և մեր աչքին սքանչելի է»:
- 12 Եվ նրանք հնար էին փնտրում՝ նրան բռնելու, բայց ժողովրդից վախեցան, որովհետև հասկացան, թե նա առակը իրենց վրա ասաց: Եվ թողեցին նրան ու գնացին:

Քահանայապետների, դպիրների և ծերերի հետ ունեցած վեճից հետո Հիսուս նրանց պատմում է մի առակ, որ նրանք չէին կարող չհասկանալ: Այդ առակը համապատասխան է թզնուն ուղղված անեծքի, որը մի նշան էր աշակերտների համար (Մարկ. ԺԱ 12—14 և 20—25):

Այգին ներկայացնում է հրեա ժողովրդին. դա գիտեն բոլորը՝ սկսած դեռևս Քրիստոսից առաջ ոյթերորդ դարում ապրած Եսայի մարգարեի ժամանակաշրջանից, երբ հրեա ազգը բաժաված էր երկու թագավորությունների. Իսրայելի թագավորությունը՝ հյուսիսում, Հուդայի թագավորությունը՝ հարավում: Եսայի մարգարեի գրքում կա այգուն նվիրված շատ ծանոթ և շատ գեղեցիկ մի երգ, որով մարգարեն ամբաստանում է անհավատարիմ ժողովրդին և գուցակում անխուսափելի մի պատիժ: Հիսուս հիշատակում է այդ երգը իր պատմած առակում.

Պիտի երգեմ իմ սիրեցյալին
 Իմ սիրելի երգը նրա այգու մասին:
 Իմ սիրեցյալն ուներ մի այգի
 Չքնաղ մի անկյունում,
 Բերրի հողակտորի վրա:
 Ցանկապատեցի այն,
 Չարդարեցի ձողերով
 Եվ տնկեցի ընտիր որթատունկ:

Նրա մեջ շինեցի աշտարակ,
 Փոս փորեցի հնձանի,
 Սպասեցի, որ կտար բերք խաղողի,
 Բայց նա տվեց փուշ:
 Եվ այժմ, բնակիչներ Հուդայի երկրի,
 Բնակիչներ Երուսաղեմի,
 Դա՛տ արեք իմ
 Եվ իմ այգու միջև:
 Էլ ի՛նչ պետք էր անել իմ այգուն,
 Որ ես չարեցի.
 Սպասեցի, որ կտար բերք խաղողի,
 Բայց նա տվեց փուշ:
 Եվ արդ՝ ինքս կպատմեմ,
 Թե ինչ պիտի անեմ իմ այգուն.
 Պիտի քանդեմ ցանկը նրա,
 Որ նա դառնա արոտավայր.
 Պիտ կործանեմ պարիսպները նրա,
 Որ նա դառնա ոտքի կոխան:
 Պիտի լքեմ ես իմ այգին,
 Նա չպիտի էտվի, չպիտի փորվի,
 Ու նրա մեջ, ինչպես խոպան,
 Պիտի բուսնի փուշ ու տատասկ:
 Եվ հրաման պիտի տամ ես իմ ամպերին,
 Որ անձրև չթափեն իմ այգու վրա:
 Քանգի գորությունների Տիրոջ այգին
 Տունն է Իսրայելի,
 Իսկ Հուդայի բնակիչը՝
 Ախորժելի տունկը նրա:
 Սպասեցի, որ նա արդար դատաստան անի,
 Բայց նա արեց անիրավություն,
 Ո՛չ արդարություն, այլ՝ աղմուկ-աղաղակ:
 (Եսայի Ե 1—7)

Իր տիրոջ անսահման սիրո նկատմամբ անհավատարմությունն ցուցաբերած այգու այս թեման Հիսուս վերամշակել է՝ թեթևակի փոփոխության ենթարկելով այն: Մարկոսի ավետարանում անհավատարիմ գրողը պատկերվում է, որքան այն մշակելու կոչված այգեպանները, այսինքն՝ ժողովրդի ղեկավարները: Քահանայապետները լավ չեն գիտակցում այդ: Գրվածքն էլ արդեն պարզ ասում է. «Նրանք հասկացան, թե նա ստակը իրենց վրա ասաց» (համար 12):

Մեկը մյուսի ետևից ուղարկված ծառաները մարգարեներն են, որոնց հետ միշտ վատ են վերաբերվել հրեական իշխանությունները: Ինչ վերաբերում է «սիրելի որդուն», ապա նա, անտարակույս, Հիսուսն է, որը Մարկոսի ավետարանում արդեն երկու անգամ մատնանշվել է այդ նույն արտահայտությամբ, մկրտության և այլալերություն ժամանակ (Մարկ. Ա. 11 և Թ 7): Առական որդու սպանությունը Իսրայելի ժողովրդի կրոնական պետերի կողմից Հիսուսի դեմ նախապատրաստվող ոճրի

մասին արված հայտնության վերհիշեցումն է:

Անհավատարմությունը ոչ թե այգու, այլ այգեպանների կողմից լինելով՝ այգին, ի տարբերություն Եսայու գրվածքի, չի ավերվում: Այգեպաններն իրենք պիտի ոչնչացվեն, իսկ այգին պարզապես պիտի վրատահվի «որիշներին» (համար 9), այսինքն՝ ոչ-հրեաներին, հեթանոսներին, որոնց վրա Աստված այսուհետև դնում է իր հույսը, որպեսզի իր սերը հայտնի դառնա մարդկանց:

Առական Հիսուս մեջ է բերում 118-րդ սաղմոսից մի հատված, որ Մարկոսն իր ավետարանում արդեն դրել էր նրանց բերանը, ովքեր ուղեկցում էին Մեսիային Երուսաղեմ նրա առաջին գալստյան ժամանակ (Մարկ. ԺԱ. 1—11).

Այն քարը, որ շինարարներն անարգեցին,
 Նա՛ եղավ անկյունագույն.

Տիրոջից եղավ այդ,
 Եվ սքանչելի է մեր աչքերին:

(Սաղմոս ԾԺԸ 22—23)

«Անկյունագույն» կամ «անկյունաքար» մի գեղեցիկ խոշոր քարի կտոր է, որ որմնադիրներն ընտրում-առանձնացնում են՝ այն տեղադրելու համար երկու պատերի խաչաձևող մասում, այնտեղ, որտեղ շենքի ամրությունն առավել խոցելի է, և որտեղ կարիք կա ավելի դիմացկուն շինանյութերի: Սաղմոսն արդեն ասում է, որ Աստված ընդհանրապես իր հույսը չի դնում այն բանի վրա, որ լավագույնն է երևում մարդկանց աչքին: Այսպես, Աստված ընտրել էր Իսրայելի՝ ժողովրդին, թեև նա անգոր և անփառունակ մի ժողովուրդ էր: Հիսուս անդրադառնում է սաղմոսի այս տողերին, բայց նա այլ կերպ է կարդում դրանք: Նրա խոսքերից կարելի է անել երկու մեկնություն: Ծինարարներից անարգված և անկյունաքար դարձած քարը կարող է լինել՝

— կա՛մ ինքը Հիսուս, որ իրավագրված ու մեկուսացված էր հրեա ղեկավարների կողմից և իր հարությանը դառնալու էր հավատի հիմք.

— կա՛մ հեթանոս ազգերը, որոնք, իսրայելական նեղմիտ մի օրենսդրությամբ, մերժված էին հրեա հասարակությունից, բայց որոնք կոչված էին վճռական մի դեր կատարելու Աստուծո նոր ժողովրդի ծնունդ:

Այս վերջին մեկնաբանությունը, թեև մի քիչ անսովոր է ավետարանի ընթերցողնե-

րի համար, սակայն ավելի ներդաշնակ է թվում անհատատարիմ ազգեսականների առակի հետ այնպես, ինչպես այն վերարտադրված է Մարկոսի կողմից: Այս մեկնաբանությամբ հայտնությունն է արվում բոլոր մարդկանց համար հաստատվելիք մի եկեղեցու, որտեղ հրեա լինելու հանգամանքը ոչ մի մասնավոր իրավունք կամ առանձնաշնորհում չի տալու բնավ:

Քահանայապետների համար սա անհանդուրժելի մի հայտնությունն էր:

73. ՓԱՐԻՍԵՑԻՆԵՐԸ ԵՎ ՓՈՂԸ (Մարկ. ԺԲ 13—17)

ԺԲ 13 Եվ նրա մոտ ուղարկեցին փարիսեցիներին և հերովդեսականներին ու մանց, որպեսզի նրան իր խոսքով որսան:

14 Եվ նրանք եկան ու նենգությամբ հարց էին տալիս և ասում. «Վարդապետ, գիտե՞ք, որ դու ճշմարտասեր ես և չես բաշխում ոչ ոքից, որովհետև մարդկանց արտաքինին չես նայում, այլ ճշմարտությամբ Աստուծո ճանապարհն ես ուսուցանում. արդ. ասա՞ մեզ, օրինավոր է հարկ տալ կայսրին, թե՞ ոչ. տա՛նք, թե՞ չտանք»:

15 Հիսուս իմացավ նրանց կեղծավորությունը և ասաց. «Ինչո՞ւ եք ինձ փորձում, կեղծավորներ՝ ինձ մի դահեկան բերեք, որ տեսնեմ»:

16 Եվ նրանք բերեցին: Եվ նրանց ասաց. «Ումն է այս պատկերը կամ գիրքը»: Եվ նրանք ասացին նրան՝ կայսրինը:

17 Հիսուս պատասխան տվեց և ասաց նրանց. «Գնացե՛ք, տվե՛ք կայսրինը կայսեր և Աստծունը՝ Աստծուն»: Եվ զարմացան նրա վրա:

Հիսուս քահանայապետներին ու նրանց շրջապատին մի լավ դաս էր տվել (Մարկ. ԺԱ. 27—33), իսկ այնուհետև առակի ձևով նրանց հայտնել էր իրենց իշխանության վախճանը (Մարկ. ԺԲ 1—12): Այժմ նրանք ուղարկում են հաջորդ պատվիրակությունը՝ միշտ Հիսուսին ծողակը գցելու հանձնարարությամբ: Փարիսեցիները և հերովդեսականները այն երկու խմբակցություններն են, որոնք, դեռևս Կափարնաչումում, միասին խորհուրդ էին արել, թե ինչպես կկարողանան լավագույն ձևով դավադրություն կազմակերպել նրա դեմ (Մարկ. Գ 1—6): Նրանց գաղտնի համաձայնությունը նոր բան չէ:

Յուրաքանչյուրը Հիսուսին ուղղում է մի հարց, որ ամենից ավելի է հետաքրքրում իրեն: Քահանայապետները մտահոգված

էին, որ տաճարը տակնուվրա էր արված: Փարիսեցիներին ու հերովդեսականներին հետաքրքրում էր ավելի շուտ վճարվելիք հարկը: Նոր Կտակարանը փարիսեցիներին հաճախ ներկայացնում է որպես բարեկեցիկ մարդկանց, որոնք բավականաչափ կապված են փողին:

Հոռմայեցի իշխողներին հարկ վճարելու կամ չվճարելու հարցը վեճի առարկա էր հրեա մտավորականության գլխավոր հոսանքների միջև: Որոշ ընդդիմադիր խմբեր այդ հարցում բացահայտորեն թշնամական դիրք էին բռնել: Փարիսեցիների մեծամասնությունը ավելի շուտ վերապահ էր, բայց չէր համարձակվում անհնազանդությամբ վտանգի ենթարկել այն խախտող հավասարակշռությունը, որ գոյություն ուներ կայսերական իշխանության և հարաբերական ինքնավարություն վայելող հրեական ճահնգների միջև: Ուստի նրանք մեծ մասամբ վճարում էին:

Հիսուսին տրված հարցը, որն ի դեպ ուղեկցվում էր ճարտասանական մեծ զգուշություններով, շփոթեցուցիչ էր: Ըստ նրա պատասխանի, կարող էին նրան մեղադրել հոռմեական իշխանությանը գործակից լինելու կամ ժողովրդի ըմբոստացմանը նրպաստելու մեջ, ինչ որ, երկու դեպքում էլ, նրան կոճեր փափուկ կացության առջև:

Իր սովորության համաձայն, Հիսուս մարդկանց ցույց է տալիս իրենց պատասխանատվությունները և նրանց մղում միմյան վերջ կատարելու իրենց գործերը: Այն փողը, որ նրանք սովորաբար գործածում են առևտրական գործառնությունների համար, որից օգտվում են և որով, հավանական է, նաև հարստանում, հոռմեական փող է: «Դե՛, պարոնա՛յք, իմացեք, որ այդ փողը Հոռմից է գալիս և ըստ այնմ վերաբերվեցեք»: Սա հայտնապես նշանակում է՝ «այդ» պատասխանել հարկ վճարելու մասին տրված հարցին: Բայց այդ պատասխանը Հիսուսից չի գալիս: Տրամաբանորեն այդ պատասխանը առկա է այն բանի մեջ, ինչ արդեն անում են փարիսեցիներն ու հերովդեսականները իրենց գործածած փողով. հենց իրենք են տալիս այդ պատասխանը:

(Օգտվելով իրեն ներկայացած առիթից՝ Հիսուս իր խոսակիցներին դնում է մեկ այլ պատասխանատվության առաջ, որ հայտնապես քիչ է մտահոգում նրանց. ի՞նչ են անում նրանք որպես կրոնական և հոգևոր մի կարևոր հոսանքի անդամներ: Այս դեպքում նույնպես իրենց է մնում պատասխան տալ...

Այսպիսին է Կեսարիին տրվելիք հարկի դրվագը, որը լայնորեն մեկնաբանվել է քրիստոնյաների կողմից, որոնք ամենատարբեր մեկնություններ են արել, ինչպես, օրինակ, այն, որ Հիսուս իբր մտադրություն է ունեցել արդարացնելու նյութականի և հոգևորի բաժանումը... Նման մեկնություն իրոք հեռու է թվում գրվածքից...

Առնակատման հետևանքով նոր թափ է ստանում այն պայքարը, որը Հիսուսին հակադրում է իր ժամանակաշրջանի կրոնական իշխանություններին: Նա ի դերն է հանում իր հակառակորդների բոլոր դավերը՝ նրանց դնելով իրենց իրական պատասխանատվությունների առաջ, և ցույց է տալիս, թե ո՞ր աստիճանի նրանք սովոր են խուսափելու այդ պատասխանատվություններից: Արդ, ի՞նչ արժե կրոնական մի իշխանություն, որ Աստծուն չի տալիս այն, ինչ նրան է պատկանում:

74. ՍԱԴՈՒԿԵՑՑԻՆԵՐԸ ԵՎ
ՀԱՐՈՒԹՅՈՒՆԸ (Մարկ. ԺԲ 18—27)

- ԺԲ 18 Նրա մոտ եկան սաղուկեցիները, որոնք ասում են, թե հարություն չկա. հարց էին տալիս և ասում.
- 19 «Վարդապետ, Մովսեսը մեզ համար գրել է. «Եթե մեկի եղբայրը մեռնի և կին թողնի ու որդի չթողնի, թող նրա եղբայրը առնի նրա կնոջը և իր եղբոր համար զավակ հասցնի»:
- 20 Արդ, մեզ մոտ յոթ եղբայրներ կային. առաջինը կին առավ և մեռավ ու զավակ չթողեց.
- 21 և երկրորդը նույն կնոջն առավ ու մեռավ. և նա էլ զավակ չթողեց: Նույն ձևով նաև երրորդը առավ նույն կնոջը:
- 22 Եվ բոլոր յոթն էլ զավակ չթողեցին. ամենից հետո մեռավ նաև կինը:
- 23 Արդ, հարության ժամանակ երբ հառնեն, նրանցից ո՞ւմ կինը կլինի. քանի որ բոլոր յոթն էլ նրան կին առան:
- 24 Հիսուս պատասխան տվեց և ասաց նրանց. «Հենց դրա համար չէ՞, որ մոլորված եք, քանի որ չգիտեք Գրքերը և ոչ էլ՝ Աստուծո գործությունը.
- 25 որովհետև երբ մեռելներից հարություն առնեն, ո՞չ տղամարդիկ կին կառնեն և ո՞չ էլ կանայք մարդու կգնան, այլ կլինեն հրեշտակների նման, որ երկնքում են:
- 26 Իսկ զայով մեռելներին, թե հառնում են, դուք չե՞ք կարդացել Մովսեսի գրքում, մորեմու հատվածում, թե ինչպես Աստված ասաց նրան. «Ե՛ս եմ,—ասում է,—Աբրահամի Աստվածը, Իսա-

հակի Աստվածը և Հակոբի Աստվածը»:

- 27 Իսկ Աստված մեռելների Աստվածը չէ, այլ՝ ողջերի. ուստի դուք խիստ մոլորված եք:

Գաղափարական որևէ դիրք ծիծաղելի դարձնելու համար չկա ավելի հեշտ միջոց, քան այն հասցնել անհեթեթության: Երրորդ խումբը, որը գալիս է Հիսուսի մոտ վեճի բռնվելու համար նրա հետ, բաղկացած է սաղուկեցիներից: Դա մի շարժում էր, որի անդամները հավաքագրված էին քահանայական ամենաերևելի ընտանիքներից և որի աստվածաբանական դիրքերը խիստ պահպանողական էին: Մեռելների հարությունը հաստատված չի Աստվածաշնչի առաջին հինգ գրքերում, որոնք կազմում են մովսիսական Օրենքը կամ Թորան (Հընգամատյան): Արդ, դա միակ գրվածքն է, որը բացարձակ հեղինակություն էր վայելում սաղուկեցիների շրջանակում: Ահա թե ինչու նրանք այդ հարցի շուրջ բանավիճելու էին եկել Հիսուսի մոտ, որը ծանոթ էր որպես մի անձնավորություն, որի համոզմունքները մոտիկ էին փարիսեցիների համոզմունքներին, համոզմունքներ, որոնց մաս էր կազմում հավատը մեռելների հարության նկատմամբ: Հրեական հավատը, մեր թվագրության առաջին դարում, հեռու էր միատեսակ լինելուց:

Աստվածաշնչական այն գրվածքը, որ օգտագործում էին սաղուկեցիները հակաճառելու համար Հիսուսին, գալիս է Երկրորդումն Օրինաց գրքից: Դա մեկն է հրեական Օրենքի այն տրամադրություններից, որը ծանոթ է «տագրոջ օրենք» անվամբ, որի համաձայն, երբ մեկը մեռնում էր առանց արու ժառանգ թողնելու, նրա եղբայրներից ամենամեծը պարտավոր էր ամուսնանալ այրիացած կնոջ հետ (բազմակնությունը այդ շրջանում սովորական էր) և զավակներ տալ նրան, որպեսզի ապահովվեր հանգուցյալի սերունդը (տես Երկրորդումն Օրինաց ԻԵ 5—6): Այսպիսով ապահովված էր լինում անվան և ժառանգության տևականությունը:

Այս օրենքը, որ գոյություն ուներ նաև հին քաղաքակրթություն ունեցող Իսրայելի հարևան ժողովուրդների մոտ, դարերի ընթացքում փոփոխությունների էր ենթարկվել իր գործադրության ձևերի մեջ, սակայն ընդհանուր առմամբ դեռ ի գործու էր Հիսուսի ժամանակաշրջանում: Սաղուկեցիների համար դա անիթ է ծառայում սարքելու իսկ և իսկ ոռկամբության* բնույթի մի

* Ռոկամբոլ—Ֆրանսիացի գրող Պոնտն դյու Տե-

ենթադրություն, որ թվում է, թե դժվարին դրության մեջ է դնում Աստծուն՝ անդենականում կողմնորոշվելու համար:

Սակայն Հիսուս լուրջ է ընդունում իր խտակիցների փաստարկումը: Նրա պատասխանի առաջին մասը՝ «...կի՞նեն հրեշտակների մեծ, որ երկնքում են» (համար 25), բոլորովին չի համոզում նրանց, որովհետև նրանք չէին հավատում նույնքան հրեշտակներին, որքան և հարությանը: «Գործք Առաքելոց»-ում հստակ կերպով ասված է այդ մասին.

Սաղուկեցիներն ասում էին՝ հարություն չկա.

Ո՛չ էլ հրեշտակ և ո՛չ Հոգի.

Իսկ փարիսեցիները խոստովանում էին երկուն էլ:
(Գործք ԻԳ 8)

Այդպես փաստարկելով՝ Հիսուս հարցականի տակ է դնում սաղուկեցիների համոզմունքների ամբողջությունը: Իր փաստարկման երկրորդ մասում նա շատ ավելի առաջ է գնում՝ շեշտելով էականը. եթե մարդկանց հետ Աստուծո կնքած դաշինքը այս կյանքի համար է, ապա դա շատ անցողիկ է: Աստված ինքը այլ կերպ է արտահայտվում, այդ թվում նաև Աստվածաշնչի առաջին հիմն գրքերում: Եվ Հիսուս դիտավորյալ կերպով մեջ է բերում Ելից գրքից մի հատված՝ քաղված անկեղ մորեմու դրվագից.

Ես եմ քո հոր Աստվածը, Աբրահամի Աստվածը, Իսահակի Աստվածը և Հակոբի Աստվածը:
(Ելից Գ 6)

Մովսեսի ժամանակաշրջանում այս երեք անձինք արդեն վաղուց մեռած էին: Ինչպե՞ս կարող էր ողջերի Աստվածը այդպես արտահայտվել, եթե ընդմիջտ ոչնչացած լինեին նրանք: Աստվածաշնչական տեքստերի ձևակերպումներն իսկ ենթադրել են տալիս, որ Աբրահամը, Իսահակը և Հակոբը, այս երկրից բաժանվելուց հետո, մտել են ոչ թե մահվան, այլ մի նոր կյանքի մեջ:

Սաղուկեցիները, ուրեմն, մեղադրվում են, որ ամբողջապես մոլորված են: Եվ այն մեղադրանքները, որ Հիսուս ուղղում է նրանց, ի գործ են բոլորի՝ համար. երբ մարդ քարոզում է մեռելների մասին մի կրոն, նա պատրաստ է մեռելների մասին մի կրոն:

րայի արկածային վեպերի գլխավոր հերոսը: Ռոկամբոյան ենթադրություն՝ տարօրինակ, անհեթեղ ենթադրություն (Մ. Թ.):

75. ԴՊԻՐԸ ԵՎ ՊԱՏՎԻՐԱՆՆԵՐԸ
(Մարկ. ԺԲ 28—34)

- ԺԲ 28 Դպիրներից մեկը, մոտենալով, ևսում էր նրանց, մինչ վիճում էին. երբ նա տեսավ, թե Հիսուս նրանց պատասխանը լավ տվեց, հարցրեց նրան և ասաց. «Ո՞ր պատվիրանն է առաջինը»:
- 29 Եվ Հիսուս ասաց նրան. «Ամենից առաջինն է՝ լսի՛ր, Իսրայել, մեր Տեր Աստվածը միակ Տերն է.
- 30 և դու պիտի սիրես քո Տեր Աստծուն քո ամբողջ սրտով, քո ամբողջ հոգով, քո ամբողջ մտքով և քո ամբողջ գործությամբ. սա է առաջին պատվիրանը:
- 31 Եվ երկրորդը նման է սրան. դու պիտի սիրես քո ընկերոջը, ինչպես ինքդ քեզ. չկա ուրիշ պատվիրան ավելի մեծ, քան սրանք»:
- 32 Եվ դպիրը նրան ասաց. «Լավ է, Վարդապետ, ճշմարտությամբ ասացիր, թե Աստված մեկ է, և բացի նրանից ուրիշ Աստված չկա.
- 33 և նրան ամբողջ սրտով, ամբողջ գործությամբ, ամբողջ մտքով սիրելը, ինչպես և ընկերոջն իր անձի պես սիրելը ավելի է, քան ողջակեզները և զոհերը»:
- 34 Եվ Հիսուս տեսնելով, թե նա իմաստությամբ պատասխան տվեց, նրան ասաց. «Հեռու չես Աստուծո արքայությունից»: Եվ այլևս ոչ ոք չէր համարձակվում նրան բան հարցնել:

Նախորդ երեք խմբերին հակառակ, այս չորրորդը, միջամտելով, հարց է տալիս Հիսուսին առանց հետին մտածումի: Նա նույնիսկ մոտենում է՝ նրան, որովհետև շատ լավ է տպավորվել նրա պատասխաններից: Սրա միջամտությամբ էլ ավարտվում է տաճարում տեղի ունեցած վիճաբանությունների շարքը Հիսուսի և հրեա հասարակության կրոնական գլխավոր խմբերի միջև: Մարկոսը եզրակացնում է. «Եվ այլևս ոչ ոք չէր համարձակվում նրան բան հարցնել»:

Դպրի տված հարցը արդարացի էր. ի պաշտոնե լինելով Օրենքի մասնագետ՝ նա պետք է այդ մասին հստակ գաղափար ունենար: Արդարև, ռաբբիները Հին Կտակարանից քաղել էին վեց հարյուր տասներեք պատվիրաններ, որոնք հարկավոր էր կատարել՝ սխալի մեջ չընկնելու համար: Մարդ կարող էր պարզապես գովաբան կորցնել: Արդար և բարեպաշտ մեկը կարող էր մտածել, թե Հին Կտակարանի Աստծո

ինչի՞ն էր պետք այդքան մանրախնդիր մի քարոշականություն: Այստեղից էլ հիմնական պատվիրանը որոշելու կարևորությունը:

Սպասվածին հակառակ, Հիսուս չի պատահանում տասնաբանյա պատվիրանով: Նախապես նա մեջ է բերում «Լսի՛ր, Իսրայել»-ի սկզբի մասը՝ հրեական ավանդությամբ նախապատվություն ստացած աստվածաշնչական հատվածներից մեկը. ժողովարաններում դրանով են սկսվում ժամասացությունները: Եվ բարեպաշտ ամեն իսրայելացի պարտավոր է այն արտասանել օրական երեք անգամ՝ դեմքը դեպի Երուսաղեմ դարձրած: Հրեա մարդու համար այդ հատվածն ունի այն կարևորությունը, ինչ որ «Հայր մեր»-ը՝ քրիստոնյայի համար.

**Լսի՛ր, Իսրայել,
Մեր Տեր Աստվածը միակ Տերն է:
Դու պիտի սիրես քո Տեր Աստծուն
Քո ամբողջ սրտով, քո ամբողջ հոգով,
Քո ամբողջ գործությամբ:**
(Երկրորդումն Զ 4—5)

Այս բանաձևն այսպես շարունակվում է, բայց Հիսուս մեջբերում է միայն դրա առաջին բառերը, որոնցով տրվում է Աստծու սիրտ պատվիրանը: Նա դրան միացնում է մի երկրորդ պատվիրան՝ քաղված Ղևուսցվոց գրքից և կենտրոնացված եղբայրական սիրտ վրա, որը առաջինի անհրաժեշտ լրացումն է: Ահա այն հատվածը, որից քաղված է այդ պատվիրանը.

**Վրեժխնդիր մի՛ լինիր և ոխ մի՛ պահիր
Որդիների դեմ քո ժողովրդի,
Այլ սիրի՛ր քո ընկերոջն, ինչպես ինքդ՝ քեզ,
Քանզի ես եմ Տերը:**
(Ղևուսցվոց ԺԹ 18)

Դպիրը, հաշտնապես բավարարված, իր խոր համաձայնությունն է հայտնում Հիսուսին: Նա «Լսի՛ր, Իսրայել»-ից վերցնում է Հիսուսի կատարած մեջբերումը՝ գուցադրելով դրան նույնիմաստ մի այլ հատված Երկրորդումն Օրինաց գրքից.

**Քե՛զ է, որ ցույց տվեց սա,
Որպեսզի դու գիտենաս,
Թե ինքը՝ Տե՛րն է Աստված,
Եվ չկա մեկ ուրիշը, բացի նրանից:**
(Երկրորդումն Դ 35)

Բացի այդ, նա նաև մի դիտողություն ունի ողջակեզներից գերիվեր սիրտ մասին,

որը արձագանքն է բոլոր մարգարեների քարոզության: Ահա մի մարդ, որի աստվածաշնչական հմտությունը բացահայտ է և միաժամանակ պարտավորեցնող: Հանձին նրա Հիսուս ճանաչում է մի եղբոր (համար 34):

Ակնհայտորեն այս դպիրն առանձնանում է իր խմբի մյուս մարդկանցից, որոնք քահանայապետների հետ միասին եկել էին գտնելու Հիսուսին՝ մեղադրանքներ ուղղելու համար նրան (Մարկ. ԺԱ 27—33): Ավետարանիչը, մեջբերելով այստեղ դպրի միջամտության այս դրվագը, ուզում է ցույց տալ, որ եթե հրեական իշխանությունները, ամբողջությամբ վերցրած, կազմակերպեցին Հիսուսի սպանությունը, հրեաներից յուրաքանչյուրը անհրաժեշտաբար մեղավոր չէ դրանում: Ընդհանուր առմամբ թըշնամաբար տրամադրված դպիրների խմբի մեջ իսկ գտնվում են մարդիկ, որոնք հաստատապես գնում են դեպի Աստուծո թագավորություն:

76. ԴԴԻՐՆԵՐԸ ԵՎ ՄԵՍԻԱՆ
(Մարկ. ԺԲ 35—37)

ԺԲ 35 **Մինչ Հիսուս ուսուցանում էր տաճարում, հարց տվեց ու ասաց. «Ինչպե՛ս են ասում դպիրները, թե Քրիստոս Դավթի որդի է,**

36 **մինչ Դավթին ինքը Սուրբ Հոգով ասում է՝ Տերն իմ Տիրոջն ասաց. Նրստի՛ր իմ աշուն, մինչև որ քո թշնամիներից քո ոտքերի համար պատվանդան դնեմ:**

37 **Արդ, եթե Դավթին ինքն իսկ նրան Տեր է կոչում, ինչպե՛ս նրա որդին կլինի»:**
Եվ շատ ժողովուրդ նրան լսում էր սիրով:

Այն դպիրը, որի հետ Հիսուս մտերմաբար մտքերի փոխանակություն ունեցավ առաջին պատվիրանի մասին, իսկապես որ բացառություն է կազմում իր խմբում (Մարկ. ԺԲ 28—34). որովհետև Երուսաղեմի կրոնական իշխանությունների հարցապնդումները հազիվ վերջացած՝ Հիսուս սկսում է արտահայտվել դպիրների դեմ: Նախ նա մերժում է այն ձևը, որով նրանք դատում ու գնահատում էին Մեսիային. այնուհետև դատապարտում է մեծարանքի ու պատիվների արժանանալու նրանց տենչը (Մարկ. ԺԲ 38—40):

Մեսիայի «Դավթի որդի» լինելը միայն դպիրները չէ, որ հաստատում էին: Հրեաստանում դա նրա ավանդական տիտղոսներից մեկն էր, ինչպես այդ ապացուցում են

Բարոյիմետոսի աղաղակները, այն կույր մարդու, որն ուզում էր լսելի դառնալ Հիսուսից, երբ նա դուրս էր գալիս Երիթովից.

Դավթի՛ որդի, ողորմի՛ր ինձ:

Հետագայում քրիստոնյաները սիրով ընդունեցին այս հորջորջումը: Մատթեոսը, օրինակ, իր ավետարանն սկսում է հետևյալ ձևով.

**Գիրք Ծննդյան Հիսուս Քրիստոսի՝
Դավթի որդու,
Աբրահամի որդու:**

Սակայն Հիսուս, նրանից հետո նաև ավետարանիչները, երևի մտածել են, որ «Դավթի որդի» արտահայտությունը շատ սահմանափակ մի ձև է՝ բացահայտելու համար Մեսիայի ինքնությունը: Մատնանշել նրան սուկ այն իրողությամբ, որ նա հին ժամանակների մեծ թագավորի սերունդից է, կարող էր սահմանափակել նրան լոկ քաղաքական դերի մեջ և փոքրացնել նրա համայնապարփակ հեղինակությունը: Եթե նա միայն Դավթի որդի է, ապա ուրեմն, երբ որ գա, թող զբաղվի հոռմալեցիներին դուրս վտարելով երկրից և թույլ տա, որ դպիրները հեղինակություն կերպով մեկնաբանեն օրենքը՝ հանգիստ նստած պատվո տեղերում: Այն շրջանում, երբ գոյություն ուներ այդ բանը, հրեա որևէ թագավոր, թեկուզ և Դավիթը, պետք է հաշվի նստեր կրոնական իշխանության հետ:

Իրենց բնագավառում դպիրները ոչ մի տիրոջ չեն ճանաչում: Նրանք իրենք իրենց վերագրում են մի այնպիսի իշխանություն, որ ոչ ոք իրավունք չունի վերահսկելու, ոչ իսկ Մեսիան, որի դերը նրանք փորձում են նվազեցնել: Ահա դրա դեմ է, որ դուրս է գալիս Հիսուս:

Ուժեղացնելու համար իր դիրքը՝ նա մի փաստարկում է օգտագործում, որ մոտ է իր ժամանակի ռաբբիների փաստարկմանը: Սաղմոսից նա մեջ է բերում մի հատված, որը, ըստ ավանդության, վերագրվում է Դավթին, և որտեղ «Տեր» բառը վերաբերում է երկու տարբեր անձների.

Տերն ասաց իմ Տիրոջը.

«Նստի՛ր իմ աջ կողմը...»:

(Սաղմոս ԾԺ 1)

Այս դժվար և անկասկած շատ հին սաղմոսը լայնորեն մեկնաբանվել է պատմության ընթացքում: Գրվածքում առաջին

«Տերը» մատնանշում է Աստծուն: Երկրորդը, ում Աստված ուղղում է իր խոսքը, Հիսուսի ժամանակաշրջանում այնպես էր մեկնաբանվում, թե Մեսիան է: Աստված նրան է ասում՝ «Նստի՛ր իմ աջ կողմը...»:

Դուրս է գալիս, որ Դավիթը «Տեր» բառն օգտագործում է՝ խոսելու համար Մեսիայի մասին, ինչ որ շատ անսովոր մի ձև է՝ անվանելու համար իր սեփական որդուն: Հիսուսի դատողությունը, հետևաբար, հանգում է հետևյալին. Մեսիան շատ ավելին է, քան «Դավթի որդի» հասկացողությունը: Թագավորը ինքն է ընդունում այդ: Եվ Սուրբ Հոգին արտահայտվում է նրա բերանով:

Այս փաստարկումը կարող է թվալ շատ բարդ, և Մարկոսը կարծես թե մի սուսնաձիգ կարևորությամբ չի հիշատակում այն: Սակայն դա իր սուսնաձիգ տեղն է գրավում այն ընդհարումների ֆոնի վրա, որոնք տեղի ունեցան Հիսուսի և իր ժամանակի կրոնական իշխանությունների միջև: Դա նաև Հռոմի և այլ վայրերի քրիստոնյաներին հիշեցնում է, որ Քրիստոս վեր է մնում իր ինքնությունը նվազեցնող ամեն կարգի սահմանումից, և որ նա Տերն է բոլորի:

77. ԶԳՈՒՇԱՅՈՒՄ ԴՊԻՐՆԵՐԻՑ

(Մարկ. ԺԲ 38—40)

ԺԲ 38 Եվ սովորեցնելով՝ նա իր ուսուցման ընթացքում ասում էր. «Զգո՛ւյշ եղեք այդ դպիրներից, որոնք ուզում են աչքի գարնող զգեստներով ման գալ, հրապարակներում հարգանքի ողջուններ որոնել,

39 ժողովարաններում՝ առաջին արոտները և ընթրիքների ժամանակ՝ առաջին տեղերը:

40 Նրանք ուտում են աչքիների տները, ցուցադրաբար երկարացնում են աղոթքները, որպեսզի ավելի խիստ դաստիարակ ընդունեն»:

Մեծ թվով ժողովուրդ լսում է Հիսուսին (Մարկ. ԺԲ 37): Նա շարունակում է մնալ տաճարի շրջափակում՝ գուցե նստած մի ցածր պատի եզրին, սովորաբար մի տեղ: Մի քանի տասնյակ մարդիկ կախված են նրա շրթներից: Ուրիշներ վստահաբար անցնում են նրա մոտով, մի պահ լսում նրան, ապա հեռանում: Այդպես է լինում միշտ, երբ մարդ խոսում է հասարակական մի վայրում:

Մի քիչ ավելի հեռու, տաճարի առաջամասի հարթ տարածությունը զարդարող պուռնիկների տակ, սուլերի և արևադարձի

մանր շերտերի միջից ուրվագծվում են տաճարի տերերի՝ քահանայապետների, ծերերի և դպիրների հանդիսավոր դիմագծերը՝ իրենց կարևորության և արժանավորության գիտակցությամբ առկեցուն։ Նրանց գոռոզ կեցվածքը զգվածք է պատճառում առանձնապես ա՛յս վայրում, որտեղ մարդ փոքրացնում է իրեն՝ պաշտելու համար մեծությունը Աստուծո։ Հիսուս մատնացույց է անում նրանց և զգուշացնում։ Այդպիսի տերեր չեն կարող օգնել մարդկանց՝ ոգեշնչվելու ճշմարտապես կրոնական ապրումներով։ Կեղծավորությունը նրանց օրենքն է։ Հարկավոր է զգուշանալ նրանցից, ինչպես ապականությունից։

Այն լեզուն, որ Հիսուս գործածում է դպիրների դեմ, հաստատապես շատ խիստ է։ Բայց երբեք անհրաժեշտ չափով կանգ չի առնվել դրա վրա։ Եվ Մարկոսը, հոգուտ Հոմերի քրիստոնյաների, հետևյալն է հիշեցնում. հավատացյալ ամեն համայնք կարող է իր միջից ծնունդ տալ երևելի մարդկանց դասակարգերի, որոնք իրենց են ծառայեցնում Աստծուն, փոխանակ ծառայելու նրան։ Պետք է անընդհատ պաշտպանվել նրանցից՝ չեղթարկվելու համար ծաղրանկարալին մի կրոնի հանգելու վտանգին։

78. ԱՅՐԻ ԿՆՈՋ ՕՐԻՆԱԿԸ
(Մարկ. ԺԲ 41—44)

- ԺԲ 41 Հիսուս կանգնած էր զանձանակի դիմաց. դիտում էր, թե ինչպես ժողովուրդը պղինձ դրամ էր գցում զանձանակի մեջ։ Եվ շատ մեծահարուստներ շատ բան գցեցին։
- 42 Մի աչրի կին եկավ և երկու լումա գրցեց, որ մի գրոշ էր։
- 43 Եվ Հիսուս իր մոտ կանչելով իր աշակերտներին՝ ասաց նրանց. «Ծմարիտ եմ ասում ձեզ, որ այդ չքավոր աչրին ավելի շատ գցեց, քան զանձանակի մեջ մյուս բոլոր դրամ գցողները։
- 44 քանի որ ամենքը իրենց ավելորդից գցեցին, իսկ նա՝ իր չքավորությունից, գցեց ամեն ինչ, որ ուներ, իր ապրուստը՝ եղած չափով»։

Աղքատ մի կնոջ արարքը, ինչպես նաև այն ուսուցումը, որին առիթ է հանդիսա-

նում այդ արարքը, կազմում են Հիսուսի կյանքի վերջին դրվագը, որ Մարկոսը գետեղում է Երուսաղեմի տաճարում տեղի ունեցած իրադարձությունների շրջանակում։ Այդ համեստ ընձան գերազանց պաշտամունքի արարք է։ Այս դրվագից անմիջապես հետո հանդիսավոր կերպով պիտի հայտարարվի տաճարի և նրա հարակից մասերի կործանումը։


Նախորդ գլխում Հիսուս խոսում էր այն դպիրների մասին, որոնք «ուսում են աչրիների տները» (Մարկ. ԺԲ 40)։ Այժմ ավետարանիչը հիշատակում է ծածուկ մեկ արարքը աչրի մի կնոջ, որ մանր դրամի երկու կտոր է գցում տաճարի զանձանակի մեջ։ Այս երկու դրվագները կապված են մեկը մյուսի հետ «աչրի» բառի միջոցով, որը «ճարմանդ-բառի» դեր է կատարում։ Ծահագործված կինը ավելի առատաձեռն է դուրս գալիս, քան իր ժամանակակիցներից շատերը։

Այսպիսի կանանց դրությունը շատ ծանր էր այնպիսի մի հասարակության մեջ, որտեղ իրավունքը գերազանցապես վերապահված էր տղամարդկանց։ Զրկված լինելով ամուսիններից՝ այդ կանայք բոլորովին անպաշտպան էին։ Նրանցից շատերը ապրուստի համար օրական մեկ կամ երկու հոռմեական գրոշ ունեին միայն։ Կարելի է, հետևաբար, չափել կարևորությունը տրված ընծայի, մինչ զանձանակի մեջ հնչում դրամներ գցող մեծահարուստները իրականում մեծ բան չեն տալիս։

Ունեզրկված՝ առավել ևս կողոպտված (ինչպես իր մեմաները) և երեսի վրա թողնված դպիրների կողմից, որոնք գիտեին օգուտ քաղել անպաշտպան մարդկանցից, աչրի կինը, որի մասին խոսում է Մարկոսը, շատ բան է տալիս այն բնից, որ մընում է իրեն. նա իր ամբողջ կյանքն է նվիրաբերում Աստծուն՝ կանգնելով աչրիստով ավետարանական պատգամի գծի վրա, որի մասին, սակայն, նա չի լսել բնավ։


Ինչպես կույր Բարտիմեոսը, որին Հիսուս հանդիպել էր Երիբովից դուրս գալու ժամանակ (Մարկ. Ժ 46—52), սա ևս հանդիսանում է ճշմարիտ աշակերտի տիպարը։

(Ծարունակելի)




«ЭЧМИАДЗИН»
ОФИЦИАЛЬНЫЙ ЖУРНАЛ ЭЧМИАДЗИНСКОГО КАТОЛИКОСАТА
(ЯНВАРЬ 1987 Г.)

1. Редакционная—Во имя порядка и канона (стр. 3—7).
2. Проповедь Его Святейшества Католикоса Всех Армян Вазгена I в Первопрестоле на Святое Рождество, 6 января 1987 г. (стр. 8—10).
3. Обмен приветственными телеграммами и посланиями по случаю Нового Года и Святого Рождества Спасителя между Его Святейшеством Верховным Патриархом и Католикосом Всех Армян Вазгеном I и главами сестер-Церквей (стр. 11—13).
4. Новогодние и Святорождественские поздравления Его Святейшества Католикоса Всех Армян Вазгена I трем первосвященным Престолам Армянской Церкви, всем епархиальным предводителям и церковным общинам (стр. 14).
5. Обмен новогодними телеграммами между Его Святейшеством Вазгеном I и высокопоставленными государственными деятелями (стр. 15—18).
6. Визит Его Святейшества Католикоса Всех Армян Вазгена I председателю Совета Министров Арм. ССР Ф. Саркисяну, 5 января 1987 г. (стр. 19).
7. Святорождественские торжества в Первопрестоле, 5—6 января 1987 г. (стр. 20).
8. Новый Год в Первопрестоле, 31 декабря 1986 г. (стр. 21—25).
9. Праздник святого Стефана Первомученика и рукоположение во диаконы в Первопрестоле, 25 декабря 1986 г. (стр. 26—28).
10. Признание Его Святейшеством Вазгеном I заслуг ряда священников и присвоение им почетного сана протонеря (о патриаршей энциклике благословения и присвоения)—(стр. 29).
11. Пребывание армянского хора кипрского учебного заведения Мелконян в Первопрестоле, 26 октября 1986 г. (стр. 30—36).
12. Церковная хроника. Новости. Описание торжеств, литургий и проповедей в Первопрестоле за январь месяц (стр. 37—38).
13. Проповедь архиепископа Нерсеса Позапяна в Первопрестоле, 5 января 1987 г. (стр. 39—40).
14. Проповедь священника Нарека Матариана в Первопрестоле, 4 января 1987 г. (стр. 41—42).
15. Интронизация нового главы Румынской Православной Церкви, 16 ноября 1986 г. (стр. 43).
16. Межцерковный вселенский вспомогательный съезд Всемирного Совета Церквей на Кипре, 17—26 ноября 1986 г. (стр. 44).
17. *Сурен Коланджян*—Вазген Первый Верховный Патриарх-Католикос Всех Армян, краткая хронология, 1908—1955, Первопрестольный Святой Эчмиадзин, 1986 г. (рецензия)—(стр. 45—51).
18. *Отец Мишель Кенел*—Как читать Евангелие (перевод с французского)—(стр. 52—60).



“ETCHMIADZIN”
OFFICIAL JOURNAL OF HOLY ETCHMIADZIN
(JANUARY 1987)

1. **Editorial**—On the name of order and canon (pp. 3–7).
2. The sermon of Holy Christmas of His Holiness Vasken I, the Catholicos of All Armenians, given in the Holy Cathedral of St. Etchmiadzin, 6-th January 1987 (pp. 8–10).
3. The congratulatory cables and letters exchanged between His Holiness Vasken I, the supreme Patriarch and Catholicos of All Armenians, and the spiritual heads of the sister Churches, on the occasion of the New Year and Holy Christmas (pp. 11–13).
4. The congratulatory letter of His Holiness written to the three hierarchical Sees of the Armenian Church, all diocesan prelates and church communities, on the occasion of the feasts of New Year and Holy Christmas (p. 14).
5. Cables exchanged between His Holiness and state high personalities of Armenian S.S.R. on the occasion of the New Year (pp. 15–18).
6. The visit of His Holiness Vasken I, the Catholicos of All Armenians, to Mr. Fadey Sarkisian, the Prime Minister of the Armenian S.S.R. 5-th January 1987 (p. 19).
7. The solemnities of Holy Christmas in the Mother See, 5–6th January 1987 (p. 20).
8. The New Year feast in the Holy See, 31st December 1986 (pp. 20–24).
9. The St. Stephen celebration and deaconal ordination in the Holy See, 25-th December 1986 (pp. 25–28).
10. With His encyclical of 31st December 1986 His Holiness granted the title of archpriest to four clergymen of the churches of Etchmiadzin (p. 29).
11. The choir of Melkonian Educational Institute of Cyprus in the Holy See, 26-th October 1986 (pp. 30–36).
12. Description of the Divine Liturgy services sermons delivered in the Holy Cathedral and feasts which have taken place in the Mother See during the month of January 1987 (pp. 37–38).
13. The congratulatory allocution of Archbishop Nerses Bozabalian in the Patriarchal Residency on the occasion of the New Year, 1st January 1987 (pp. 39–40).
14. The sermon of Father Narek Madarian in the Holy Cathedral, 25-th January 1987 (pp. 41–42).
15. The enthronement ceremony of the new Patriarch of the Rumanian Orthodox Church, 16-th November 1986 (p. 43).
16. The conference of the Commission of W.C.C.'s World consultation on interchurch aid, Refugee and World service in Cyprus, 17–26-th November 1986 (p. 44).
17. **Sooren Kollandjian**—Vasken I, the Catholicos of All Armenians, brief chronology of His life, from 1908 until 1955, Holy See of Etchmiadzin, 1986 (pp. 45–51).
18. **Father Michel Quesnel**—„How to read a gospel“ (Armenian translation from French)—(pp. 52–60).



„ETCHMIADZINE“
ORGANE OFFICIEL DU SAINT-SIEGE D'ETCHMIADZINE
(JANVIER 1987)

1. Editorial: „Au nom du maintien de l'ordre et du règlement“ (pp. 3—7).

2. Homélie de Sa Sainteté Vasken Ier prononcée le 6 Janvier 1987 dans la cathédrale de Saint-Etchmiadzine à l'occasion de la fête de la naissance de notre Seigneur Jésus-Christ (pp. 8—10).

3. Echange de télégrammes et de lettres de félicitation entre Sa Sainteté Vasken Ier et les chefs spirituels des Eglises soeurs à l'occasion des fêtes de Noël et du Nouvel An (pp. 11—13).

4. Lettres de félicitation de Sa Sainteté adressées aux chefs des trois sièges hiérarchiques, aux prélats diocésains et aux communautés religieuses de l'Eglise apostolique arménienne à l'occasion des saintes fêtes de Noël et du Nouvel An (p. 14).

5. Echange de télégrammes entre Sa Sainteté et les hautes personnalités d'Etat de la R.S.S. d'Arménie à l'occasion de la fête du Nouvel An (pp. 15—18).

6. Visite de Sa Sainteté à M. Fadey Sarkisian, président du Conseil des Ministres de la R.S.S. d'Arménie, le 5 Janvier 1987 (p. 19).

7. Solennités au Saint-Siège d'Etchmiadzine consacrées à la fête de la Sainte Nativité (5—6 janvier 1987)—(p. 20).

8. Description des festivités organisées au Saint-Siège d'Etchmiadzine la nuit du 31 décembre 1986 (pp. 21—25).

9. Célébration de la fête de Saint Etienne et ordination de diacres dans la cathédrale de Saint-Etchmiadzine (25 décembre 1986)—(pp. 26—28).

10. Par son encyclique du 31 décembre 1986

Sa Sainteté a conféré le titre d'archiprêtre aux 4 curés des églises de la ville d'Etchmiadzine (p. 29).

11. La chorale du Collège arménien Melkonian de Chypres au Saint-Siège d'Etchmiadzine (26 octobre 1986)—(pp. 30—36).

12. Brèves information concernant la célébration des saintes messes, les sermons prononcés à cette occasion et d'autres cérémonies religieuses qui ont eu lieu dans la cathédrale de Saint-Etchmiadzine au cours du mois de janvier 1987 (pp. 37—38).

13. Allocution de l'archevêque Nersès Bozalian prononcée le 1er janvier 1987 dans la résidence patriarcale à l'occasion du Nouvel An (pp. 39—40).


14. Sermon du Père Narek Matarian prononcé le 25 janvier 1987 dans la cathédrale de Saint-Etchmiadzine (pp. 41—42).

15. Cérémonie d'intronisation du nouveau chef de l'Eglise orthodoxe roumaine (16 novembre 1986)—(p. 43).

16. Consultation mondiale de la Commission d'Entraide des Eglises et d'Assistance aux Réfugiés du COE tenue à Chypres du 17 au 26 novembre 1986 (p. 44).

17. Souren Kolandjian—„Vasken Ier, catholikos de tous les Arméniens“. Chronologie abrégée de sa vie, de 1908 à 1955, St.-Siège d'Etchmiadzine, 1986 (compte rendu)—(pp. 45—51).

18. Père Michel Quesnel—„Comment lire un évangile“ (traduction du français en arménien)—(pp. 52—60).



ԲՈՎԱՆԴԱԿՈՒԹՅՈՒՆ

ԽՄԲԱԳՐԱԿԱՆ—Ի սեր կարգ ու կանոնի	3
Ամենայն Հայոց կաթողիկոս Ս. Տ. Վազգեն Ա. Հայրապետի Սուրբ Ծննդյան քա- րոզը՝ արտասանված Սուրբ Էջմիածնի Մայր տաճարում	8
Ամանորի և Փրկչի հրաշափառ Սուրբ Ծննդյան տոների առթիվ Ամենայն Հայոց Ծայրագույն Պատրիարք և կաթողիկոս, Նորին Սուրբ Օծուրջուն Ս. Տ. Վազ- գեն Ա. Հայրապետի և բույր եկեղեցիների հոգևոր պետերի միջև փոխանակ- ված ողջույնի հեռագրերն ու գրությունները	11
Ամենայն Հայոց Վեհափառ Հայրապետի շնորհավորական գիրը Ամանորի և Սուրբ Ծննդյան տոների առթիվ՝ ուղղված Հայաստանյայց եկեղեցու նպիրապետա- կան երեք Աթոռներին, թեմակալ բոլոր առաջնորդներին և եկեղեցական հա- մայնքներին	14
Ամենայն Հայոց Վեհափառ Հայրապետի և պետական բարձրաստիճան անձնավո- րությունների միջև փոխանակված հեռագրեր Նոր տարվա առթիվ	15
Ընդունելություն Հայկական ՍՍՀ Միգիստրների խորհրդում	19
Սուրբ Ծննդյան հանդիսությունները Մայր Աթոռում	20
Ամանորը Մայր Աթոռում	21
Սուրբ Ստեփանոսի տոներ և սարկավագական ձեռնադրություն Մայր Աթոռում	26
Հայրապետական գնահատություն	29
Մելքոնյան կրթական հաստատության երգչախումբը Մայր տաճարում	30
ՄԱՅՐ ԱԹՈՐՈՒՄ—Եկեղեցական բեմ. լուրեր	37
Վճիռ Հայրապետական	38
ՆԵՐՍԵՍ ԱՐՔԵՊՍ. ՊՈԶԱՊԱԼՅԱՆ—Քարոզ	39
ՆԱՐԵԿ ՔՀՆ. ՄԱՏԱՐՅԱՆ—Քարոզ	41
Ռումեն ուղղափառ եկեղեցու նոր հովվապետի գահակալությունը	43
Եկեղեցիների Համաշխարհային Խորհրդի միջեկեղեցական տիեզերական օժանդա- կության համագումար Կիպրոսում	44
ՍՈՒՐԵՆ ՔՈՒՆՉՅԱՆ—Վազգեն Առաջին կաթողիկոս Ամենայն Հայոց, համառոտ տարեգրություն 1908—1955, Մայր Աթոռ Ս. Էջմիածին, 1986	45
ՀԱՅՐ ՄԻՇԵԼ ՔԵՆԵԼ—Ինչպես կարդալ Ավետարանը	52
«Эчмиадзин» официальный журнал Эчмиадзинского Католикосата.	61
«Etchmiadzin» official monthli of Holy Etchmiadzin	62
«Etchmiadzine» organe officiel du Saint-Siege d'Etchmiadzine	63

ԽՄԲԱԳՐՈՒԹՅԱՆ ՀԱՍՅԵՆ

ՀԱՅԿԱԿԱՆ ՍՍՀ, ԷՋՄԻԱԾԻՆ
«ԷՋՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».
Rédaction de la revue «Etchmiadzine», Etchmiadzine. Arménie, URSS

Հանձնված է արտատրության 15.01.1987 թ.: Ստորագրված է տպագրության 20.01.1987 թ.:
Տպագրական 4 մամուլ+5 ներդիր, թուղթ 60×84¹/₈, պատվեր 77

Մայր Աթոռ Ս. Էջմիածնի տպարան, 1987 թ.

